

MUDZIMU WA

ITSI TSHIKHATHI TSHIVHI

 [Murathu Orman Neville u ri, "Uyu muvhigo, nga murahu ha muṭangano wo ḥanganelanwaho wa bodo ya madikoni na vhalangandaka vha thaberenakele wa vhusiku ha Lavhuṭanu, ri khou vhala aya mawanwa a no do tea kha munna muṇwe na muṇwe, kha musadzi muṇwe na muṇwe, ane a vha mutevheli o themendelwaho wa uyu mushumo, a no do takalela u ḥivha muhumbulo wa bodo, mufunzi na mufunzi o farelaho. Ndi vhala aya mawanwa nga matsheloni ano. Muṇwe na muṇwe kha a thogomele o ḥifunga na u a dzhieila tshenzhemo u ya nga hune na kona." Murathu Neville u vhala mawanwa a tevhelaho:

"Aya mawanwa o itwa nahone a phasiswa nga bodo ya vhalangandaka, na madikoni hu na pfano yo ḥalaho na mufunzi na mufarisa mufunzi.

"Theiphi dzoṭhe dza therō dza Vhaf. William Branham dzi do tea u itwa nga Fred Sothmann fhedzi, u swika hu tshi vha na iñwe ndivhadzo i bvaho kha bodo. Riñe nga tshino tshifhinga a ri limuwi muṇwe mushumo-vho wa theiphi wa fhedzi. Idzi theiphi dzi na muṇe wadzo, huno a dici koni u dovha dza bveledzwa nga muṇwe muthu-vho nga nn̄da ha Fred Sothmann hu si na thendelo yawe yo nwaliwaho.

"Tsha vhuvhili. A hu na muthu a faraho miṭangano, a rengisaho dzibugu kana dzitheiphi, a no khou nwala dziphampulethe, a neaho malabi a thabelo kana garata dza luṇwe lushaka-vho, kana a tshi humbelo zwiṇwe zwifhiwa-vho, ha khou limuiwa nga itsi tshivhidzo kana mufunzi watsho. Vha khou ita izwi vha tshi q̄itisa khole-khole, huno a vho ngo ḥewa maandalanga a u ita nga u ralo.

"Tsha vhuraru. Itsi tshivhidzo a tshi rumeli vhaṇwe vhashumeli-vho nn̄da nn̄dani ha mufunzi watsho, Vhaf. William Branham, u fara dzitshumelo huṇwe fhethu-vho.

"Zwiitisi zwa aya mawanwa ndi zwi tevhelaho:

"Zwo no diswa kha tshenzhemo yashu uri vhashumeli vha khou budekanya shango vha tshi dzhena kha vhuṇwe vhuṭama, vha tshi ri vho dowelana, nahone vha rumelwa nn̄da nga itsi tshivhidzo u fara iyi miṭangano.

"Nahone zwo no diswa kha tshenzhemo yashu uri vhatnu vha khou gaṇdisa dzigaraṭa na dziphampulethe, vha tshi rumela nn̄da malabi a thabelo na zwiṇwe-vho, hu tshi nga vho ḥewa maandalanga a u ita nga u ralo nga itsi tshivhidzo na

mufunzi watsho, zwine zwa sa vhe ngoho. Zwi do takalelwa arali ni tshi do divhadza tshivhidzo nga ha muñwe muthu-vho a no wanala a tshi khou ita izwi.

“Aya mawanwa o no vhaliwa nahone a tendelwa nga mufunzi Vhaf. William Branham, mufunzi o farelaho Vhaf. Orman Neville, na bodo ya vhalangandaka na madikoni.”—Mudz.]

[Murathu Neville zwenezwo u ri, “Ngavhe Murena a tshi ni fhatutshedza.” Tshumeloni ya nga madekwana, 65-0801E, Mukomana Branham u amba nga ha ndila ye bodo ya tshivhidzo ya dzhia idzi tsheo. Tshikhala kha theiphi—Mudz.]

Zwithu zwi a konadzea, tendani fhedzi;
Tendani fhedzi, tendani fhedzi,
Zwithu zweøthe zwi a konadzea, fhedzi . . .

Kha ri kotamise zwifhañuwo zwashu.

Khotsi wa ḥadulu a funwaho, ri a livhuwa matsheloni ano uri ri kona u tenda. Zwo itiwa uri zwi konadzee nga Malofha o shuluwaho a Murwa Wau, Yesu, uri ri do vha vha re na mukovhe kha tshilidzi Tshawe; huno ra vha vharwa na vhananyana vha Mudzimu, nga u thetshelesa Hawe u ya kha lufu ngei tshifhambanoni, ra itiwa vho lugaho nga u tenda Khae na muvovo Yawe, huno zwino Muya Mukhethwa u shululelwa mbiluni dzashu.

² Ri livhuwa itshi tshifhinga tsha u da fhano matsheloni ano u kovhekana mihumbulo yashu na khuliso dzashu, u bula nga dzinyimbo, vhuñanzi, u vhalwa ha Dziphisalema, u vhalwa ha Ipfi Lau, nahone ro lindela nga u khethea Muya Mukhethwa uri u ri nee Mulaedza wo khethelwaho ino awara. Zwi tendele, Murena. Ngavhe ri tshi vha na mbuelo nga u vha fhano ñamusi. Huno musi ri tshi ṫuwa tshifhañoni, ngavhe ri tshi amba vhunga avho vha bvaho Emausi, “Naa mbilu dzashu a dzo ngo swa ngomu hashu A tshi amba na riñe matsheloni ano?” Zwi tendele izwi zwithu, Mudzimu wa U Ya Nga Hu Sa Fheli, nga Dzina la Yesu Kristo. Amene.

Dzulanî.

³ Ndi matsheloni, dzikhonani, fhano, ngeno nn̄da thaberenakeñi na kha khonani dzashu nn̄da kha lushaka lwoøthe, ndila yothe u bva Khunzikhunzini ya Vhukovhela, hafhu matsheloni ano, u ya Khunzikhunzini ya Vhubvañuvha, na devhula na tshipembe, kha vhuñumañthingo.

⁴ Ndi ḫuvha li takadzaho fhano Indiana, hu na makole zwiñuku, nyana, hu a rotholela, havhuñi nga maanda. Thaberenakeñi yo ḫala, nn̄da ngomu dzidzharañani na u mona na mbondo. Ri kha ndavhelelo khulwane dza uri Murena u do ri dalela ñamusi. Huno ri fhulufhela uri Mudzimu o ni ñea ḫuvha ḫavhuñi huñwe na huñwe hune na vha hone. Huno ndi ḫuvha ḫavhuñi, ngauri Murena o li ñekedza. A hu londwi zwine mutsho

wa vha zwone, ndi ḫuvha ḫavhuđi. Ro takala u vha fhano, ro takala ngauri ri tshee na tshifhinga tsha u bulela shango lutendo lwashu kha Yesu Kristo. Huno ri ḫodou dzhia tshifhinga tshiňwe na tshiňwe tshire ri nga kona u ḫea u bula hashu lufuno Lwawe na zwe A ri itela zwone. Namusi riňe ri... .

5 Ndo ḫewa, zwifhinganyana zwi si gathi zwo fhiraho, ndi–ndivhadzo uri ndi i ite, huno zwenezwo ndi na zwithu zwi si gathi hafha zwine nda ḫo takalela u zwi amba. Huno tshiňwe tshazwo, ndivhadzo yo ḫewa npe malugana na muťangano wa bodo vhuňwe vhusiku. Huno ho vha na mudikoni muthihi a bvaho tshividzoni we a dzhia vhudzulo ngei Arizona, ane a vha Mukomana Collins, mukomana washu a tamisaho. Huno musi a siho, vhone, bodo, yo khetha Mukomana Charlie Cox u dzhia fhethu hawe musi o ḫuwa. Huno Mukomana Charlie Cox o khethwa lwa tshiofisi nga vhalangandaka... kana bodo ya madikoni a itshi tshividzo, u dzhia ofisi ya Mukomana Collins, musi a siho.

6 Huno tshithu tshire nda ḫodou amba, hafhu, ndi ḫodou ni livhuwa nothe vhathe, ngauri vhaňwe vha vhoiñwi vha nga di ya hayani tshumelo ya phodzo i sa athu vha hone madekwana a namusi, u itela zwifhiwa zwitku zwi takadzaho, zwihumbudzi. Zwiliwa zwinzhi zwo diselwa riňe tshee ra vha fhano. Huno u bva kha mufumakadzi wanga na nne, na muća wanga, zwa vhukuma ri a zwi takalela. Nga tshiňwe tshifhinga ndi vhuya nda hangwa u amba tshiňwe tshithu nga hazwo. Hu na mushumo nga maanda, ni a ḫivha. Thalukanyo yanga i kha u mona nga maanda tshifhinga tshořhe. Inwi ni nga humbulela zwine zwa vha zwone, zwa vhathe, hu si vha no bva henehafha fhedzi kha tshino tshividzo, fhedzi u bva u mona na shango. Ni a vhon? Huno zwi nga u ni ita uri ni dzule ni tshi mona tshifhinga tshořhe.

7 Muřwe o vha a tshi khou amba nga ha u kumedziwa ha vhushie, na tshumelo dza ndovhedzo, na zwiňwe-vho. Izwo ndi zwavhuđi nga maanda. Ndi tama ndo vha ndi tshi nga zwi ita, fhedzi zwi khou tou thwisita nga maanda, a—a thi na na tshifhinga. Ndi tea u dzula ndo vhea thalukanyo yanga henehafha kha hoyu, hoyu Mulaedza. Inwi ni a zwi ḫivha uri Bivhili yo amba na vhaapostola, kana... Vhaapostola, kha ndi ralo, Bivhilini, vho ri, "Iyani, ni ditodele, vhukati hanu, vhanna vha re na muvhigo wavhuđi, vha fhulufhedzeaho nahone vho dalaho Muya Mukhethwa, uri vha kone u shuma mishumo." Huno nda vhudza Billy... .

A ri, "Naa vha khou yo kumedza lushie nga tshino tshifhinga, baba?"

Nda ri, "Yawee, nnenne!" Ni a vhon? Arali... Ri na vhusunzhi hao ho lindelaho u kumedziwa, huno izwo ndi zwone, ndi ḫo tea u vhuya murahu huno nda dzhia ḫuvha ḫatshipentshela ḫa u kumedziwa ha vhushie. Ngauralo ndi ḫo takalela u ita hezwo, zwino.

⁸ Fhedzi ri ṭoda u livhuwa muñwe na muñwe wa vhoinwi zwi tshi bva mbiluni dzashu; mufumakadzi, nñe, na muña washu. Vhathu vha ri disela zwilibikelwa, nawa nnu, mahabu, zwispanspeke, oo, zwistoroberi. Tshiñwe na tshiñwe tshe tsha vha tshi tshi nga elekanywa, vha a tshi disa.

⁹ Mukomana wa vhuthogwa na khaladzi awe, línwe ḋuvha, vho ri disela galaguni lìhulu. Ndi kha di lì ja. Huno ngauralo fhedzi... Oo, huno ndi do tea u lì kunakisa ndi sa athu ṭuwa, ndi a humbulela. Ngauralo arali nda sa ralo, u do lì dzhia ra ṭuwa naļo. Huno ngauralo—ngauralo ri do... Rine zwa vhukuma ri a takalela izwi zwithu. Ndi ḋivha vhanzhi ha vhathu; vhañwe vhavho a thi vha ḋivhi. Vha do vha vho edela vurannđani musi ri tshi dzhena. Huno ngauralo zwa vhukuma ndi a zwi takalela.

Huno vhanzhi ndi a vha ḋivha. Ndi na... Ndo no vhona vhanzhi, huno hu na vhanzhi vhane nda si anzele u vha vhona. Ndi—ndi na ngoho ya uri muñwe na muñwe u a pfectesa uri ndi—ndi do takalela u swika kha muñwe na muñwe waļu arali ndi tshi nga kona, fhedzi ndi tou vha ndi ndothe. Ni a vhona? U... Ndi nga si kone u swika kha muñwe na muñwe. Ndi khou ita tshiñwe na tshiñwe tshine nda ḋivha uri tshi itiwa hani.

¹⁰ Ngauralo, Mudzimu a vhe na inwi. Ndi na ngoho ya uri hu na Muñwe a no do vha na inwi; uyo ndi Yesu Kristo, huno A nga kona u ralo. Ndi ene Muthu e ethe a re hothe-hothe. Huno nahone U na maanda othe, ngauralo A nga kona u disedza thođea iñwe na iñwe. Nahone, u ḋivha zweđhe, nahone u ḋivha thođea dzaļu, dza zwine na zwi ṭoda.

¹¹ Ndi laya muñwe na muñwe ane nda sa do... Ndo vha ndi tshi khou tāvhanya nga he nda kona, na musi ndo no vha fhano matsheloni ano, huno ndi do wana muñwe na muñwe ane nda kona. Nahone arali... Zwine nda balelwa u zwi swikelela, Mudzimu a re na maanda othe u do—u do disedza thođea dzaļu dzođhe u ya nga lupfumo Lwawe Vhugalanı.

¹² [Mukomana Branham u a awela, zwenezwo a amba na Murathu Neville—Mudz.] A thi koni u vhala hezwo zwavhudisa. Naa ni do zwi vhala?

Ndi ndivhadzo ya tshipentshela ya luñwe lushaka. Huno ndi elekanya uri Billy Paul u fanela u vha o i ñwala. Ngauralo u fana na nñe; a thi koni na u vhala muñwalo wa nñe muñe. Huno ngauralo ndi na muñwalotshikhau wođhe wa nñe muñe. Huno arali no vha ni tshi nga vhona mañwe mañwalwa anga hafha, o ñwalwaho hafha, ni elekanya uri no vha ni tshi do vhuya na a pfectesa ayo? [Mukomana Branham u sumbedza tshivhidzo lìñwalwa ṭawé lo ñwaliwaho, huno u a sea navho—Mudz.] Ndi na tshi no nga ḋaledzi, i tshi pfuka boroho, na zwiñwe-vho, zweđhe fhedzi...

[Murathu Neville u vhala ndivhadzo—Mudz.]

Mukomana Adair, Adair wa Arkansas, u vhona Vhaf. Pearry Green ngei murahu ha kereke nga u ḥavhanya. Zwo luga.

¹³ Zwino, ngauralo tshiñwe tshithu tshine nda do—do takalela u tshi ḥivhadza hafha ndi—ndi uri, madekwana aya a ɻamusi zwino ndi a tshumelo dza phodzo. Ri khou yo rabelela vhalwadze madekwana a ɻamusi, huno ngauralo ndi—ndi fulufhela uri ni do vha fhano.

¹⁴ Huno ri rumela dzindumeliso kha vhathu vhothe nn̄da kha shango lothe, nga Dzina la Murena Yesu, uri Mudzimu u do ni fhaṭutshedza matsheloni ano. Vhañwe vha vhoinwi vha n̄tha u yela masiari. N̄tha ngei New York, hu ḥodou vha tshifhinga tsha nga masiari tshivhangalala. Huno nn̄da ngei Arizona, Khunzikunzi ya Vhukovhela, hu ḥodou vha fhedzi awara ya sumbe n̄tha ha tshithoma. Ngauralo hu na... Huno ri hafha henehfa vhukati. Ngauralo Mudzimu a ni fhaṭutshedze ni tshi khou thetshelesa. Zwino izwi khamusi zwi nga...

Ndo zwi dzhia nda zwi hwesa mbilu yanga, musi ndi fhano...

¹⁵ Huno a tho ngo tendelwa u vha na dziholo khulu, huno mafhedziselonu vho nga u ri ɻea thendelo; ro kona u vha na tshumelo nthihi, fhedzi ri songo rabelela muñwe mulwadze-vho. A—a thi... Uyo ndi mushumo wanga. Ndi tea u ita zwine Muya Mukhethwa wa mmbudza u zwi ita. Ngauralo nda—nda zwi hana, ngauri ndi ḥodou vha o vhofholowaho u ita tshiñwe na tshiñwe tshine Muya Mukhethwa wa mmbudza uri ndi ite. Ni a vhona? Ngauralo nda elekanya uri ri nga kondelela zwashu ɻinwe ḫuvha hafhu, naho zwo ralo, thaberenakeñeni. Huno hu a rotholela matsheloni ano. Murena u kha di bva u ri itela ḫuvha ḫavhudi fhano, ngauralo ri a livhuwa.

¹⁶ Zwino, nga u ita izwi, ndo da fhano ndi na ndivho ya u funza Madzhomela a u fhedza, Madzhomela a Sumbe a u fhedza, na Porompiña dza Sumbe dza u fhedza, na Mibvumo ya Sumbe ya u fhedza, ya Bugu ya Nzumbululo, i tshi a vhofhekanya fhethu huthihi kha ino awara ine ra tshila khayo zwino; u tevhela u pfunjululwa ha Mapfundo a Sumbe, Zwikathi zwa Sumbe zwa Tshivhidzo. Ngauralo, ro kundelwa u wana lufhera lwa u zwi ita. Ngauralo ndi—ndi fhulufhela uri, zwenezwo ndi tshi nga kona, ri do...nga kona u wana fhethu ho edanaho hezwo, fhano kana ngei Louisville, New Albany, kana ra ḫoka dennde, ngauralo ri nga tou dzula samusi Murena a tshi ri ranga phanđa kha u ita.

¹⁷ Fhedzi kha hezwi zwino, ndo dzhia itshi tshifhinga u bula kha vhathu u tenda hanga na lutendo kha Mudzimu, nahone zwenezwo u ni disa kha awara ine ra tshila khayo. Huno nga izwi, a zwo ngo khethelwa muñwe muthu-vho, dzindaela, tshiñwe na tshiñwe tshine tshi nga vha tshone; zwi tou vha vhunga ndi tshi vhona Ipfì la Mudzimu. Huno Swondaha yo

fhiraho ro vha na u shululwa ha Muya havhudzi nga maanda kha Ipfi. Yo vha yo lapfa nga maanda, huno ndo vhenga u dzula tshifhinga tshingafho; fhedzi naho zwo ralo a ri divhi uri ndi nga tshifhinga-de hune ra khou yo ḥangana lwa u fhedzisela. Huno ri fanela, vhunga . . . ḥoda u vha nga u ralo. Ndi ḥoda u vha nga u ralo, kha ndi ri, vhunga Paulo o amba wa kale, “A tho ngo tinya u ni ḥivhadza Ngeletshedzo yothe ya Mudzimu.” Yesu o amba zwauri Ho ngo dzumbela vhafunziwa Vhawé tshithu.

Huno vhunga nne, nga maanda ndi mushumoni wa u lingedza u dzula ndi fhasi ha n̄odžo ya Muya Mukhethwa, u wana uri awa—awara, Mulaedza wa awara ndi mini, nne nga tshiniwe tshifhinga ndi kundelwa u bva huno nda ita mishumo yanga sa mulanda wa Kristo, sa mushumeli. Fhedzi ndi na vhanna vho vhalaho vha no lingedza u nthusa u ita hezwi, vhane nda vha livhuwa, vhakomana vhanga vha vhashumeli vhothe.

¹⁸ Zwino, a thi khou amba u lingedza u fareledza vhathu. Arali vho inwi, n̄nda ngomu shangoni hune Mulaedza wa khou ya, no vha ni tshi nga kona u ima huno na sedza u mona hothe na iyi kereke matsheloni ano, kha dziphasedzhi, dzinesari, n̄nda, radio dzo fungiwa, dzibisini, zwigarikana, na zwińwe-vho, na mimodorokara, no vha ni tshi do vhona uri thaidzo ndi mini. Huno zwenezwo tshumelo ińwe na ińwe, vhanzhi, vhanzhi vha tshi fhira vha tshi reila; nahone vha tshi khou vhidzelela, na zwińwe-vho, vho kundelwa u dzhena kana u mona hothe. Huno ri do ḥoda lufhera lwo engedzeaho u itela uri vhathu vha kone u dzula nahone vha digede.

Huno zwenezwo u disa kha wone—wone Mulaedza zwine nda elekanya uri ndi zwa ndeme nga maandesa, ndi pfa uri ri tea u ralo, muńwe na muńwe, u vha vha digedaho huno ra dzula, huno ngauralo ri nga kona u thetshelesa; ri na penisela dzashu na bambiri, na dzinotsi na Bivhili, na zwińwe-vho, u ińwala dzi—dzinotsi. Fhedzi nga iyi n̄dila ndo elekanya uri ndi do humela murahu kha tshifhinga tshine ra vha natsho, tshine ra tshila khatsho, huno ra lingedza u disa zwińwe zwa izwi zwithu zwine na khou yo ḥangana nazwo. Huno ni khou yo zwi ḥoda.

¹⁹ Arali nda da fhano namusi, kana nga lińwe duvha-vho, kana muńwe mushumeli-vho, u lingedza u disa mulaedza kha vhathu, vhathu vha faho sa zwine ra vha zwone, nahone tshifhinga tsho sendela tsini nga maanda, vhunga ndi tshi tenda u itela ili duvha; ndi do vha ndi muhoi u lingedza u disa tshińwe tshithu tshine nda divha uri ni do tshi takalela huno tshi do lwa na Ipfi la Mudzimu, kana tshińwe tshithu tsha u kokodza gogo, kana—kana tshińwe tshithu tsha u ralo; ndo—ndo vha ndi sa do ralo . . . Ndo vha ndi si nga vhi tshine nda—nda tea u vha tshone fhano, mushumeli wa Kristo. Ndi ḥodou disa tshińwe tshithu tshine nda elekanya uri ndi tsha mashumisele a ndeme kha inwi, hu si u vhonwa fhedzi; fhedzi

u elekanya uri ndi tshiñwe tshithu tsha uri arali nda fa namusi, matshelo tshi ðo gimiwa mbiluni yanu uri ni bvele phanda huno na shumela Mudzimu.

²⁰ Zwino ndi ðodou amba uri hu na tshiñwe tshithu tshi no khou dilugisela u bvelela. Ndi a tshi ðivha. Vhunzhi hanu fhano ni a elelwa musi Mukomana Junior Jackson a tshi ða kha nne zwiñukunyana a sa athu yela ngei Arizona, malugana na muloro we a vha e nawo. Tshithu tshi kanukisaho! Naa ndi vhangana vha no elelwa itsho? [Tshivhidzo tshi ri, "Amene."—Mudz.] Huno Murena o ri nea ðhalutshedzo, huno zwa bvelela nga u tou ralo. Zwino, u kha ði bva u vha na muñwe muloro, tshiñwe tshithu.

²¹ Huno tshithu tshi kanukisaho, munna o vha e fhano nga linwe ðuvha, a tshi bva Oregon. Ha nndivhi tshoþhe, huno o vha...o lora muloro u fanaho nga hazwo, zwe Junior Jackson a lora, huno—huno a ða a mmbudza. A—a thi ðivhi ðhalutshedzo; ndo lindela Murena. Fhedzi ndi a zwi ðivha uri tshi khou yo vha tshiñwe tshithu tshi bvaho ha Mudzimu. Itonu zwi elelwa hezwo. Ndi U RALO MURENA. Ndi tshiñwe tshithu tshi ðaho tshi tshi bva ha Mudzimu. A thi ðivhi uri ndi mini. Tshi a takadza vhukuma, tshi a takadza nga maanda! Zwi khagala, u ya nga mi—miloro ye vhuvhili havho vhanna... Muñwe wavho ndo vha ndi tshi ðo...a nga ði vha e Mubaphuthisi, Mupuresbiterieni. A—a nga ði vha o dzula hafha matsheloni ano. A thi ðivhi. O vha e fhano nga linwe ðuvha. A thi mu ðivhi uyo munna.

²² Fhedzi o amba muloro, e na miðodzi mañoni awe. Huno wo mu dzinginyisa. U ða ndilani yoþhe a tshi bva Oregon u swika fhano, u u bula. Mukomana Jackson u ða a dzhena nga uyo mukhwa, matsheloni ano. Muñwe munna a sa ðivhi muñwe; muthihi, zwigidi zwa maela kule na muñwe, huno vhuvhili ha miloro yo tou kokotolo kha zwenezwo zwithihi. Ngauralo Muya Mukhethwa a u khou nne a ðhalutshedzo yayo. A thi ðivhi uri uyo munna ndi nga mu vhudzani. Fhedzi ndi a zwi ðivha uri Mudzimu u khou ðodou ita tshiñwe tshithu, huno tshi ðo vha tsha vhugala mañoni ashu.

²³ Zwino, Mulaedza matsheloni ano, ndi ðodou vhala kha Bugu ya Vhagalata. A thi reri kana u tou...Ndi ngudo ya tshikolo tsha Swondaha. Huno zwino, vhoiñwi vhanna na vhasadzi no imaho tsini na mbondo, huno muñwe u ðodou ñekana huno a ni litsha na dzula fhasi lwa tshifhinganyana, kana tshiñwe tshithu, zwino, ni nga si nndine; itonu vha a re na thompho. Huno arali vhomme, vhañuku vhavho vha tshi lila kana tshiñwe tshithu, muñwe u ðo bva nesarini u itela uri vha vhe na lufhera lwa muñuku.

²⁴ Huno zwino inwi wanani penisela yanu, Bivhili, huno ni lugele u ñwala fhasi mañwe a Mañwalo ane ra ðo a vhala. A thi

ṭodi inwi ni tshi pfa no vhofhelelwa phasi. Ndi ṭoda inwi ni tshi pfa—ndi ṭoda inwi ni tshi pfa no vhofholowa u dzula na guda. Huno ni nga di hanedza, zwine zwa vha uri two luga. Fhedzi nne fhedzi ndi khou amba izwi kha lushaka lwothe matsheloni ano, u itela uri vhathu vhe vha tenda Mulaedza we Murena Yesu a nne wa ino awara, vha kone u divha zwine zwa khou itea, nahone vha tshi zwi vhea Luñwaloni.

²⁵ Swondaha yo fhiraho ro amba nga ha *Vhadodzwa Nga Duvha La U Fhedzisela*. Huno arali inwi, muñwe wañu-vho, ni vhatħetšelesi vha theiphi, ivhani na ngoho ya u wana iyo theiphi. Hu si uri ri ṭoda u rengisa dzitheiphi; uyo a si wone muhumbulo. Ndi muhumbulo wa u bvisela Mulaedza nnda. Ni a vhona? Ni a vhona? Arali ni na mutshini wa theiphi, kuvhanganyani tshigwada tsha vhathu fhethu huthihi, huno ni i lidze, nahone ni thetšeles zwavħudi. “Vhadodzwa.”

²⁶ Inwi ni a pfa vhathu vha tshi takuwa huno vha ri, “Oo, Bivhili yo amba, ‘Mađuvhani a u fhedzisela, vhaporofita vha khole-khole vha do vuwa huno vha ita izwi zwiga.’” Izwo ndi kokotolo Luñwalo. Zwenezwo ulwo lu shumafhi? Lu tea u shumiswa nga ndila yone.

Madekwana a namusi ndi ṭodou amba, arali Murena a tshi funa, nga ha: *Mudzimu O Dzumbululwa Kha Ipf La Ene Mune*, ndila ine iṭo li si nga koni u shumiswa hune ndevhe ya tea u vha hone. Ni a vhona? U tou fana na u gandisa Bivhili yothe, nahone, Bivhilini yothe, hu fanyiswa Yesu Kristo. Ngauralo ndi ṭodou amba nga ha izwo madekwana a namusi, Murena a tshi funa. Huno zwino, arali zwi si izwo, nga inwe datumu ya ngavhuya.

²⁷ Zwino kha Bugu ya Vhagalata. Na kha Bugu ya Vhakorinta Ya Vhuvhili 4:1 u swika 6, zwenezwo Vhagalata 1:1 u swika 4, ndi tama u vhala luñwe Luñwalo. Zwino kha Vhagalata 1:1 u swika 4, “Paulo, muapostola,” sedzani u ima nga u tavhanyedza. *Muapostola* zwi amba “uyo o ruñwaho,” kana, “mufunziruñwa.”

Paulo, muapostola, (hu si wa vhathu, kana nga muthu, fhedzi... Yesu Kristo, na Mudzimu Khotsi, we a mu vusa vhafuni;)

Na vharathu vhothe vha re na nne, kha zwivhidzo zwa Galatia:

Tshilidzi kha tshi vhe kha inwi na mulalo u bvaho ha Mudzimu Khotsi ashu, na u bvaho kha ene Murena Yesu Kristo,

We a dnejekedzela zwivhi zwashu, uri a kone u ri phulusa kha ili shango livhi la zwino, u ya nga lufuno lwa Mudzimu... Khotsi ashu:

Vhugala kha vhu ye khae na lini na lini. Amene.

²⁸ Zwino kha Bugu ya Vhakorinta Ya Vhuvhili, ndima ya vhu4, huno ri khou yo vhala u bva kha ya 1 u swika 6, dzindimana.

Ngauralo-ha sa izwi ri na uyu mushumo, vhunga ro ṭanganedza khathutshelo, a ri neti;

Fhedzi ro khaukana na zwithu zwa tshidzumbe zwa u sa fhulufhedzea, ri sa tshimbili nga vhukwila, kana u shumisa ipfi la Mudzimu nga vhufhura; fhedzi nga u vhonadzwa ha ngoho ri vha tamisaho riñe vhané kha luvalo lwa muthu muñwe na muriwe maçoni a Mudzimu.

Fhedzi arali mafhundo-madifha ashu o dzumbiwa, o dzumbelwa avho vho xelaho:

Arali izwo zwi sa dzenesi u ta, a thi divhí tshire tsha ralo.

Kha vhenevho mudzimu wa lino shango o swingisa ṭhalukanyo dza avho vha sa tendi, uri tshedza tsha mafhundo-madifha a vhugala a Kristo, a re tshifanyiso tsha Mudzimu, tshi si vha vhonestshele.

Zwi a fana na zwe zwa vha zwi zwone ngadeni ya Edeni, “Vha thivhele, uri vha si kwame uyo Muri.”

Ngauri a ri reri riñe vhané, fhedzi Kristo Yesu Murena; . . . riñe vhané vhalanda vha vho inwi u itela Kristo.

Ngauri Mudzimu, we a laya tshedza u penya swiswini, o penya mbiluni dzashu, huno a nea tshedza tsha ndivho ya vhugala ha Mudzimu kha tshifhačuwo tsha Yesu Kristo.

²⁹ Amene! Ngauralo Ipfi li a vhalea! Zwino, liñwalwa langa matsheloni ano, ndi: *Mudzimu Wa Itshi Tshikhathi Tshivhi*. Vhunga ro vhala Mañwaloni, “mudzimu wa lino shango, itshi tshikhathi tshivhi.” Zwino, uyu Mulaedza u sumba zwivhi zwa itshi tshikhathi, huno zwe tea kha vhuporofita ha itshi tshikhathi tshivhi.

Huno ndi u tenda hanga uri iñwe na iñwe . . . uri Bivhili i na phindulo iñwe na iñwe ya tshikhathi tshinwe na tshinwe, yo no ñwaliwaho Bivhilini, u itela mutendi wa itsho tshikhathi. Ndi tenda uri tshinwe na tshinwe tshire ra tshi toda tsho ñwaliwa *Hafha*, tshi tou ḥoda u ḥalutshedza nga Muya Mukhethwa. A thi tendi uri muñwe munna-vho kha lifhasi u na pfanelo ya u vhea ḥalutshedzo ya ene muñe kha Ipfi. Mudzimu ha ḥodi muñwe muthu uri a ḥalutshedze Ipfi Lawe. Ndi ene muñalutshedzi Wa Ene muñe. O amba uri U ḥo zwi ita, huno U a zwi ita.

³⁰ Vhunga ndo no amba zwifhinga zwinzhi. O ri, “Musidzana u ḥo dihwala,” O amba izwo nga milomo ya muporofita, huno a ita. A hu na muthu a no tea u ḥalutshedza hezwo. U rangani, O ri, “Kha hu vhe na tshedza,” huno tsha vha hone. A hu na muthu a no tea u Li ḥalutshedza. O ri, “Mađuvhani a u fhedzisela, U ḥo shulula Muya Wawe kha n̄ama yothe,” huno A ita. A hu ḥodei muñwe-vho uri a Li ḥalutshedze. O ri,

“Maduvhani a u fhedzisela, izwi zwithu” (zwine ra zwi vhona zwi tshi khou bvelela zwino) “zwi do vha hafha.” A zwi ḥodi huriwe u ḥalutshedza-vho. Zwo no di ḥalutshedzwa. Ni a vhona?

³¹ Zwino, zwino dzhielani nzhele zwavhuđi zwino ri tshi guda Ipfi. *Mudzimu Wa Itshi Tshikhathi Tshivhi*, tshire ra khou tshila khatsho zwino. Zwi nga di vhonala zwi tshi kanukisa, tshithu tshi kanukisaho nga maanda, kha itshi tshifhinga tsha tshilidzi, musi, “Mudzimu a tshi khou dzhia vhathu u itela Dzina Lawe,” vhane vha vha Muselwa Wawe, kha itshi tshikhathi tshivhi tshi no tea u vhidzwa tshikhathi tsha vhuvhi. Tshikhathi tshenetshi tshire “Mudzimu a khou vhidza vhathu u itela Dzina Lawe,” nga tshilidzi, nnđa, huno tshi vhidzwa tshikhathi tshivhi. Zwino, ri do sumbedza nga Bivhili uri itsi ndi tshikhathi tshe A vha a tshi khou amba nga hatsho. Ndi tshithu tshi kanukisaho nga maanda u elekanya uri, uri kha tshikhathi tshivhi tshi no nga itsi, uri Mudzimu zwenezwo u do vha a tshi khou vhidza Muselwa Wawe.

³² Ni dzhiele nzhele, O ri, “vhathu,” hu si “tshivhidzo.” Ndi ngani? Naho zwo ralo, U vhidzwa Tshivhidzo, fhedzi U do vhidza “vhathu.” Zwino, tshivhidzo ndi khuvhangano ya vhathu vhanzhi vha zwivhumbeo zwe the zwo fhambanaho. Fhedzi Mudzimu u khou vhidza muthihi hafha... Ho ngo ri, “Ndi do vhidza Mumethodisi, Mubaphuthisi, Mupentekostał.” O amba zwauri U do vhidza vhathu. U itelan? Dzina Lawe. Ni a vhona, vhathu; muthihi a bvaho Methodisi, muthihi a bvaho Baphuthisi, muthihi a bvaho Łutere, muthihi a bvaho Katolika. Ni a vhona?

Fhedzi U khou vhidza, hu si tshigwada tsha tshivhidzo, fhedzi “vhathu u itela Dzina Lawe,” vha no ḥanganedza Dzina Lawe, vho fulufhedziswaho u maliwa nga Dzina Lawe, vha no khou ya mutshatoni u maliwa Ngae, u vha tshipida Tshawe, ni a vhona, nga u tiwa. U tou fana na munna a no nanga mufumakadzi o teaho vhutshiloni, o telwa u vha tshipida tsha muvhili wawe. Ngauralo, izwo ndi zwine, Muselwa wa Kristo a do vha zwone, nahone a vha zwone zwino, u bva tsha kale, o telwa nga Mudzimu u vha tshipida tsha uyo Muvhili. Ni a vhona? Oo, Mañwalo o pfuma nga maanda, o ḥala mutoli!

³³ Dzhielani nzhele, hu si zwe muñwe a amba, zwe muñwe a zwi vhidza; fhedzi zwe Mudzimu a nanga shango li sa athu tewa, nahone u khou vhidza avha vhathu maduvhani a u fhedzisela; hu si dzangano. “Vhathu u itela Dzina Lawe.” Huno itsi tshikhathi tshivhi ndi musi A tshi khou zwi ita, itsi tshikhathi tsha vhufhura.

³⁴ Vhege yo fhiraho, kha Mateo 24, tsho vha tshi tshikhathi tshi fhuresaho tsha zwikhathi zwe the. Zwikhathi zwe the zwa vhufhura, u bva ngadeni ya Edeni, ndilani yothe u tsa phasi, na kathihi a hu athu vha na tshikhathi tshi no fhura nga maanda sa itsi tshikhathi. “Vhaporofita vha khole-khole vha do vuwa huno vha sumbedza zwiga na zwimangadzo,

arali zwi tshi konadzea u fhura vhenevho Vhanangiwa." Ni a vhona? Zwino, zwivhidzo zwi no tou rothola, zwa maitele, zwi huduluwaho, na zwinwe-vho, zwa theolodzhi yo itwaho nga muthu, zwine zwi si nga iti; Vhanangiwa a vha nga do zwi dzhiela tshenzhemo hezwo na kathihi. Fhedzi ndi hangei ntha hune katukułuku ha nga tshithu tsha vhukuma. U tou sia Ipfi lithihi ndi zwe the zwine na tea u ita. Ho fulufhedziswa tshikhathi; tshifhinga tshi fushaho nga maanda! Vhakriste, huńwe na huńwe, thanyelani awara ine ra khou tshila khayo! Swayani, huno ni vhale, nahone ni thetshelose zwavhudı.

³⁵ Naa Mudzimu o vha a tshi do vhidzelani vhatu nn̄da ha itsi tshikhathi tshivhi a tshi itela, Dzina Lawe? Tshiiitisi ndi, ndi u Mu linga, Muselwa Wawe. Ndi u... Musi A tshi vhonadzwa, a tshi lingiwa, a tshi sumbedzwa, sumbedzwa kha Sathane. Vhunga zwe zwa vha zwi zwone u rangani, zwi do ralo vhufheloni.

³⁶ Vhunga mbeu i tshi thoma mavuni, i a mela nga kha zwiwhali, vhutshilo hayo, fhedzi i fhela i mbeu yeneyo nthihi ye ya vha i zwone musi i tshi dzhena mavuni.

Huno nga ndila yeneyo nthihi ye mbeu ya vhufhura ya wela mavuni, ngei Edeni, ndi ndila yeneyo nthihi ine ya fhela ngayo mađuvhani a u fhedzisela.

U tou fana na zwe Mafhungo-madjifa a vha e zwone musi a tshi wela kha dinomineisheni ngei Nicaea, Roma, a fhela kha dzangano la nthesa.

U tou fana na Mbeu ya Tshikhidzo yo wa ngei murahu, i na zwiga, swimangadzo, na Kristo a tshilaho e vhukati havho, i fhela mađuvhani a u fhedzisela fhasi ha mushumo wa Maleaxi 4, huno ya vhuedzedza hafhu Lutendo lwa vhubvo lwe lwa ḥewa kathihi.

³⁷ Ri wana zwino, itsi tshikhathi tshivhi ndi tsha u sumbedza, kha Sathane, Ha fani na Efa, uri A si ene ulwo lushaka lwa musadzi. Huno U do lingiwa nga Ipfi Lawe, Muselwa, sa muselwa wa Adamu o lingiwa nga Ipfi. Huno muselwa wa Adamu o tenda tshipida tshinwe na tshinwe tsha Ipfi, tshothe, fhedzi a qada kha pfulufhedziso nthihi, ya uri, "U a sa ḥanduki mulovha, ḥamusi, na lini na lini," ḥamusi, ni a vhona; fhedzi a kundelwa kha pfulufhedziso nthihi, fhasi ha mulingo wa swina, vho livhana zwifhaṭuwo. Huno zwino, vhatu vha no vhidzelwa Dzina Lawe, a hu na zwiniwe, ndi Muselwa Wawe. U tea u da kha vhukwamani hafhu nga zwenezwo zwithihi; hu si nga ngoho ya dinomineisheni fhedzi kana tshinwe tshithu, fhedzi Ipfi ḥinwe na ḥinwe!

³⁸ Ngauri, u rangani ha Bivhili, muthu o ḥewa Ipfi la Mudzimu la uri a tshire ngalo. Ipfi lithihi, li songo ḥalutshedzwaho nga ndila yone nga mu—munna a no pfi Sathane, kha muthu wa phukha a no pfi nowa. Sathane, kha uyu muthu, o kona u amba na Efa, huno a si ḥalutshedze Ipfi nga ndila yone khae, huno a xela. Ni a vhona, Li fanela u vha Ipfi ḥinwe na ḥinwe.

³⁹ Vhukati ha Bivhili, Yesu o da huno a ri, “Muthu a nga si tshile nga tshinnkwa fhedzi, fhedzi nga Ipfi linwe na linwe,” musi A tshi lingiwa nga Sañhane.

Zwino, Mudzimu u khou ri vhudza hafha mađuvhani a u fhedzisela, zwauri, “Mudzimu wa lino shango u do vuwa mađuvhani a u fhedzisela.”

“Huno ane a do engedza nga ipfi lithihi Khało, kana a tusa Ipfi lithihi Khało, mukovhe wawe u do tuswa kha Bugu ya Vhutshilo.”

Mudzimu ivha wa khathutshelo kha rine! Huno ri songo tshimbila sa hemmbe dzi sa peteih, khana dzo bva, thoho dzi ntha, vhadivhazwothe, ngauri na rine-vho nga tshińwe tshifhinga ro vha ri si kha u thetshelesa. Kha ri ri nga tshilidzi, na khathutshelo, na vhudipfi mbiluni dzashu kha Mudzimu, ri de nga u dírukufhadza kha Khuluqoni ya tshilidzi.

⁴⁰ Zwi a kanukisa zwino, nga murahu ha mińwaha ya mađana a fumiňahe ya u rerwa ha Mafhungo-mađifha, huno zwino yone, iyo ndi sisteme ya shango, ndi mmbi lwo engedzeaho u fhira mađuvhani a musi uyo, musi O vha e fhano. Sisteme ya shango ndi mmbi lwo engedzeaho. Shango li khou ya magumoni mahulwane. Inwi ni a zwi divha izwo. Murena u khou khunyeledza Ipfi Lawe thungo dzoře.

⁴¹ Mulovha, ndo ima...ndi a fhulufhela muthu muđuku ha...A nga si ite. Ndo da na mufumakadzi wanga, na Vho-Mme Woods, Mukomana Roy Roberson, huńwe fhethu hafha, Mukomana Woods, ro ima ngomu hangeno kha iyi Youngstown Shopping Center, u wana pha—phakhethe ye Khaladzi Woods a vha e nayo. Huno kha...musi ro vha ro ima henehfo, muthu muswa a da huno a diđivhadza, nahone e mutsinda kha mne. Muńwe muthannga a da huno a amba uri kana vho vha vha tshi bva Alabama, Georg-...Ndi a tenda Georgia, ngauri ndo vha vhudzisa arali vho vha vha tshi divha Mukomana Welch Evans washu. Huno ro amba lwa miniti i si gathi. Huno musi ndi tshi ya uri ndi tuwe, uyu muthannga a ntsedza. Musi uyo muńwe muthu muswa na mutukanyana wawe vha tshi tuwe, uyu muthannga a ntsedza. A ri, “Tshithu tshithihi fhedzi tshine nda ḥođou amba.”

Nda ri, “Naa—naa inwi ni mutendi? Naa inwi ni Mukriste?”

Ha pfi, “Hai, muñe wanga.” A ri, “Ndi na...”

⁴² Ndi nga di si kone u redza fhedzi ipfi le a amba hafha, fhedzi a nga di vha o timatima zwitku. Nda mu vhudzisa nga ha zwithu zwa Muruńwa wa Murena a tshi bvelela. Huno a ri o pfa nga hazwo, fhedzi na kathihi ha athu vha tshivhidzoni, itshi tshivhidzo. Nda ri, “Naa ni a Li tenda?”

Ha pfi, “Ee, muñe wanga.” A ri, “Ndo—ndo vha ndi tshi khou sedza tshińwe tshithu.” Ha pfi, “Vhathu vho vha vha tshi

khou mmbudza nga ha izwi zwe bvumbiwaho na zwithu, huno nda pfa kha theiphi zwauri vho bvumba ndila ine California ya do bva mutwe nga u ralo.” Huno ha pfi, “Musi ndi tshi vhona izwo bammbirini, zwenezwo nda zwi tenda.” A ri, “Nne ndi khou da ɻamusi kana matshelo,” ndi uri ɻamusi, “ndi lwa u thoma kha nne.”

Nda ri, “Murena a ni fhaɻutshedze, murwa,” huno nda thoma u mu khaða.

A ri, “Fhedzi ndi khou toðou amba tshiñwe tshithu khavho, muñe wanga.” A ri, “Nne ndo xela sa zwine u xela hu nga vha ngaho.” A ri, “Nne ndi nga lingwende thulwini ya muñavha, lo xela!”

⁴³ Nda ri, “Fhedzi a ni tei u dzula ni nga iyo ndila. Hu na Muniwe o imaho a re hone zwino Ane a nga ni wana nga muniti une na lugela u waniwa.”

A ri, “Nne ndo luga.”

Nda ri, “Naa ni nga kotamisa tshifhaɻuwo tshañu?”

A ri, “Nne a thi shoni.”

Hu si izwo fhedzi, fhedzi a gwadama nga magona awe, henehfo ngomu ha iyo puloto ya u paka, phanda ha vhathu vhothe. Vhathu vha re tshiñarañani vho mu sedza. Henehfo ra rabela nae, u swika a tshi ɻea Mudzimu mibilu yawe. U ða, e muitazwivhi; a humela murahu, e ñwana wa Mudzimu. O ya nga thungo ha moðoro, o fa; huno a humela murahu, a tshi tshila.

⁴⁴ Nda ri, “Dzivha li ðo vha lo vulea matshelo.”

Hu na tthisima tsho ðalaho Malofha,
A bvaho tsingani dza Imanuele,
He vhaftazwivhi vha mbwandamela fhasi ha
muðalo,
Vha tshi xelewla nga dondo loðhe la milandu
yavho.

Nda ri, “Takuwanu huno ni lovhedzwe nga Dzina la Yesu Kristo, ni tshi vhidzelela Dzina la Murena. Mudzimu u do ni ðadza Muya Mukhethwa, huno a ni ɻea izwi zwithu zwihiwlwane, huno a ni ita uri ni kone u Li vhona.”

⁴⁵ Naa ndi mini? Shango li khou ya kha magumo. Ndi ngani? Muya wa u sa tevhedza mulayo, u tshinyala ha mikhwa, vhurereli ha saints, wo li isa kha “kheidzhi ya zwinoni zwiñwe na zwiñwe zwi vhengiwaho nahone zwi songo kunaho,” vhunga Bivhili yo amba. Kha ri i vhale, Nzumbululo 18. Musi ri tshi khou ita uri uku kuvhonele ku thome, ri wana Nzumbululo 18:1 u swika 5. Ndi elekanya uri iyo ndo i swaya nga ndila yone.

Huno nga murahu ha izwi zwithu nda vhona muñwe muruñwa a tshi tsa a tshi bva ðadulu, e na maanda mahulwane; huno shango la vhone tshelwa nga vhugala haweh.

Huno a vhidzelela nga maanda nga ipfi lo khwaṭhaho, (zwino vhoinwi vhathu vhe na vha na miloro)...a ri, Babele ḥihulwane li khou wa, li khou wa, huno lo no vha vhudzulo ha vhodiabolo, na tshitumba tsha maya muñwe na muñwe wa dzitshika, . . . kheidzhi ya tshinoni tshinwe na tshinwe tshi songo kunaho na tshi vhengiわhō.

Ngauri tshakha dzothe dzo nwa waini ya mbiti dza (tshivhidzo) vhutondolo, huno khosi dza lifhasi dzo ita vhutondolo naļo, huno vhavhambadzi vha lifhasi vho pfuma nga vhutongi halo.

Huno nda pfa ḥinwe ipfi li tshi bva ṭadulu, li tshi ri, Ibvani khalo, vhathu vhanga, uri ni songo vha na vhuhura kha zwivhi zwalo, . . . uri ni songo ṭanganedza mabulayo alo.

Ngauri tshivhi ṭhalo tsho swika ṭadulu, huno Mudzimu u elelwa vhutshinyi halo.

⁴⁶ Ndi tsivhudzo-de nandi! Iyo i posela tshivhidzo murahu kokotolo kha Nzumbululo 3:14, kha tshikhathi tsha Laodikea, u sa tevhedza mulayo; tsha vhurereli vhukuma, fhedzi u sa tevhedza mulayo. “Iwe, ngauri iwe u amba uri, ‘Ro pfuma, a ri na thodea ya tshithu,’ u sa zwi ḥivhi uri iwe u fhedzi, u a ḥungufhađza, wo pofula, huno a u zwi ḥivhi.” Lwo fhelelaho na Luňwalo lwa itsi tshikhathi, hu si u itela Luňwalo lwa tshikhathi tsha Daniele, hu si u itela avho nga dzina la... tshikhathi tsha Noaxe, fhedzi kha itsi tsha u fhedzisela, tshikhathi tshivhi.

⁴⁷ Dzhielani nzhele hafha, “Iwe u fhedzi.” Izwo kha zwi nwelele zwa vhukuma. Ndi a zwi ḥivha uri ndi nga di vha na u hanedziwa huhulu kha uyu muhumbulo, fhedzi two swika fhethu hune Mukriste a kondelwa tshothe u bva nduni yawe huno a si ḥiswe vhuhoneni ha itsi tshikhathi tshivhi, nga vhasadzi vha songo ambaraho lwo eđanaho.

⁴⁸ Vhasadzi, nne ndi khou yo amba izwi, huno ndi ṭoda ni tshi thetshesela. Huno, vhanna na vhasadzi, ni nga di hanedza izwi, fhedzi ndi pfa ndi tshi rangea phanda u zwi amba. Naa no zwi ḥivha, musadzi muñwe na muñwe-vho a no ḥibvula nga u ralo haho ḥhalukanyoni i re ngonani yawe? Naa ni a zwi ḥivha, uri ndi ene, kana u a zwi tenda kana hai, kana ha elekanyi, ndi ene murengisamuvhili? Naho musadzi a tshi nga ima na tshanda tshawe tshi phanda ha Mudzimu huno a ana uri na kathihi ha athu kwamiwa nga muñwe munna-vho nga nnnda ha munna wawe, huno iyo i nga di vha ngoho i fhulufhedzeaho, fhedzi naho two ralo ndi ene murengisamuvhili. Yesu o ri, “Ane a sedza musadzi u mu emula o no di ita vhupombwe nae.” Huno musadzi a nga di vha . . .

⁴⁹ Ni a vhona, u “fhedzi,” Bivhili yo ri, “huno ha zwi ḋivhi.” Muya u no khou mu ḋolisa u ita zwithu zwo raloho ndi maya muvhili, wa murengisamuvhili. Muthu wawe wa nga nn̄da, muvhili wawe wa ḥama, ḥama yawe, a nga di vha o kuna. A nga di si ite vhuñwe vhupombwe-vho, nahone a anela Mudzimu huno ya vha ngoho, uri ene na kathihi, fhedzi maya wawe ndi maya wa murengisamuvhili. O pofudzwa nga maanda nga mudzimu wa lino shango wa fesheni; a ḋiambadza lwa vhudzekani huno a bva heneffo.

⁵⁰ Liñwe ḫuvha, Mukomana Woods na nñe ro vha ri tshi khou džhenisa gungwa ḥashu mulamboni. Ndo vha ndi tshi khou tea u ṭuwa nduni lwa miniti i si gathi, u ya n̄tha kha mulambo. Huno huñwe na huñwe he na ya, vhasadzi vha re na izwi zwiputo zwa...zwi vhidzwaho kinisi kana tshiñwe tshithu, u mona navho. Idzo ndi ḫtoni. Musadzi a nga si vhe kha ḫhalukanyo yawe i re ngoranani huno a ambara tshiñwe tshithu tsha u ralo. U na maya wa murengisamuvhili. Zwino, inwi ladzani iļo na Mudzimu, mufumakadzi, ngauri ni ḫo wanulusa nga liñwe ḫuvha uri iyo ndi Ngoho.

⁵¹ Naa inwi ni nga ita hani, mufumakadzi, ni tshi zwi ḫivha uri muvhili wañu ndi mukhethwa hani, huno na u ḥana nn̄da heneffo kha avha vhodiabolo vha nyemulo, vhavhi vha no tshimbila tshiṭarañani tsha lino ḫuvha? Arali vharwa vha Mudzimu vhothe vho vha tshi kha di vha vharwa vha Mudzimu, munna wañu o vha e murwa wa Mudzimu, o vha a tshi do ita uri ni ambare zwiambaro kana a ni ḫutshela. Arali mutukana o vha e murwa wa Mudzimu, na kathihi o vha a sa nga ḫo mala tshithu tsho raloho. Ni a vhona?

Inwi ni ri, “Ni khou it-...” Hai.

Nñe ndi khou ni vhudza Ngoho, huno liñwe ḫuvha ni ḫo tangana Naylo. “I fhedzi, phombwe; a i zwi ḋivhi.”

⁵² “Oo, ndi a ana zwauri na kathihi a thi athu pfuka miano ya munna wanga.” Munna wañu o vha a tshi ḫo ni ḫaṭulela zwone arali no ita. Fhedzi Mudzimu u ḫo ni ḫaṭula nga uri ni na lushaka-de lwa maya kha inwi; hū si u ni ḫaṭula nga muvhili wañu, fhedzi nga maya wañu, uyo muthu wa nga ngomu.

⁵³ Muthu wa nga nn̄da ndi muthu wa ḥama a no langiwa nga zwipfi zwa rathi...kana zwipfi zwitānu, kha ndi ralo. Muthu wa nga ngomu ndi muthu wa maya a no langiwa nga zwipfi zwitānu; luvalo, na lufuno, na zwiñwe-vho. Muthu wa nga nn̄da; u vhona, u thetshela, u pfa, u nukhedza, u thetshela.

Fhedzi nga ngomu ha uyo maya ndi mbilu, huno i langiwa nga tshithu tshithihi, u funa hañu. Inwi ni nga di ḫanganedza zwine diabolo a amba kana na ḫanganedza zwine Mudzimu a amba. Huno izwo zwi ḫo wana uri ndi maya-de u re ngomu heneffo. Arali u Muya wa Mudzimu, U ḫo ḋikanzwa nga zwithu zwa Mudzimu, huno A u nga ḋikanzwi nga tshiñwe tshithu tsha

shango. Yesu o ri, "Arali ni tshi funa shango kana zwithu zwa shango, ndi ngauri lufuno lwa Mudzimu a lu athu vhuya lwa dzhena kha itshi tshipida tsha nga ngomu." Sathane o ni fhura. "Huno muthu a nga si tshile nga tshinnkwa fhedzi, fhedzi nga Ipfi linwe na linwe li bvaho mulomoni wa Mudzimu."

Dzhielani nzhele zwino, ri wana uri u "fhedzi," u na nyemulo nahone ho ngo fuka.

⁵⁴ Huno shango li vhonala li kha tshikhathi tshi re tshivhi nga maandesa tshe tsha vhuya tsha vha hone. Na kathihi a hu na vhasadzi vhe nga tshinwe tshikhathi-who vha vhuya vha difara nga u ralo, na kathihi nga nn̄da ha tshinyadzo ya shango la phanda ha muðalo i sa athu da. Huno Yesu o amba nga hazwo. Ri do da kha hezwo nga murahu ha tshifhinganya.

⁵⁵ Naa Mudzimu o xelew̄a nga ndango, kana U khou tou tendela vhuñwe vhuzhendedzi u langa? Ndi a mangala. Phindulo ya ngoho ya iyi mbudziso, kha muhumbulo wanga, ndi uri hu na mimuya mivhili i hanedzanaho shangoni ñamusi, i no khou shuma. Zwino, hu nga si kone u vha na thoho dzi fhiraho mbili, mbili. Huno Iñwe yadzo ndi Muya Mukhethwa u no khou shuma; iñwe ndi myua wa diabolo, nahone, maðuvhani aya a u fhedzisela, nga vhufhura.

Zwino ndi khou yo tea mihumbulo yanga heneffa hafha kha tshipida tshothe tsho salaho tsha linwalwa langa, tshipida tshothe tsho salaho tsha... Mulaedza washu.

⁵⁶ Mimuya mivhili. Muñwe wayo, Muya Mukhethwa wa Mudzimu; muñwe, myua wa diabolo, u shumaho nga vhufhura. Vhatu vha lifhasi vha khou nanga zwino.

Muya Mukhethwa u fhano u khou vhidzela nn̄da Muselwa wa Kristo. U khou zwi ita nga u khwañhisedza Ipfi Lawe la pfulufhedziso Khae, la itshi tshikhathi, a tshi khou sumbedza uri Ndi Kristo.

Arali munwe u tshi tea u sudzuluwa kha itshi tshikhathi, munwe u do sudzuluwa. Arali mulenzhe u tshi tea u sudzuluwa kha itshi tshikhathi, mulenzhe u do sudzuluwa. Arali iño li tshi tea u vhona kha itshi tshikhathi, iño li do vhona. Ni a vhona?

Muya wa Mudzimu, vhunga Wo aluwa wa vha kha tshiiimo tsho dalaho tsha Mudzimu, ndi tshikhathi tshine ra khou tshila khatsho zwino. Muya Mukhethwa u fhano u khou khwañhisedza Mulaedza wa awara. Nahone Muya Mukhethwa u khou ita izwi, uri vhatu vha no tenda Mudzimu vha vhidzelwe nn̄da ha ndado iyi.

Muya muvhi wa diabolo u fhano u khou vhidza tshivhidzo tshawe nga vhukhakhi, sa nga misi, nga u shandea ha Ipfi la Mudzimu, vhunga o ita u rangani. Ni a u vhona u tshi da heneffa murahu kha itsho tshifhinga tsha mbeu hafhu, u tshi bva Edeni? Ngoyu hafhu.

⁵⁷ Zwino, murahu u pfukekanya heneffo, ni wa... zwińwe zwikhathi, no vha ni wa dzidinomineisheni, no vha ni wa *itshi, itsho*, kana *tshinwe*. Naa ho bvelelani kha lułtanga lwa dinomineisheni? Lu a oma. Muya u dzulela u ḥuwa na u ya phanđa, huno U ya n̄tha kha Mbeu. Ni a vhona?

⁵⁸ Huno mulingo, wayo vhuvhili hayo, u humela murahu nga ndila i fanaho sa zwe wa vha u zwone u rangani. Dzhielani nzhele. Ni songo—ni songo, hai, ni songo zwi hangwa zwino.

Vhunga Yohane, Yohane Ya U Thoma 4:5 na 6, arali izwo ni tshi ḥoda u zwi ḥwala fhasi, u zwi ḥwala, “muya wa vhukhakhi.”

Efa na kathihi ho ngo bva fhedzi a ya nn̄da, nga khole, a ri, “A thi tendi kha Mudzimu.” Hai. Ho vha hu vhukhakhi he a tenda.

⁵⁹ Saṭhane na kathihi ho ngo bva huno a ri, “Oo, zwo luga, ilo a li vhuyi la vha Ipfi la Mudzimu.” O tenda uri Lo vha li Ipfi la Mudzimu, fhedzi a vhea ḥhalutshedzo ya ene muñe Khaļo. Zwe, Mudzimu a vha vhudza zwi khagala uri vha songo zwi ita.

Naa izwi zwi itani? “Zwi ita tshi konesaho u fhura tsho khwathahao, u itela uri vhathe vha tende mazwifhi, huno vha laćiwe ngao.” Zwino arali ni tshi ḥodou vhala izwo, Vhathesalonika Ya Vhuvhili 2:11.

⁶⁰ Vhunga ndi na a no ḥodou vha, a si gathi zwao Mańwalo hafha, nahone ri nga si kone u a vhala othe. Lithihi zwino na ngavhvuya, ndi do ni nea one. Vhunga zwi tshi vhonala zwi tshi kanukisa, uri ni a zwi vhudzisesa kana tshinwe tshithu, huno ri nga di kona u a ḥwala huno ra a vhala u farisa inwi—inwi.

⁶¹ “A tshi khou ita tshi konesaho u fhura tsho khwathahao,” vhunga Bivhili yo amba uri zwi do ralo, Vhathesalonika Ya Vhuvhili. “Zwino, uyu munna wā tshivhi u do tshila, huno a dzula thembeleni ya Mudzimu, a tshi disumbedza uri ndi ene Mudzimu, huno a itisa vhathe vha dzhene kha zwi konesaho u fhura zwo khwathahao, u tenda mazwifhi; huno, u a tenda, vha do laćiwa ngao.”

Izwo ndi zwenezwo zwithihi zwe a ita kha Efa. O mu nea... Na kathihi—na kathihi ho ngo mu vhudza uri Ipfi a lo ngo luga, fhedzi o mu nea tshi konesaho u fhura tsho khwathahao, lwe a tenda mazwifhi.

⁶² Muya wa tshi konesaho u fhura ndi wa diabolo. “Vhodiabolo vhane zwino vha shuma kha vhana vha u sa thetshelesa.” U sa thetshelesi mini? Naa vhana vha lino duvha a vha thetshelesi mini? Vhunga zwe Efa a vha e zwone, u rangani, Ipfi la Mudzimu la ngoho. Izwo ndi zwone. Zwino arali ni tshi ḥoda u wana izwo...

Kha ri ye khazwo, Vhaefesa 2, lwa tshifhinganyana, ngauri zwi vhonala zwi zwavhuđi uri ri... Ndi do ima lwa tshifhinganyana fhedzi, arali ni songo dzhaya nga maandę, huno nda vhala zwińwe zwa iyi. Vhaefesa 2:1 u swika 2.

Huno inwi o ni hanyisa, vhe luthihi na vha no fa dziphambuwoni na tshivhi:

Ngomu henefho kha zwifhinga zwo fhiraho na tshimbila u ya nga budo la lino shango, u ya nga mukololo wa maanda a maya, maya une zwino wa shuma kha vhana vha u sa thetshelesa:

⁶³ “Vhana vha u sa thetshelesa.” Huno arali mulwanakristo, a tshi thoma henengei hanani ha u sa thetshelesa, naa zwi do vha mini musi a tshi ya n̄tha kha muthu a re mulwanakristo? Ndila ine zwa do fhura ngayo! Ndila ine vhufhura ha do vha na maanda lwo engedzeaho vhu do vha vhungafhani vhume mu—mualuwa a nga nea shango, u fhira uyo ñwana a re lutshetshe! Huno o ri, “Muya wa—wa tshi konesaho u fhura zwino u khou shuma kha vhana vha u sa thetshelesa,” u sa thetshelesa Ipfi. Dzhielani nzhele. Zwino ndi ḥodou dzula kha ili lwa tshifhinganyana, “vhana vha u sa thetshelesa,” ñwana.

⁶⁴ Naa no zwi ðivha, inwi, u rangani hañu, ndi nga sumbedza nga Ipfi la Mudzimu uri inwi, munwe muthu—vho ngomu hafha, no vha ni tshi khou tshila kha makhulukuku wañu vha mukalaha. Huno makhulukuku wañu vha mukalaha, no bveledzelwa fhasi kha makhulu wañu vha mukalaha, zwenezwo na ya kha khotsi aña, huno zwenezwo kha inwi. Ni a zwi ðivha izwo?

Bivhili yo amba, ndi tenda uri ndi Vhaheberu 7, uri, Melkitsedeke, musi Abrahamu a tshi vhuya u vhulahwani ha dzikhosi, “Abrahamu o badela Melkitsedeke tsha fumi tsha thundu dzothe dzo thubiwaho.” Huno Paulo ngoyu u khou amba zwino, uri, “Levi, we a ḥanganedza zwafumi, o vha a tshi kha di vha . . . O badela zwafumi, ngauri o vha a tshi kha di vha khunduni dla Abrahamu musi a tshi ḥanganana na Melkitsedeke.” Ngauralo tshiñwe na tshiñwe tshe Abrahamu a ita, zwenezwo ri wana uri Levi tshifhingani itsho o vha e kha Abrahamu, we a vha e makhulukuku wawe vha mukalaha. Abrahamu a beba Isaka; Isaka a beba Yakobo; Yakobo a beba vhokhotsi, Levi.

Zwino, zwenezwo, ni a vhona, hafha hu vhonala lwo fhelelaho, u ta.

⁶⁵ Zwino, kha iyi Milaedza, ndi ḥoda u—u—u ombedzela zwithu zwe nda ni vhudza kha Mulaedza, wa itshi Tshedza tsha nga madekwana tshe Mudzimu a ri tshi do da kha lifhasi.

⁶⁶ Huno dzhielani nzhele, zwenezwo, “Livhanda le la vha li la u da kha lifhasi, li do fhura vhothe vhe madzina avho a si ñwalwe Buguni ya Vhutshilo ya Ngwana, yo vhulawaho shango li sa athu tewa.”

⁶⁷ Kha kuelekanye kwa ene muñe Mudzimu; Mudzimu, Muya muhulwane. U rangani, hu sa athu vha na u rangani, O vha e Mudzimu, huno no zwi ðivha naa uri no vha ni Khae tshifhingani itsho? Arali ni Mukriste zwino, no vha ni Khae tshifhingani itsho.

Huno zwenezwo, arali izwo two ralo, Vhumudzimu hothe muvhilini ho vhumbea kha Muthu wa Yesu Kristo. Huno zwenezwo musi Yesu a tshi fa ngei tshifhambanoni, ndo fa Nae, ngauri ndo vha ndi Khae tshifhingani itsho; ngauri O vha e u khunyelela ha Ipfi, lo vhonadzwaho, ri tshi zwi divha uri ri do vhonadzwa ngavhuya. Huno ro vha ri kha Khalivari Nae. Ro dzhena tshaloni Nae. Huno ro vuwa Nae na mvuwo Yawe. Huno zwino ro gonya, nga Muya Wawe, kha Khulunoni ya khathutshelo, ro dzula fhethu huthihi kha mafhethu a Tađulu kha Kristo Yesu. Tshifhinga tshothe!

⁶⁸ Ngauri vhunga kutshili kwa vhutshilo ha mvelo ku tshi diswa fhasi, kwa mela ku tshi bva kha khotsi u ya kha khotsi, u ya kha khotsi, u ya kha khotsi, ngauralo Vhutshilo ha Kristo vhu a medzwa.

Itsho ndi tshi itisaho uri Mudzimu a shumise Muya wa Eliya kađanu ho fhambanaho. Naa ndi mini? Ndi u nea zwi tshi ya kha muňwe.

⁶⁹ U tou fana na musi vhutshilo hanu ha mvelo na zwiđaluli zwi tshi neawa zwa ya kha muňwe zwi tshi bva kha u beba ha mvelo ha khotsi anu, wo ralo Muya wa Mudzimu, we wa tiwa shango li sa athu tewa.

Huno musi Ipfi la Mudzimu lothe, nga ho vuledzeaho, li tshi ya nthu muvhilini wa muthu u vhidzwaho Yesu Kristo, ngomu heneho Mudzimu o ita uri ndi badele zwivhi zwanga, Khae heneho. Zwenezwo A mmvusa, a mmvusa Nae, kha mvuwo. Huno zwino ro dzula Nae, ri na maanda na maandalanga kha diabolo muňwe na muňwe. Oo, arali no vha ni tshi nga tenda fhedzi zwe Mudzimu a nea! Fhedzi arali ni songo dzula hangei, a ni nao. Huno arali no dzula hangei, huno ni sa zwi tendi, nahone ni tshi ofha u sudzuluwa, na kathihi ni nga si a shumise. Fhedzi arali no dzula hangei, ni do a shumisa, ngauri no telwa u ita zwine na ita.

⁷⁰ “Farao,” kha liňwe sia, “o vuselwa iyi ndivho,” Bivhili yo amba, u vha Farao. “Yudasi Isikariote o vuselwa u vha murwa wa tshinyalo.”

Zwino dzhielani nzhele aya Mafhungo-ngoho mahulwane ane ra khou sendela khao.

⁷¹ Zwino ri vhona uri tshivhidzo tsha hana u ḥanganedza Ipfi la Mudzimu uri li vha vhuse, huno tsha ḥanganedza Baraba madzuloni alo. Zwino, arali ni tshi ḥoda Luňwalo nga ha hezwo, ndi Mateo 27:15 u swika 23. Naa izwi two itani? Naa izwi two ita vhuimo-de? Zwino zwi elekanyeni. Musi tshivhidzo tsha shango, kha vhutshilo ho dzudzanyiwaho hatsho ha vhanna vho lugaho, vhakhethwa, vhunga vho elekanya uri vho vha vho ralo, na uri vho vha vho ralo mađoni a vhathu, vho vhamba Yesu, huno vha ri, “Ri nga si vhe na uyu Munna uri a ri vhuse.” Huno Yesu o vha e u khunyelela ha Ipfi la Mudzimu. Yohane Ya

U thoma 1, i a zwi bu. Huno vho ri, "Ri nga si vhe na Ipfi la Mudzimu uri li ri vhuse." Naho two ralo, O vha e Ipfi, fhedzi maō avho o vha o pofula kha zwa A vha e zwone. Ngauri O vha e phindulo yo livhanaho ya vhuporofita vhuñwe na vhuñwe he ha vha vhu tshi do da ha phethea Khae.

Zwino, rothe ri a zwi tenda hezwo, ngauri ri khou sedza murahu u zwi vhona zwi tshi bvelela. Fhedzi arali shango lo vha li tshi do ralo, li re hone zwino, itsi tshikhathi tshivhi tsha zwino, tshe tsha vha tshi tshi do vha tsho vha murahu hangei nga itsho tshifhinga, vho vha vha tshi do ita zwenezwo zwithihi zwinne vha khou ita namusi, ngauri li kha di vha Ipfi lenelo lithihi, la itsi tshikhathi, li tshi vhonadzwa. U do zwi ita. Vha nga si kone u ita tshiñwe tshithu-vho. "Vho vha vhe vhana vha u sa thetselesa." "Vho newa tshi konesaho u fhura tsho kwathaho, uri vha tende mazwifhi, huno vha latiwe ngao."

⁷² Dzhielani nzhele musi tshivhidzo tsha shango tshi sa tanganedzi Yesu, Ipfi, lo vhonadzwaho la ilo duvha, ngauri (ndi ngani?) vho vha Nalo lo talutshedzwa nga inwe ndila. Fhedzi vha tea u vha vho zwi divha uri O vha e ilo Ipfi, ngauri tshinwe na tshinwe tshe Mudzimu a ri U do ita, O tshi ita. Huno O ri khavho, "Fhendani Maiwalo a ino awara; huno arali Ndi si na ndalukanyo dzé dza ambelwa Nneuri ndi do ita, zwenezwo ni songo Ntenda."

Vha ri, "Ri tenda Mushe."

⁷³ A ri, "Arali no vha ni tshi do vha no tenda Mushe, no vha ni tshi do vha no Ntenda, ngauri Mushe o amba nga ha Nne." Huno naho two ralo a vho ngo zwi vhona. Onoyo Mudzimu wa Tađulu a tshi khou fa tshifhambanoni, huno a tshi khou amba maipfi eneo mathihi e muporofita a ri U do a amba, huno naho two ralo a vho ngo zwi vhona. Ni a vhona?

Vho vha vha si vha lushaka Lwawe. Who vha vha si Ipfi, hu si Ipfi; huno vhone, naho two ralo, vho vha vhe—vhe vha vhurereli nga maanda. Fhedzi vho vha vhe si Ipfi, ngauri Lo—Lo vha li tshi do vha lo limuwa fhethu Haloo ha iyo awara.

⁷⁴ Dzhielani nzhele ndila ine Maiwalo a divhofhekanya fhethu huthihi kha tshikhathi tshinwe na tshinwe. Dzhielani nzhele zwino.

Huno musi tshivhidzo tsha shango tsho vha tshi si nga vhi na Ipfi la Mudzimu la u vha vhusa, vho tanganedza muvhulai, Baraba. Naa izwi two itani? Two hulisa Sathane, mudzimu wa itsi tshikhathi tshivhi, kha fhethu he a hu toda tshifhinga tshothe.

Zwino thetselesani. Ngauri, Sathane ha ambiwi sa mudzimu wa tshinwe tshikhathi-vho nga nnda ha itsi tshikhathi. Ho ngo ambiwa sa mudzimu wa tshikhathi tsha Noaxe. Ho ngo ambiwa sa—sa mudzimu wa tshikhathi tsha

Mushe, mudzimu wa tshikhathi tsha Eliya. Fhedzi, itshi tshikhathi tshivhi, ndi ene...Oo, ni songo zwi pfela thungo! Ndi ene mudzimu wa itshi tshikhathi tshivhi, a luvhiwaho nga vhatu vha dzimilioni na dzibilioni, huno a vha zwi ḋivhi. Fhedzi kha ri tendele Luṇwalo u mu fukula matsheloni ano, huno kha ri vhone, zwenezwo ni do ḋivha. I ri ni Luṇwalo...

⁷⁵ Vhunga mitanganoni ya vhutalukanyi, musi Muya Mukhethwa u tshi dzhena vhukati ha Ipfi Ławé huno Wa vhidzela nn̄da uyu munna huno wa ri, "A u na mushumo wa u dzula na uyu muñwe musadzi. Naa izwo wo zwi itelani, miñwaha ya fumi yo fhiraho, musi ni tshi shavha na mufumakadzi wa uyo munna?" Naa U khou itani? U khou mu fukula, u khou ḫana Sañhane, o vhofhaho uyo munna, kana musadzi a no dzula na munna wa muñwe musadzi, kana zwivhi zwe vha ita, zwithu zwe vha ita. Naa zwi itani? Zwi a mu ḫana.

⁷⁶ Madokotela a dzhia zwishumiswa huno a lingedza u wana tsho khakheaho. A vha koni u zwi ita. A ri koni u amba. Fhedzi zwenezwo Muya Mukhethwa u bvela nn̄da huno wa dzumbulula zwine a vha zwone, nahone wa mu ḫana. Ni a vhone? Izwo ndi zwine Ipfi ḥa Mudzimu ḥa vha zwone. Ndi Tshedza tshi no penya swiswini.

Huno musi ni tshi dzhia phosho lufherani, zwi pfala zwi tshi mangadza; dzanda la tshiñwe tshithu tshi no khou shuma, huno a ni ḋivhi zwine tsha vha zwone. Fungani tshedza, nga u ḫavhanya...Dzīhonono, mabete, zwone ndi—zwone ndi vhana vha swiswi. Huno musi tshedza tshi tshi taidza, zwi a balangana.

"Vho bva kha riñe ngauri vho vha vhe si vhashu," Bivhili yo amba. Ni a vhone? A vha koni u tshila Tshedzani tsha shango...Ngauri, Mudzimu wa Tađulu o rumela Tshedza Tshawe maquvhani aya a u fhedzisela, uri A kone u vphonetshela ndila a tshi itela vhana Vhawe, uri vha songo tshimbila swiswini huno vha khukhulwa, fhedzi uri vha kone u tshimbila Tshedzani tsha u penya ha Yesu Kristo, a sa shandaki mulovha, ḫamusi, na lini na lini. Amene!

⁷⁷ Dzhielani nzhele, Sañhane ha vhidzwi mudzimu wa tshiñwe tshikhathi-who nga nn̄da ha itshi tshikhathi. Ho vha hu lutamo lwawe uri a fane na Mudzimu, u bva u rangani.

Kha ri vhale hezwo. Ri do tou dzhia tshifhinga tshashu. Kha ri humele murahu kha...Ni a vhone, ndo i ḫwala fhasi, Yesaya 14. Kha ri humele murahu hafha kha Yesaya 14, lwa tshifhinganyana, huno ri vhone zwe Mudzimu a amba. "Mudzimu," zwe Sañhane a ita. Yesaya 14:12 na 14. Dzhielani nzhele.

Wo wa hani u tshi bva ḫadulu, Oo Łusifa, murwa wa nga matsheloni! wo wela hani fhasi, we wa kula nungo tshakha!

Ngauri iwe wo amba mbiluni yau, ndi do gonya ṭadulu, ndi do hulisa khuluṇoni yanga nga n̄tha ha ṇaledzi dza Mudzimu (vharwa vha Mudzimu, zwino): huno ndi do dzula kha thavha ya tshivhidzo, masiani a devhula:

⁷⁸ Ho vha hu lutamo lwa Sathane u luvhiwa vhunga Mudzimu. O dzhia zwivhili zwa raru, zwivhili zwa raru zwa ṇaledzi dza ṭadulu. O digonyisa nga n̄tha ha idzo ṇaledzi, huno a dzi rerela, huno a fhura zwivhili zwa raru zwadzo. Ni a zwi vhona? Zwo luga. Dzhielani nzhele, ulwo ndi lutamo lwawe.

Huno zwino o dilugisa, nga muselwa wawe o khethiwaho nga vhulondi, o funzeaho nga ndivho ya ene muṇe, ni a vhona, zwoṭhe zwo penndwa nga vhufhura hawe, ha zwifhaṭo zwihulu na dzidinomineisheni khulu, na pennde dza ndivho na theolodzhi, huno o thanya huno o ḥalifha, huno o funzea, u fhura shango loṭhe, huno a vha “mudzimu.” Izwo ndi zwe a ita. Zwoṭhe zwi khou ya ngomu ha muthu wa mulwanakristo, ane a vha uri o no di newa khare ya “muimeli wa Mudzimu,” nga muselwa wawe a funaho shango, wa saints, o ambaraho tshothe madzanga a pfunzo ya u ḥalifha, ya vhurereli. O itwa wa vhurereli vhunga ene, nahone nga thalutshedzo ya ene muṇe ya Ipfi ḥa Mudzimu sa zwe a ita Efa, na sa zwe murwa wawe Kaini a ita.

Zwino inwi no ri, “Murwa wa Sathane?”

⁷⁹ Ntsumbedzeni fhethu huthihi Bivhili he Kaini a vhuya a vhidzwa murwa wa Adamu. Bivhili yo ri o vha e “murwa wa uyo muvhī,” mbeu ya ṇowa. Hai, tshifukedzi tsho no ṭuswa zwino, mukomana. Phiramidi yo vuliwa, sa nzumbululo yo sumbedza.

⁸⁰ Dzhielani nzhele zwine a do ita, mihumbulo yawe. O elekanya uri Mudzimu o dzula kha lunako lwa shango. O ita izwo ngei ṭadulu. Tshivhi na kathihi a tsho ngo thoma ngadeni ya Edeni; tsho thoma ngei ṭadulu, musi Lusifa, murwa wa nga matsheloni, o dīhulisa nga lunako, huno a ḥoda muvhuso wo nakaho lwo engedzeaho u fhira uyo wa Mikaele. Huno o elekanya uri Mudzimu o dzula kha lunako.

⁸¹ Huno dzhielani nzhele Kaini. Ho ngo ḥoda tshīṭhavhelo tsha malofha. O tsela phasi huno a ṇekedza mutshelo, kana—kana masimu a lunako kha alīṭari yawe. Ndi wa vhurereli nga maanda, o ita tshiñwe na tshiñwe, tshenetsho, u tou fana kokotolo vhunga Abele o ita; a ṇekedza tshīṭhavhelo, a wela phasi phanḍa ha Mudzimu e kha u luvha, e wa u thetshelesa nga ndīla inwe na inwe, fhedzi a si na nzumbululo ya Ipfi.

Huno Ipfi, u bva u rangani, ḥo vha li pułane ya Mudzimu. Fhedzi Mudzimu o dzumbulula, nga nzumbululo, tshenetsho tshithu tshe A khwaṭhisedza nahone a tikedza uri itsho tsho vha tsho luga. Hu si vhurereli, hu si alīṭari, hu si u vha wa tshivhidzo, hu si u ita tshīṭhavhelo, hu si u vha a fhulufhedzeaho; fhedzi nga nzumbululo ya Ipfi ḥa Mudzimu. Mudzimu a tshi mu dzumbululela zwe izwo zwa . . .

Mme awe a vho ngo dzhia apula le nowa ya vha nea lone, fhedzi vho vha na vhudzekani na muthu wa Sathane, nga tshivhumbeo tsha livhanda; hu si tshikokovhi, fhedzi o thanyesaho, o talifhesaho kha tsimu yothe, tshifanyiso tsha munna, tshithu fhedzi tshe mbeu ya vha i tshi do vangana ngomu hatsho. Zwino saints i khou lingedza u mu wana. Huno na kathihi vha nga si mu wane, ngauri shambo liewe na liewe muvhilini wawe lo shanduka. Fhedzi Bivhili i divhadza uri zwe ralo.

⁸² Dzhielani nzhele zwine uyu muthu a do ita zwino. Uyu muthu, "U do dzula thembeleni ya Mudzimu," ine ya vha, tshivhidzo, "a tshi khou didzumbulula u vha Mudzimu." Zwino arali ni tshi todou vhala hezwo, iyo ndi Vhathesalonika Ya Vhuvhili 2:3 na 4, na Nzumbululo 13:4, 11 na 12; he ha amba, vhaporofita vhuvhili havho, Yohane na Paulo vhuvhili havho, nga ha zwine a do vha zwone mađuvhani a u fhedzisela. Zwino ni i vhale, ngauri ndo i nwala hafha phasi. Fhedzi ndi... u vhulunga tshifhinga zwino.

⁸³ Duvha line ra khou tshila khalo li vhidzwa, Bivhilini, "duvha la muthu," duvha la muthu. Ili a si duvha la Mudzimu. Mudzimu a si mudzimu wa ili lifhasi; Bivhili i ri Ha ene. Ndi ene Mudzimu wa Tađulu. Fhedzi ili a si duvha la Mudzimu.

Ili ndi duvha la u nanga. Tshithihi tshazwo, tshilani namusi, huno ni fe; nangani Mudzimu, huno ni tshire. Huno Mudzimu ndi Ipfi, huno Ipfi ndi Ipfi lo vhonadzwaho la awara na duvha.

⁸⁴ Dzhielani nzhele, "duvha la muthu." Arali izwo ni tshi todou zwi nwala phasi, ndo vha ndi tshi khou yo zwi vhala. Fhedzi Vhakorinta Ya U Thoma 5:1-5...Vhakorinta Ya U Thoma 4:1-5, pfarelo, Vhakorinta Ya U Thoma 4:1 na 5, ho vha hu Paulo we a vha a tshi amba nga ha u hađuliwa nga muthu, nga duvha la muthu.

⁸⁵ "Duvha, naa ni li vhidzelani duvha la muthu?" no vha ni tshi do amba. Ndi duvha line mishumo nga ndivho ya muthu ya newa vhugala.

Sedzani zwine, u zuwa hothe ha makomunisi, muñwe muthu a tshi khou lingedza u isa muñwe muthu nwedzini. Mudzimu u khou lingedza u isa muñwe muthu ngei Tađulu. Ni a vhona? Fhedzi sedzani ndila ine vha khou shumisa milion na bilioni na trilioni dza dzidolara, kha vhuđidini ho tambiswaho. Musi vha tshi swika henengei, a vha khou yo wana tshithu. Naa thaidzo ndi mini ngavho?

A thi londi nga ha nwedzi. Ndi todou fhira nwedzi nga u tħavħanya lune ndi nga si vhuye nda u vhona; nda dzulela u ya nħha. Ndi todou fhira Mulalavhungu Mutshena, nda ya phanda, nda dzulela u ya. Ee!

⁸⁶ Huno shango namusi li khou dikumedzela kha ndivho yo daho nga Sathane. Huno duvha la muthu li newa vhugala, hu si nga Ipfi la Mudzimu, fhedzi nga ndivho ine a vha nayo.

Zwino elekanyani. Izwo kha zwi nwelele. Huno musi ni tshi dovha u lidza iyi theiphi, kha uku kuhumbulele hafha, imani lwa tshifhinganyana huno ni elekanyi.

Mishumo yawe i huliswa u fhira Ipfi la Mudzimu na mishumo yo vhonadzwaho; vhutali ha Sathane, he a vhu nea Efa ngei u rangani. Zwino thetshelesani; izwi ni songo zwi pfela thungo. Vhutali ha Sathane ho huliselwa kha khulunoni ya u luvha, kha muthu, u fhira Ipfi la Mudzimu lo khwathisedzwaho la awara. Zwividzo zwashu zwi sumbedza uri nga seminari dzavho—dzavho, zwikolo zwa u gudela hone, zwo gudaho u fhira zwine Ipfi la Mudzimu la divha nga Halo, vha a elekanya. Huno heneffo, Dokotela *Mukenerenene*, na Mudededzi *Mukenerenene*, na Muphurofesa *Mukenerenene* vho hulisa ndivho ya vhone vhañe, i no sokou vhidzwa (i tshi bva kha Sathane) ngoho, u fhira pfulufhedziso ya Mudzimu yo khwathisedzwaho, yo itwaho i pfalaho heneffo phanda havho. Huno muthu zwi a mu kunga. Ni a vthona?

⁸⁷ Vhukoni hawe ha lwa saints, a tshi khou lingedza u sumbedza uri Ipfi la Mudzimu lo khakhea. Itonu elekanya hezwo. Ene, yawe, iyo ndi, theolodzhi ya muthu, i talutshedza Ipfi la Mudzimu vhatu, huno ya Li ita li si na mveledzwa hafhu, vhunga zwe a vha e nayo kha tshikhathi tsha dinomineisheni musi Yesu a tshi bvelela kha lifhasi. Yesu o ri, “Inwi vhahoi! Inwi, nga maitele anu,” ndi uri thalutshedzo yavho, “no dzhia Ipfi la Mudzimu huno na Li ita li si na mveledzwa kha vhatu.” Huno izwo ndi zwenezwo zwithihi zwe vha ita ñamusi. A zwi na mveledzwa.

⁸⁸ Dzhielani nzhele, “Vhone,” vhatu, “vha mu hulisa u fhira zwe the zwi no vhidzwa Mudzimu” Naa Vhathesalonika Ya Vhuvhili a i ambi uri vha do zwi ita? Huno maandalanga a tshivhidzo tsha dinomineisheni, vhatu vha tshi tenda iyo dinomineisheni u fhira vha tshi tenda Mudzimu. Huno Mudzimu ndi Ipfi. Vha do tenda ndaela ya dinomineisheni yavho u fhira Ipfi, ine ya “mu hulisa u fhira zwe the zwi no vhidzwa Mudzimu.” Huno hu na Mudzimu muthihi fhedzi, huno uyo Mudzimu ndi Ipfi. Ni a vthona? “Huno zwe the zwi no vhidzwa Mudzimu,” ndi, mudzimu wa itshi tshikhathi o dihulisa u fhira Ipfi la Mudzimu la ngoho, lo

“Zwo the zwi no vhidzwa Mudzimu; ngauralo ene sa Mudzimu u dzula tshivhidzoni tsha Mudzimu, a tshi khou sumbedza uri ndi ene Mudzimu,” ngauri u na vhatu vha no khou mu luvha. Mudzimu ndi Ipfi. Huno u a dihulisa u fhira zwe the zwi no vhidzwa Mudzimu. Huno hu na Mudzimu muthihi fhedzi, huno uyo Mudzimu ndi Ipfi. Ni a vthona? “Huno zwe the zwi no vhidzwa Mudzimu,” ndi, mudzimu wa itshi tshikhathi o dihulisa u fhira Ipfi la Mudzimu la ngoho, lo

khwathisedzwaho. Iyo ndi Yohane Mukhethwa 1. Ni a vhona? “U fhira zweṭhe zwi no vhidzwa Mudzimu, uri ene sa Mudzimu a dzule thembeleni ya Mudzimu,” e na maandalanga.

Sedzani, nahone u a rendelwa hone! Oo, tendela vhathu, Mudzimu, u vhona uvho vhufhura! U rendelwa hone, huno u tendwa nga u khethea nga vhathu vha itshi tshikhathi tshivhi. Zwino ni a vhona mudzimu na vhalanda vhawe vha itshi tshikhathi tshivhi?

⁸⁹ Zwino kha ri sedze hone vhu tshi vhonadzwa. U ri u khou vha itela shango ḥa khwine line vha do dzula khaḥo, nga ndivho yawe hu si nga Ipfi ḥa Mudzimu li sa kundelwiho. Fhedzi nga u ḫa hawe fhethu huthihi, kha dzidinomineisheni, na dzindaela, na zwa u ḫalifha, na zwa saints, na zwinwe-vho, u khou itela muthu shango ḥa khwine line a do dzula khaḥo, huno a tshi khou dihangwisa pfulufhedziso ya Mudzimu, uri tshifhinga fhedzi tshine shango ḥa do vha lo fanelaho u dzulwa khaḥo tshi kha Nwahagidi. Inwi ni a divha, muhumbulo wanga, o ita shango ḥa khwine ḥa u ita tshivhi khaḥo madzuloni a u dzula khaḥo.

⁹⁰ Dzhielani nzhele. Naa o zwi ita? O ita uri tshivhi tshi vhe mulayoni. O ita uri u nwa wisiki hu vhe mulayoni, u daha sigareṭe. Huno zwivhidzoni, o ita uri musadzi a nga vha murado wa tshivhidzo lwa mulayo, e na mavhudzi mapfufhi. Zwino imani zwaṇu lwa tshifhinganyana.

⁹¹ A nga ambara dzishothi, a ambara dzipennde, huno a di vha wa tshigwada tshawe tsha vhurereli, zwine zwa vha uri zwo fhambana lwo fhelelaho na Ipfi ḥa Mudzimu. U ri zwo luga. Ni a vhona ndivho yawe? “Naa izwo zwi na mushumo-de na musadzi?” Zwi tou fana na u dzhia mutshelo wo iledzwaho, kana hu si mutshelo wo iledzwaho, izwo ndi zwine zwa vha zwone. Mudzimu o amba uri zwi songo itwa, fhedzi u a zwi ita.

⁹² Huno u a mu tenda, nahone u mu funela zwezwo. U vhenga Mudzimu. Miito ya ene muṇe i a sumbedza uri u a ita. U ri u a Mu funa, fhedzi u funa Sathane. U luvha mudzimu wa fesheni, mudzimu wa shango, midzimukadzi ya Hollywood. U a mu funa, fhedzi u vhenga Ipfi ḥa Mudzimu ḥa ngoho, ane a vha Mudzimu wa ngoho fhedzi a re hone.

U zwi ita uri zwi vhe mulayoni zwivhidzoni. “A hu na u vhaisa. Vhasadzi vhashu vha nga ita *itshi*, *itsho*, kana *tshinwe*.” Fhedzi Vhuhoneni ha Mudzimu a tshilaho, ha vhuyi a tendelwa u ḫa, nnḍani ha musi a tshi khou shanduka.

⁹³ U a vhona, ndi ene mudzimu wa lunako lwa shango, ndi ene. U ṭodou vhonala o naka. Huno ndi ene mudzimu wa lunako, u bva u rangani. U a kona, nahone o no kona nga ndivho yawe kha saints na matheriala, u itela tshikhathi tshawe lunako, itshi tsha muedzisi...itshi tshikhathi tsha musalauno, kha ndi ri, tsha vhuvhi. Tshi itwa lunako.

⁹⁴ Dzhielani nzhele. Zwo tea u limuiwa u dzhieila nzhele. U rangani, Sethe na vhana vhawe na kathihi a vho ngo tshimbila nga ndila ya saints.

Zwino ri khou yo amba nga ha saints i lwa miniti i si gathi. Arali ndi tshi amba izwi, ndi sa dițanzwi kha vhushayandivho hanga; fhedzi, tshivhalonyana tsha vhadzia-u-shaya-ndivho, tshińwe na tshińwe tshire tsha do hana Ipfi la Mudzimu. Ni a vhona? Ngoho.

Zwo tea u limuiwa. Zwi sedzeni. Vhana vha Sethe na kathihi a vho ngo tshimbila nga ndila ya saints. Vho vha vhe vhalisa vha dițukufhadzaho, vhafuwi, na zwińwe-vho.

Fhedzi vhana vha Kaini vho ita. Ndi ngani? Vho tuțuwedzwa nga baba wavho, diabolo. Kaini, o tuțuwedzwa nga baba wawe, diabolo, nahone avha vho tuțwedzwa nga iyo mbeu i no khou tsela fhasi.

⁹⁵ Sedzani mbeu ya Mudzimu i no khou tsela fhasi nga kha tshikhathi tshińwe na tshińwe, nahone ni sedze hune ya khou ya hone ńamusi. Vhakriste, Vhakriste vha vhukumakuma, a si vhothe malugana na thodisiso ya saints na zwithu. Hai. Lwa tshifhinganyana, ri do dzhena kha hezwo.

Fhedzi Kaini o ita, e na mvelo ya u fana na ya khotsi awe, diabolo, o ńalaho ndivho ya shango, lunako, na saints, zwińwe-vho. Vhana vha Kaini vho vha vhe vha saints. Vho vha vho funzea. Vho vha vhe vhalidzi vha zwishumiswa zwa muzika—muzika; Elvis Presley wa musalauno, zwińwe zwa izwi zwithu zwine bodo ya tshikolo ya zwi tendela u bvelela hafha nthia mukotoni vhusiku ha Mugivhela vhuńwe na vhuńwe. Vhafhańi vha mudi, hu tshi nakiswa vhasadzi u itela nyemulo dza vhuńe, diabolo a tshi khou ńea vhasadzi pennde, na u fhungudzela mavhudzi avho, huno a vha dzenisa dzishothini, na zwithu zwa u ralo. Vhone, ndi zwa nyemulo dza ene muńe dza mashika. Izwo zwi pfala zwi sa tshili nga maanda, fhedzi a thi divhi inwe ndila-vho ya u zwi amba.

⁹⁶ Zwino, ri a zwi divha uri mafhungo-madifha a Sathane ndi mafhungo-madifha a saints na mvelaphanda. O a rera ngei Edeni; hu si Mudzimu; Sathane o ita, saints i ya mvelaphanda. Saints na mvelaphanda ndi mafhungo-madifha a Sathane. Sedzani he a ri rangela phanda hone ńamusi, ngao. Ni a vhona?

⁹⁷ Dzhielani nzhele, o a rera ngei Edeni, kha nnyi? Kha muselwa wa Adamu. Huno a kungiwa ngazwo. A mu fhura nga u vhudzisesa lithihi la Maipfi a Mudzimu. Kha ri vhone zwine a nga vha o zwi amba. U fanela u vha o ri, “A si zwa saints u fa, kha itshi tshivhidzo tshikhethwa.” Kana, “Inwi ni do dzenisa tshikolo na funzea, hu si u tenda kha zwithu zwi sa pfali zwo raloho sa lufu. A thi londi arali Ipfi la Mudzimu lo zwi amba; a zwi pfali.”

⁹⁸ Oo, mu sedzeni namusi. “Mudzimu ndi Mudzimu wavhuđi. Ni kha tshivhidzo Tshawe tshikhethwa; mulandu, ni nga si kone u fa.” Fhedzi Mudzimu o amba zwauri ni do ralo, huno izwo zwi a li ladza. Ni a mu vhona namusi? “Oo, itonu vha wa tshivhidzo. A si zwine na ita, kana *itshi*, *itsho*, kana *tshinwe*. Itonu da tshivhidzoni huno ni vhe murađo wavhuđi. U tunya mavhudzi aŋu, izwo ndi vhuťafuťafu. Huno u ambara dzishothi, na u ambara pennde, na u ya dzidantsini, na halwa vhuťuku luthihi nga tshifhinganyana, zwi nga si ni vhaise, samusi ni sa dinekedzeli khazwo. Zwi khagala, ndi tama vho inwi vhana ni tshi zwi dzhia, uri vha kone u guda uri kana vho zwi takalela kana hai.” Ngoyo, mudzimu wa itshi tshikhathi, itshi tshikhathi tshivhi.

⁹⁹ “Mudzimu ndi Mudzimu wavhuđi.” Ndo no pfa izwo nga maandesa u swika ndi tshi lwala. Mudzimu nahone ndi Mudzimu wa khatulo kwayo. Ha makhulu vha mukalaha vho aluwaho vha si na ḡhalukanyo vhane vha iswa ngei na ngei, huno vhađuhul Vhavho vha si na tshiňwe tshivhi-vho. Ndi ene Mudzimu wa khatulo kwayo na vhukhethwa. O zwi sumbedza ngadeni ya Edeni, nga vhana Vhawe vha u thoma. Inwi na pfuka uyo mutalo, wa liňwe la Maipfi Awe, no fa. Zwenezwo zwithihi zwi a shuma na namusi.

¹⁰⁰ Huno dzhielani nzhele, o rera ulwo lushaka lwa mafhungo-madifha a saints, a matshilisano, o funzeaho, a bvelaho phanda kha Efa, huno muselwa wa Adamu a a tenda. Huno o bvelela kha u dadza a no sokou vhidzwa muselwa wa Kristo, tshivhidzo tsha Adamu wa Vhuvhili, nga khani dzenedzo dzi fanaho. Izwo ndi zwone.

¹⁰¹ “Oo, a si—a si zwa Mudzimu; Mudzimu o lugesa kha uri a nga zwi ita. Mulandu, samusi ni tshi ya tshivhidzoni. ‘Arali inwi ni tshi tenda.’” Diabolo u a tenda; hu si u hoyo, fhedzi ene zwa vhukuma u a tenda. Ho ngo tshidzwa. “‘Arali ni tshi tenda.’” Huh!

¹⁰² U vhudza muselwa wa vhuvhili, kana Muselwa wa Adamu wa Vhuvhili, zwi fanaho na zwe a vhudza wa u thoma. Zwi no nga sa, “Zwino, phodzo ya Muya, a hu na tshithu tsho raloho. Ri nga zwi sumbedza hezwo. A hu athu vha na tsumbo yo sumbedzwaho.” “Nahone iyi ndovhedzo Dzinani la Yesu, zwino a ni limuhi uri ndi nne maandalanga a tshivhidzo?” u a amba. “Ro i dzudzanya iyo ngei Nicaea, Roma,” musi iyo mimuya ya tshikha i tshi bva kha ḡragon, vhaporofita vha khole-khole, na zwiňwe-vho. “Ri tenda zwauri hu na vhuraruthihi ha Midzimu.” Oo, nga vhanna! Izwo zwi nga zwine muhedeni a nga vha zwone. Ni songo da phanda ha Mudzimu na kathihi ni na tshithu tshi no nga hetsho, na lingedza u ima Vhuhoneni Hawe. “Oo, a zwi iti phambano arali ni tshi lovhedzwa nga maimo a ‘Khotsi, Murwa, Muya Mukhethwa.’ Naa zwi ita phambano-de?”

¹⁰³ Zwo ita phambano khulu, u swika Paulo a tshi laya tshivhalonyana tsha Vhabaphuthisi uri vha tea u lovhedzwa hafhu nga Dzina la Yesu Kristo Muya Mukhethwa u sa athu vhuya wa da khavho. Huno nahone zwo itisa uri uyo muapostola a zhambe, huno a ri, “Arali muruňwa a tsa a tshi bva Tadulu huno a rera tshinwe tshithu-vho, kha vhe a seňwaho.” Ngoho, zwi ita phambano. Yawee, nñenñe!

¹⁰⁴ “A hu na tshithu tsho raloho tshi no nga ndovhedzo ya Muya Mukhethwa maduvhani aya. Iyo yo vha i ya vhaapostola fhedzi. Yo fhira. Nahone tshithu tsho raloho sa vhaporofita? A tshi khou vhuya tsha díhwa. Mađembe? One a si a saintsi. Maleaxi 4? Iyo yo vha i ya tshinwe tshikhathi. Yohane 14:12? Oo, Yesu zwa vhukuma o vha a sa khou amba hezwo. Luka 17:30? Oo, iyo yo vha i tshi tou vha nganea ya khumbulelo. Ni a vhona, i—i khou ḥalutshedzwa nga ndila i si yone; yo vha i si kha vhubvo.” Vhuṭafuṭafu ho raloho!

Musi Mudzimu Ramaandaothe a tshi tsela vhukati hashu nahone a zwi sumbedza. Musi A tshi amba, zwauri, “Yesu Kristo ha shanduki mulovha, ñamusi, na lini na lini,” U sumba uri zwo ralo. A thi londi uri ndi nnyi a sa ambi nga hazwo; Mudzimu u ḥalutshedza Ipfi La Ene mune. O amba uri U do ita itsi tshithu maduvhani a u fhedzisela. “Hu do vha na Tshedza tshifhingani tsha nga madekwana.” Huno ngetsho Tshedza, u itela u vhonadzwa ha Murwa wa Mudzimu.

¹⁰⁵ Lenelo duvha lithihi li no ṭavha ngei vhubvađuvha ndi duvha lenelo lithihi li no kovhela ngei vhukovhela. Muporofita o ri, “Hu do vha na duvha line li si nga koni u vhidzwa masiari kana vhusiku.” Ndi lo nzwinzwimalaho, makole, e kha tshifhađuwo tsha duvha. Fhedzi ha pfi, “Tshifhinga tsha nga madekwana tshi tsini hu do da Tshedza hafhu.” Murwa onoyo muthihi! Ndi ene Alfa na Omega. Murwa onoyo muthihi o ṭavhaho ngei vhubvađuvha o bvumbiwa uri u do ṭavha ngei vhukovhela hafhu, mađuvhani a u fhedzisela, duvha li sa athu fhira. A thi ḫivhi uri vha Li ḥalutshedza hani; Mudzimu u ḥalutshedza Ipfi La Ene muñe. U a Li sumbedza. Itsi ndi tshifhinga tsha nga madekwana.

¹⁰⁶ Zwi a ḫungufhadza, fhedzi nga ngoho o kungiwa ngayo hafhu. Muselwa wa Kristo o kungiwa ngayo, huno a dzhia ndivho ya u ḫalifha ya muñwe mureri wa seminari madzuloni a u tenda Ipfi la Mudzimu lo ḫambaho, lo khwađisedzwaho.

¹⁰⁷ Zwino vhashumeli hangei nn̄da shangoni huňwe na huňwe hune na vha hone, ni nga di hanedza Heli. A thi khou ni vhaisa. Ndi khou tou linge-... Ndi khou amba na tshigwada tsha nñe muñe. Ndi khou tou lingedza... Arali ni tshi todou dzula ngomu, ndi do takala nga ngoho uri inwi ni Li pfe. Huno zwenezwo inwi na Li thetshelesa. Ni a vhona? Fhedzi ndi khou

tou vha vhudza zwe vha—zwe vha vhona, nahone ndi tshi khou vha sumbedza zwone; Mudzimu a tshi khou zwi sumbedza, uri ndi zwone. Ni a vhona?

Iyi ndi awara. A li ɯodi muñwe muthu u Li ɯalutshedza. Ndivhho yañu ya shango a i na tshiñwe tshithu... Ìnwi ni nga di vha na B.A., D.D., A.D., kana tshiñwe na tshiñwe tshine tshi nga vha tshone; a tshi ambi na tshithu na tshithihi. Mudzimu u ɯalutshedza Ipfi ɬawé, Ene muñe. O zwi fulufhedzisa, huno ngezwi.

¹⁰⁸ Fhedzi nga ndivho ya seminari, u rera ha dinomineisheni, "zwo itisa uri shango lothe li mangale livhanda le tshilonda tshało tsha fhola," u bva kha zwa tshihedeni u ya kha zwa mupapa. Ni a vhona nthá hune la khou ya hone? Li a zwi tenda. Li tenda ndivho ine a li vhudza yone.

¹⁰⁹ Ndi zwone, zwino sedzani, ndi zwone zwauri vhaselwa vho fulufhedziswaho u maliwa vhuvhili havho vho tenda ndivho ya Sañhane i lwaho na Ipfi la Mudzimu. Muselwa wa Adamu o tenda ndivho ya Sañhane i l̄waho na Ipfi la Mudzimu, huno muselwa wa Kristo o tenda ndivho ya Sañhane, kha itshi tshikhathi tsha u ɯalifha tshivhi, tshi lwaho na Ipfi la Mudzimu.

Huno dzhielani nzhele. Efa, kha lwa mvelo, we a zwi tenda, huno a mbwandamedza lushaka lwothe lwa vhathu lufuni. Muselwa wa mvelo! Adamu, munna wa mvelo wa l̄ifhasi; muselwa wawe, a sa athu ya khae, u vha mufumakadzi, o mbwandamedza lushaka lwothe lwa vhathu ngomu lufuni. Uri kana ndi lwa saintsí kana hai, ri a fa nga ndila i fanaho, ngauri Mudzimu o amba uri ri do ralo.

Uri kana ni Edeni hukhethwa, kana tshivhidzoni tshikhethwa, kana dinomineishenini khethwa, kana tshiñwe na tshiñwe tshine tshi nga vha tshone, ni do fa duvha line na sa tende Ipfi ɬithihi la Ipfi la Mudzimu uri ndi Ngoho, musi Li tshi khwathisedzwa na u sumbedzwa kha inwi. Ilo ndi duvha line na difhandekanya na Mudzimu. Hu si fhungo lothe; Ipfi ɬithihi. "Ane a do engedza nga ipfi ɬithihi, kana a ɬusa ɬithihi," ilo ndi duvha line na fa.

¹¹⁰ Dzhielani nzhele, muselwa wa Adamu o itisa uri hu vhe na lufu lwa mvelo kha lushaka lwawe, lushaka lwa vhathu.

Huno muselwa wa Adamu wa Vhuvhili, muselwa wa Kristo o fulufhedziswaho u maliwa, o mbwandamedza tshivhidzo tshothe kha lufu lwa dinomineisheni, u dzhia luswayo lwa livhanda, nga dinomineisheni dza saintsí, dza u ɯalifha, khulu. "Ri Vhabaphuthisi. Ri Vhapuresbiterieni. Ri Vhapentekostała," na vhañwe-vho. "Ri na itshi, nahone ri na ndaka yo engedzeaho. Riñe, ri ɭihwa nga muvhuso. Rothe ri u mona na shango," na zwithu zwe the zwo raloho. "Huno vha khwinesa, na nedorobo wa muđi, na vhañwe-vho, vha da kha

rine. Na Muphuresidennde u da u vha na tshilalelo na rine, nahone ri da kha *itshi*, *itsho*, kana *tshinwe*.” Shango lothe lo mbwandamedzelwa kha lufu lwa muya, lwa dinomineisheni; tshivhidzo tshothe. Tsho fa!

Inwi ni ri, “Ni khou katela disi ljhulu.”

¹¹¹ Yesu o ri, “Sa zwe zwa vha zwi zwone maduvhani a Noaxe, he mimuya ya malo ya tshidzwa, zwi do ralo kha u da ha Murwa-muthu.” “Maduvhani a Loto, he vhararu vha bviswa Sodoma, nga ilo duvha...” Zwino ho no di vha na tshigwada tsho no di bvaho, elelwani. “Fhedzi, sa zwe zwa vha zwi zwone tshifhingani itsho, musi Murwa-muthu a tshi do vhonadzwa.” Sedzani uri ndi duvha-de, sedzani hune ra khou tshila!

¹¹² Zwino o itisa uri shango lothe li tanganedze vhurangaphanda ha saints ha mbekanyamushumo ya pfunzo ye Sathane a li nea yone fhasi ha dzina la tshivhidzo, vhurangaphanda ha mbekanyamushumo ya pfunzo, ya saints. Nne ndi khou ni nea tshifanyiso tsha mudzimu wa lino shango.

Musi ene, sa Efa, o vha na u dala honoho ha Ipfi la Mudzimu tshandani tshawe, o vha a tshi do vha o kona u dzhia Ipfi la Mudzimu. Fhedzi o itani kha Illo? Madzuloni a u lindela ndovhedzo ya Muya Mukhethwa, u tendela saints u mu sumbedza uri Muya Mukhethwa wo vha u wa vhafunziwa fhedzi.

Madzuloni a u ita uri phodzo ya Muya i dzule i tshi bvela phanda, ngeno zwino o tea u vha a tshi vusa vhafu na u ita madembe mahulwane; o tendela Sathane, fhasi ha vhurangaphanda ha munna wa vhurereli, u dzhia Ipfi la Mudzimu huno a lingedza u ri Lo vha li la tshinwe tshikhathi. Huno o zwi tenda.

¹¹³ Musi, Bivhili yo ri, “Zwithu zwine Nda ita na inwi ni do ita.” Yesu o zwi amba hezwo. “Iyani-ha shangoni lothe huno ni rere Mafhungo-madjifha kha tshivhumbwa tshinwe na tshinwe.” Ri kha di vha zwivhumbwa. “Izwi zwiga zwi do tevhela muniwe na muniwe wawho vha tendaho.” U hana tshipida tshinwe na tshinwe Tsha-lo.

¹¹⁴ U hana zwe the zwa nthia ha mupo, huno o nekana Ngalo u itela pfeseso ya u talifha yawe ya Bivhili; hune vhotshifhe, na vhokhotsi vhakhethwa, vha no sokou vhidzwa, hune vhabishopo, vhaatshibishopo, hune vhotshifhe vha dzingu, vhalangi vha nyangaredzi, na vhaiwe-who, vha vhea thalutshedzo ya vhone vhae Kha-lo. Huno Mudzimu o vha tutshela, vho dzula heneffho, who fa sa awara ya fumimbili nthia ha tshithoma.

Zwithu fhedzi zwe salaho maduvhani a u fhedzisela ndi tshivhalonyana tsha Vhapentekosta-la tshi na muzika u lidzelwaho nthia nga maanda u ya nga hune vha kona, vha tshi gidima nthia na fhasi fuloroni, vha tshi khou amba nga dzindimi nahone vha tshi khou tavha mukosi, “huno vha na

tshifanyiso tsha u nga vha ofha Mudzimu, fhedzi vha tshi landula Ipfi laho.” Ni tshi vha vhudza uri vha lovhedzwe nga Dzina la Yesu Kristo; vha a ni sea nga ndila i tungaho. Fhedzi, izwo, Mudzimu u bvela phanda a tshi zwi ita nga ndila i fanaho, a tshi sumbedza Ipfi Lawe uri lo tou ralo.

¹¹⁵ Dzhielani nzhele, muri we Sathane a itisa uri Efa a u le, wo vha u “muri wa vhudi na vhuvhi.” Wo vha u muri wo vangwaho.

Zwino sedzani duvha jine ra khou tshila khalo, musi A tshi khou vhidzela nnnda Muselwa. U na tshivhidzo tshi no didzhia uri tshi khou ita zwavhuđi, ngeno tshi tshivhi, nga u hana Ipfi. Muri wo vangwaho. Oo, hu pfi, “Vha—vha na madzangano mahulwane. Vha—vha—vha—vha thusa *itshi*. Huno Tshifhambano Tshitswuku tshi a zwi themendela. Huno zwikolo zweithe, zwi... Sedzani hafha!”

Oo, fhedzi itonu hana Ipfi lithihi, ndi zwenezwo fhedzi zwine na tea u ita zwone uri ni fe; a hu londwi uri ndi zwa vhuđali hani, ndi zwavhuđi hani. Yesu o ri, “Mbilisa thukhu i dungisa vhuswa hothe.” Kupida kuthihi kwa mbilisa ku tshinyadza vhuswa. Ipfi la Mudzimu lithihi, lo bviswaho vhudzuloni, li tshinya Tshifanyiso tshođhe. Mini-ha nga ha tshanda tshanga tshi hune mulenzhe wanga wa tea u vha hone? Ni a vhone? Mini-ha arali ndevhe yanga yo vha i hafha fhasi hune tshanda tshanga tsha tea u vha hone? “Mbilisa thukhu i dungisa vhuswa hothe.”

Ni ri, “Naa ni divha hani uri Lo luga?” Mudzimu u sumbedza uri Lo luga. U a Li khwathisedza. O Li amba hafha kha Ipfi, zwenezwo U a Li sumbedza. Iyo ndi ndila ine ra zwi divha uri Lo luga kana hai.

U tou hana Ipfi lithihi ndi zweithe zwine zwa dzhia u fa. Lo disa mvelelo dzi fanaho kha itshi tshikhathi tshivhi, lufu lwa maya, sa zwe ha ita lufu lwa nama kha lushaka lwothe lwa vhathe.

¹¹⁶ Dzhielani nzhele ndila ye Sathane a wana itsho tshikhathi tsha saints murahu hangei, tsha Noaxe, u ditika nga pfeseso ya vhone vhañe. Huh! Bivhili i a ri vhudza, kha Mirero, “Ni songo ditika nga pfeseso ya inwi munę.” Huno, “Ipfi la muthu muñwe na muñwe kha li vhe mazwifhi, huno a Mudzimu a vhe a ngoho.” Fhedzi Sathane, nga ndivho yawe, u bva u rangani ngei ngadeni ya Edeni, o ita uri vhathe vha ditike nga pfeseso ya vhone vhañe. Huno, ni a divha, nga kha mishumo mihulwane yawe ya Max Factor ye a vha e nayo hangei murahu, o wana vhasadzi vhe vhavhuđi nga maanda lwe zwa itisa uri zwa murwa wa muthu...vharwa vha Mudzimu, kha ndi ri, vha wele tshivhini nahone vha vha male. Ndi zwone. Ene...Vhasadzi vho vha vhe vhavhuđi nga maanda, vha lunako nga maanda.

¹¹⁷ Zwino inwi dzhiani musadzi zwawe a re tshitaračani ɻamusi. Vhunzhi hanu no no vhala iyo nganea; na kathihi a ni athu i pfa, ngauri ndi ya phanđa ha maduvha anga. Pearl O'Brien, naa ndi vhangana vho vhuyaho vha pfa nga hae? Ngoho. O vha a tshi tea u vha musadzi o nakesaho wa shango. Mulandu, a hu na ɻwana wa tshikolo a no dzhena nđuni ya tshikoloni ɻamusi nga nnđa ha uyo a re wa lunako kavhili kha zwe a vha e zwone. Ndi ngani zwe ralo? Lunako lwa vhasadzi lu khou do bvelela mađuvhani a u fhedzisela.

Vho tunya mavhudzi avho. Vha vha dzenisa ngomu rokhoni dza vhasidzanyana. Vha ambara dzishothi, na dzibikini, na zwine na vhuya na zwi vhidza zwone, khavho. Vha ɻodza pennde, na luvhanda lutswuku, na idzi tshaka dzothe dza zwithu, u vha ita tshinwe tshithu tshine vha sa vhe tshone. Ni a vhona? Fhedzi nga ndivho ya saints vho kona itshi. Naa ni a zwi ɻivha uri hu shumiswo yo engedzeaho kha zwidolo zwa vhasadzi, u fhira i re hone, kha ja United States, kavhili kana kararu nga vhunzhi, kha i shumiswaho kha zwiliwa zwine ha tshilwa ngazwo? Sumbedzani hezwo, izwo ndi zwone, kha zwidolo.

¹¹⁸ Dzhielani nzhele, “Vharwa vha Mudzimu vho vhona vhananyana vha vhathu,” hu si vhananyana vha Mudzimu, “vhananyana vha vhathu, uri vho vha vho naka,” huno zwa itisa vharwa vha Mudzimu u wela ngomu ha itshi tshi konesaho u fhura. “Huno vha dzhia ulwo lushaka lwa vhasadzi huno vha vha mala,” huno zwa ɻisa tshikhathi tsha vhurengisamuvhili, u tou fana na zwine zwa vha zwone ɻamusi; vhunga zwe vha zwi zwone ngei Sodoma, vhunga zwe bvumbelwa u vha nga u ralo ɻamusi.

Izwo, musi vhanna na vhasadzi vha lino ɻuvha vha tshi ɻekana vhafumakadzi. Arali vha sa takaleli uyu mufumakadzi, vha—vha ya hangei Reno, Nevada, huno vha mala; huno, kana vha wana thalano, yeneyo, huno vha mala hafhu nga miniti ya fumiřhanu. Nahone vhasadzi vha lunako nga maanda lune kafukuřuku vha si kone u haniwa. Huno naa ndi mini? Diabolo! Ni a vhona Sařhane uri u kha di vha kha lunako? Dzhielani nzhele.

¹¹⁹ Dzhielani nzhele, itsho tshivhi a vho ngo hangwelwa tshone na kathihi. Itsyo tshikhathi tsha lunako, tsha saints tsho vha tshi tshenetsho tshikhathi tshivhi tshe Mudzimu a tshi tshinyadza kha tshifhařuwo tsha liphasi; itsyo tshikhathi tsha lunako, tsha saints. Yesu o amba uri zwi do vha izwo hafhu hu sa athu swika u da ha Murwa-muthu. Izwo ndi zwone? Dzhielani nzhele, Yesu o ri, “Sa zwe zwa vha zwi zwone mađuvhani a Noaxe, zwi do ralo kha u da ha Murwa-muthu,” musi vhořthe vho lingedza u mala . . . Zwino sedzani, “Vharwa vha Mudzimu vho mala vhananyana vha lunako vha vhathu,” huno Mudzimu ho ngo vha hangwela zwone na kathihi.

¹²⁰ Zwi tou fana na pfunzo ya Biliamu, zwe a itisa vhasadzi vha lunako, vha u ḥalifha, vha saintsi vha Moaba u... nga maṭo avho a ambisaho, pennde dzawe na mbwanda, zwinukheleli zwawe zwavhudī, u ungeledza vharwa vha Mudzimu; vha sa konane na vhasadzi vha vhone vhaṇe vhe vha shuma huno vha vha na mapone zwandani zwavhō, hu si na zwi ḥoliwaho khazwo. Vha vha ungeledza, huno, “Kha ri malane, ngauri roṭhe ri vhathu vha fanaho.” Ayo o vha e mazwifhi! Ho vha hu ma—mazwifhi, na vhukoni ha diabolo, u ita uri vharwa vha Mudzimu vha male vha—vhananyana vha vhathu.

Ho vha hu mazwifhi a diabolo, a Biliamu, uyo muporofita wa khole-khole, u lingedza u porofita a tshi lwa na Mushe we a lingedza u farekanya lushaka fhethu huthihi; u ri, “Zwo luga, ri tenda onoyo Mudzimu muthihi. Ri nekedza zwenezwo zwidzimu zwithihi. Ri na zwīṭhavhelo zwenezwo zwithihi. Ri ita tshiñwe na tshiñwe u tou fana.”

“Zwi tsini na tsini lune zwa vha zwi tshi do fhura Vhanangiwa arali zwi tshi konadzea.” Ni a vhona? [Hu na tshikhala kha theiphi—Mudz.] Sendelani kule hawe, vhathu! A ni na mushumo nae!

¹²¹ Dzhielani nzhele, zwo vha zwi songo lavhelelwa uri Mudzimu u ḥo talutshedza Ipfi ḥawé murafho muvhī wa Kaini. Hai. Mudzimu o vha a si nga vha ḥalutshedzi Ipfi ḥawé. Dzhielani nzhele... [Tshikhala kha theiphi—Mudz.]

Mudzimu, ndivho ya u ita shango uri li vhe la lunako nga maanda na la saintsi nahone ḥivhi, O ḥo tea u li tshinyadza? Naa Mudzimu o vha a tshi ḥo ita izwo, a ita shango la vha la lunako nga maanda; sedzani hafha, Mudzimu a tshi khou ita vhananyana Vhawe uri vha vhe vha lunako nga maanda, huno a vha ambadza lwa vhudzekani nga maanda, uri vharwa Vhawe vha ḥo vha emula huno vha ita vhupombwe? Mini? Mudzimu a ita tshithu tsha u ralo?

Itshi tshivhalonyana tshi re fhedzi, tsho bvulwaho zwiambaro tsha vhathu vha Laodikea, tshi tshi khou luvha mudzimu wa lino shango, nga kha milayo ya mikhwa yavho yavhudī, na pfunzo, na u ḥalukanya, na u naka! “Ibvani khaļo,” Bivhili yo ri, “ni songo vha na vhuhura kha zwivhi zwālo, huno ni songo ḥanganedza mabulayo alo.” Mudzimu u ḥo nisa tshifhangō tshi bvaho lutomboni nga liiwe duvha, tshine tsha vha tshihulu sa tshipida tshiñwe na tshiñwe tsha phaundu dza dana, huno u ḥo li tshinyadza nga u li kanda; vhunga Ipfi ḥawé tshifhinga tshoṭhe ḥo amba uri O ita, milayo Yawe.

Zwo ralo, arali Mudzimu o ita tshithu tsha u ralo, a dzumbululela Ipfi ḥawé vhathu vho raloho sa avho, U ḥo vha a tshi khou—khou khakhisa ndivho Ya Ene muṇe. Mudzimu a si tsilu. Ndi ene tshiko tsha vhuṭali hoṭhe.

Ngauralo ni a vhona hune izwo zwithu zwa bva hone? Zwi bva kha Sathane, nahone zwi kha di vha zwa Sathane. Huno tshivhidzo tsho zwi tenda.

¹²² Zwino ni a vhona, vhasadzi, nne ndi khou lingedza zwanga zwa khwinesa u ni sumbedza Ipfi la Mudzimu. Bivhili yo ri, "Arali musadzi a tshi tunya mavhudzi awe, u nyadzisa thoho yawe," ine ya vha munna wawe. Huno munna wawe ndi thoho, na Mudzimu, ngauralo u nyadzisa Mudzimu na munna wawe.

¹²³ Zwino izwi zwi a sumbedza uri ndi nnyi a re thoho ya sisteme ya tshivhidzo tsha lino shango. Izwo zwi sumbedza uri thoho yayo ndi nnyi. Ndi Sathane, nga tshivhumbeo tsha munna wa nthesa, muthu wa ndivho, ndivho ya nthesa. U divha u fhira vhaiwe vhothe. A hu londwi zwine Ipfi la amba, u—u na thalutshedzo ya ene muñe Yało, ni a vhona, thalutshedzo ya itshi tshikhathi tshivhi.

¹²⁴ Dzhielani nzhele pułane dzawe dza u fhaṭa tshivhidzo tsha dinomineisheni tsha nthesa, Khorø ya Dzigerike ya Lifhasi, ni a vhona, o rinwaho wa nthesa, uri shango lothe li do li luvha, livhanda, fhasi ha dzina la Vhukriste ho ḥanganaho. Naa ni do takalela u vhala izwo Bivhilini? Nzumbululo 13:6 na 8. Ndi thawa ya musalauno ya Babel.

¹²⁵ Naa a ni elelwi ndila ye Nimirodo, uła muhoi, a fhaṭa iyi thawa khulu huno a ita uri miñwe midi miñku yothe i i thonifhe? Babble na Babel ndi tshithu tshithihi. Tshi tou shandukisa madzina atsho, nahone, tshi tshi khou da nthia. Ndi, Roma zwino ndi Babele. Huno shango lothe li diswa Babele, nahone li diswa ngomu nga Khorø ya Dzigerike ya Lifhasi i no do ita uri muñwe na muñwe wavho a li gwadamele. Huno no dzhia luswayo lwa livhanda, ni sa divhi zwe na vha ni tshi khou ita. Ngauri . . .

Fhedzi avho vho nangiwaho vha do pfa Ipfi huno vha bva khalo.

¹²⁶ Ndila ine dinomineisheni ya fhambana na Ipfi la Mudzimu! Na kathihi Ho ngo vhuya a vha na nthihi, na kathihi ho ngo shuma na kha nthihi, nahone na kathihi ho ngo shuma na nthihi. Ndi ḥoda muñwe mudivhazwakale a tshi ntsumbedza he muporofita a vhuya a bva kha tshivhidzo. Ntsumbedzeni he Mudzimu a vhuya a fhaṭutshedza tshivhidzo tshe tsha vha . . . nga murahu ha musi tsho no dzudzanyiwa. Tsho ya tsha si tsha shuma huno tsha fa, tshi na vhuṭali ha u ḥalifha vhu bvaho ha diabolo, nga vharangaphanda vhavho, huno tsha hana Ipfi la Mudzimu Li tshi alutshela ngomu ha tshiimo tsho fhelelaho tsha Kristo. Zwino tshi kha thoho. Zwo fhambana hani!

Fhandekanani na uyo Efa a sa tendi, vho inwi vhana vha Tshedza tsha nga madekwana!

¹²⁷ Sathane, mudzimu wa itsi tshikhathi, nga ndivho yawe, a tshi khou ita uri vhathu vha le uyu muri wo vangwaho wa vhudi na vhuvhi. Dzhielani nzhele, Sathane, nga ndivho yawe, a tshi

khou itisa vhathu vha itshi tshikhathi tshivhi uri vha le muri wawe wa vhudi na vhuvhi. U ri u khou fhaṭa vhutshilotshedza ha Tshikriste vhuhulwane, nga ndivho yawe ya vhudi na vhuvhi, vhutshilotshedza ha Tshikriste vhuhulwane.

¹²⁸ Fhedzi Musidzana muṭuku wa Kristo, Ipfi, Sambi, Muselwa, ha londi ndivho yawe. U dzula, ene, e o vhofholowaho khae. Naa ndi mini... Zwino kha ri ambe nga Hae, lwa tshifhinganyana. U lindela Murena Wawe na hanimuni Yawe ya Nwahagidi, ndi zwone, e na Muhwe Ipfi, vhunga Ene e Muselwa Ipfi.

¹²⁹ Ndivho na vhutshilotshedza, na Vhukriste ha ngoho, a zwi shumisani. Vhutshilotshedza, na Vhukriste ha ngoho, a zwi shumisani na kha tshithu na tshithihi.

Vhutshilotshedza vhu da nga ndivho. Ri a zwi divha roṭhe hezwo. Huno ndivho i bva Edeni, zwo sumbedzwa, nga zwe a rera ngei Edeni. Huno ndivho i vhanga lufu. Naa ndi zwone? Naa ndi mini tsho vhanga lufu ngadeni ya Edeni? Ndivho. Fhedzi i nga si vhe ya Mudzimu, ngauralo ndi ya diabolo. Whew, iyo yo vha i yavhudzi! Ndivho, saints, pfunzo, ndi tshikhakhisi tshihulwane tshe Mudzimu a vhuaya a vha natsho. Ndi ya diabolo.

Zwino ndi do wana mañwe mañwalo malugana na hezwo, ndi a divha. Nnē ndo a lindela.

¹³⁰ Sedzani uri mvelele yo ri dzhenisafhi zwino. Ni a vhona? Sedzani zwe ya ita. Naa ri ngafhi? Ro ditika nga izwo zwithu, nga pfeseso ya riñe vhañe nga saints yashu.

Inwi ni ri, “Mini-ha nga ha Mudzimu, ni elekanya uri Ndi ene vhushayandivho?” Oo, hai.

Mudzimu u do imisa lushaka Lwa Ene muñe lwa vhutshilotshedza kha lifhasi, musi A tshi dzhia ndango yalo. Ili ndi shango la Sañhane; ndi mudzimu zwino wa ndivho yawe ya shango ya saints. Fhedzi Mudzimu u do imisa lushaka Lwa Ene muñe lwa vhutshilotshedza. A vhu nga vhi vhutshilotshedza vhu no nga uvhu. Inwi ni tou elelwa hezwo. A vhu nga vhi lushaka lwa vhutshilotshedza vhune ra vha naho ñamusi. Hai, hai. Vhu do vha u ya nga Ipfi Lawe na ndivho Yawe. Ngauri, mudzimu wa itshi tshikhathi tshivhi tsha zwino u do tshinyadziwa, na muvhuso wawe nae.

¹³¹ Itschi tshikhathi tsha musalauno tshi funaho ndivho a tsho ngo vha na murangaphanda wa khwine u fhira aña vha vha nae, Sañhane, mushandi wa Ipfi la Mudzimu, vhunga o thoma ngadeni ya Edeni, fhedzi muthu wa vhurereli a fulufhedzaho pfeseso ya ene muñe.

Vhunga ndo no di amba, Mirero 3:5, zwauri, “A ri tei u ditika nga pfeseso ya riñe vhañe.”

Vha fanela u vha na mudzimu, ngauri vha vhathu. Naho zwo ralo, u vha ita zwine vha ḥoda. Vhunga u vha muthu,

tshifhinga tshothe, vhatu vhothe... Musi ri tshi da fhano, ro wana Maindia vha tshi khou luvha na zwifanyisamudzimu, na duvha, na tshiñwe na tshiñwe. Vhunga muthu, vha fanela u vha na mudzimu. Ngauralo itshi tshikhathi tsha u talifha tshihulwane tshi fanela u vha na mudzimu, ngauralo tsho no vha... Mudzimu wa lino shango o no vha ndivho, dinomineisheni, saints, "zwi na tshifanyiso tsha u nga zwi ofha Mudzimu, fhedzi zwi tshi hana Maanda aho."

¹³² Dzhielani nzhele, mudzimu wavho u vha ita fhedzi zwine vha toda. Vha emula ñama, huno itsho ndi tshone tshire a vha ñea tshone. "Vha toda u ambara dzibikini. Kha vha dzi ambare. Ni a vhona? Arali vha tshi toda u ita *itshi* kana *itsho*, kha vha tshi ite. A hu na u vhaisa khazwo; vha ya tshivhidzoni. Mme avho vho vha vhe Mumethodisi, Mubaphuthisi, Mupentekosta, Mupuresbiterieni. Itonu vha litsa vhe vhothe."

Uyo ndi mudzimu wa itshi tshikhathi; o thanya, ndi wa vhuñali, wa saints. A zwi todi na lutendo. A zwi todi na u sumbedza tshiñwe tshithu. Zwo no di sumbedziwa, nga ndivho yavho. "Zwo luga, ri tshivhidzo tshihulusa tshi re home doroboni," ndivho yavho. "Mufunzi washu u na D.D., Ph.D." Ni a vhona, a vha todi na lutendo; vha fulufhedza ndivho. Kha vha tshire nga ndila iñwe na iñwe-vho, samusi vha tshi da u mu luvha nga dinomineisheni yavho na ndaela. Hu na ito lihulu litswu benefho, fhedzi li sedzeni.

Vha sea Ipfi la Mudzimu, vha tshi amba zwithu two fhambanaho na Ipfi; huno vha lingedza, nga ndivho yavho, u sumbedza nga lwa saintsuri Ipfi a si ngoho. Oo, ndi tshikhathi-de tshire ra khou tshila khatsho nandi! Ni a vhona mudzimu wa itshi tshikhathi?

¹³³ Dzhielani nzhele, fhedzi Mudzimu o lindela u swika vhutshinyi ha avha Vhaamori vha musalauno ho no dala. Ni songo whilaela, U do vha na Mushe Wawe o dilugisaho nga itsho tshifhinga. Hu do vha na mupfuluwo, línwe duvha, wa u ya shangoni lo fulufhedziswaho. Hu do vha na Mushe a no da, a no do vhidzela nnnda, "u vhuyedzedza Lutendo lwa vhana murahu kha vhokhotsi." Hu do da, nga línwe la aya mađuvha. Naa...

Inwi ni ri, "Zwo luga, sedzani ndila ine ra khou bvela phanda."

Ngoho, vhutshinyi ha Vhaamori a vhu athu dala. Hu do da, nga línwe la aya mađuvha. Kha vha ðitshinyadze.

¹³⁴ Vhutshilotshedza, ndivho, zwi shanda Ipfi la Mudzimu u tea muthetshelo wa vhone vhane. Dinomineisheni iñwe na iñwe i ita zwenezwo zwithihi. Sañhane zwenezwo u rera mafhungo-madifha a ndivho a ene muñe tshivhidzoni tsha ene muñe.

¹³⁵ Hu na kiłasi mbili fhedzi dza vhatu vho ambiwaho kha Testamente Ntswa. "Vhana vha Mudzimu, na vhana vha

diabolo.” Naa izwo no zwi ḋivha? Inwi ni ṭoda u ነwala fhasi Luñwalo lwazwo? Yohane Ya U Thoma 3:10, arali ni tshi ṭoda Luñwalo. Nne ndi khou lu vhala henehafha, ndi nalwo lwo ነwaliwa. Zwo luga. Zwo luga.

¹³⁶ Kha Vhaefesa 2:2, vha vhidzwa, “Vhana vha u sa thetshelesa.” Vhunga Efa o vha, a sa thetshelesiho Ipfi la Mudzimu. Vhana vha u thetshelesa, na vha u sa thetshelesa, a vha shumisani.

Zwenezwo Muselwa wa Kristo a nga vha na u konana hani kha dinomineisheni, ngeno muñwe a sa thetshelesi huno muñwe a tshi thetshelesa? Naa muñwe, a nga vha hani Ipfi; huno muñwe, a vha ipfi lo shandiwaho? Naa murengisamuvhili na musadzi o kunaho vha nga tshimbila hani vhothe vhe na pfano? Vha nga si kone u zwi ita. A vha na vhuṭama na luthihi. “Ibvani vhukati havho!” Ndi vha diabolo. Ndi luswayo lwa ḥivhanda. Hu khou iwa henehfo ngomu halwo zwino; dinomineisheni dzothe. A thi londi uri ndi dza nnyi.

Mudzimu u khou dzhia, hu si dinomineisheni, “vhathu u itela Dzina ḥawe.” Dinomineisheni i nga si ṭanganedze aya Mafhongo-ngoho. Zwi ḫo dzhia muthu muthihi ane a kona u vhona Mudzimu, a sedza Ipfi ḥawe huno a Li tenda, huno a si vhe wa dzangano; fhedzi a tshirela Mudzimu, hu si dzangano ḥawe, vhuṭali ha u ṭalifha ha muñwe mubishopo kana tshiñwe tshithu tsho ḥi funza. Izwo ndi zwone.

¹³⁷ Vhana vha u sa thetshelesa, na vhana vha u thetshelesa, a vha shumisani. Muñwe wa...ndi wa duvha la Tshedza; muñwe, wa vhusiku na swisi, tshikhathi tshivhi, itsi tshikhathi tshivhi tsha swisi, kilabu dza vhusiku, dzidantsi, naho zwo ralo a vha wa tshivhidzo. Ho luga nga ha mudzimu wavho. A vha na u rovhedzea nga hazwo; a hu na tshithu tshi no vha dina.

“Mulandu, a zwi nthovhedzi u ḥunya mavhudzi anga,” musadzi o amba. “A zwi vhaisi luvalo lwanga.” Ha tshe na luvalo u fhira ḥowa i na dzikhundu. Izwo ndi zwone. Zwa vhukuma hai. Ha ḋivhi uri luvalo ndi mini. Lwo ainea nga maanda u swika a sa vhuyi a ḋivha uri lwone ndi mini. Izwo ndi zwone.

¹³⁸ A tshi khou tshimbila u mona hothe, kha Ipfi la Mudzimu, a tshi ri, “Mulandu, uyo ndi muthu a songo dzivhuluwaho o aluwaho. Ni songo gonya hangei; vha tou vha tshivhalonyana tsha phosho na u bvela phanda, naho zwo ralo.” Huh! A vha ḋivhi zwo engedzeaho nga ha Mudzimu u fhira Muhotentoti a tshi ḫo ḋivha nga ha vhusiku ha Egipita. Izwo ndi zwone. Ndi ngoho.

“Vha na tshifanyiso tsha u nga vha ofha Mudzimu, fhedzi vha tshi landula Maanda aho; vhenevho sendela kule havho. Ngauri ulu ndi lushaka ḥu no bva ḥduni lwa ya kha iñwe nnđu, huno lwa kumbuludza vhasadzi vho tsilufhalaho.”

“Oo, mufunwa, inwi ni, ni tea u ita *itsi*. Oo, mufunwa, ndi elekanya uri mureri wañu a songo dzivhuluwaho o aluwaho

wa ngei fhasi, arali ni tshi tou... Oo, no vha ni tshi do vhonala ni a kungaho ni kha 'kini," kana zwenezwo zwine na vhidza itsho tshithu. "Inwi, arali ni tshi do ita tshothe *itshi, itsho*, na *tshinwe*. Mulandu, sigarete thukhu i nga si vhaise muthu. Ndi wa tshivhidzo, huno ni a zwi ḋivha uri dinomineisheni yashu i sedzea yo luga sa ya nnyi na nnyi." Ni songo tenda ula muzwifhi o aluwaho o penndwaho. U khou ni zwifhela. Izwo ndi zwone. Ee, muñe wanga.

¹³⁹ Zwo luga kha mudzimu wavho. Oo, u elekanya uri izwo zwi a mangadza, huno vha tou mu funela zwenezwo.

Nnenne, vha do hanedzana na inwi. Vha do ima huno vha ṭata khani na inwi nga hazwo. Mulandu, ngoho, Saṭhane o ima a livha Yesu Kristo, Ipfi, huno a lingedza u ri, "Zwo nwaliwa."

Huno O vha e heneffo, Ipfi lo khwathisedzwaho la Mudzimu. O ri, "Iya murahu Hanga, Saṭhane!" Itonu tshimbila huno ni ite zwenezwo zwithihi.

Vhunga muthu o amba na nne nga tshinwe tshifthinga, a ri, "Zwino, arali ni tshi tenda uri ndovhedzo ya Muya Mukhethwa yo luga, nahone ni tshi tenda uri ni Nawo," ha pfi, "zwino nthweni ndi pofule." Uyo o vha e mureri. Ha pfi, "Inwi nthweni ndi pofule!" A ri, "Paulo o rwa mu—munna a pofula nga liñwe ḋuvha."

¹⁴⁰ Nda ri, "Murena, naa ndi nga ni rwa na pofula hani ngeno no no di pofula? Naa ndi nga ni vhulaha hani ngeno no no di fa?" Uh-huh.

A ri, "Nñe, maño anga a fumbili-fumbili!"

Nda ri, "Tshipida tshaṇu tsha ḥama; fhedzi ni kha di vha no pofula."

"A zwi konadzei! Bivhili a i ṭalutshedzi zwithu. Rine ri amba hune Bivhili ya amba, huno ra fhūmula hune Ya fhumula."

¹⁴¹ Nda ri, "Zwo luga, musi Eliya o vha e fhasi ngei—ngei Dothani, ni a vhona, ho mbo da mmbi yothe ya Siria u mona hothe. Huno mulanda a gidima, a ri, 'Oo, khotsi anga!' Ha pfi, 'Khotsi anga,' a ri, 'Vhasiria vho ri tingeledza.'"

"Eliya a phumula maño awe, a vuwa huno a ri, 'Hu na vho engedzeaho vha re na riñe u fhira vha re hone navho.'"

"A ri, 'A thi vhoni muthu.'"

"Ha pfi, 'Mudzimu, vula maño awe.' Zwino, o vha o pofula. Huno a sedza u mona hothe kha uyo muporofita o aluwaho, na kha dzithavha; dzo vha dzo ḍala Vharuñwa, na dzigoloi dza Mulilo, na bere dza Mulilo."

"Huno a tshimbila a ya heneffo nn̄da, huno Bivhili ya ri, 'A vha rwa vha pofula.' U pofudzwa kha mini? Khae. A tshimbila a ya nn̄da, a ri, 'Naa ni khou ḫoda Eliya?'"

"Ee, ri khou mu ḫoda."

“Ha pfi, ‘Idani, ndi do ni sumbedza hune a vha hone.’ Eliya o vha ranga phanda kha Eliya. Vho pofula!”

Nda ri, “Ni a divha uri nne ndi khou yo ri mini kha inwi? Zwi fanaho kokotolo na zwe Murena wanga a vhudza khotsi anu, ‘iya murahu hanga.’” Uh-huh. Uh-huh.

¹⁴² Dzhielani nzhele, vhana vha u thetshelesa, na vha u sa thetshelesa, a vha shumisani. Vha u sa thetshelesa vha luvha mudzimu wavho. “Oo,” vha ri, “rinne ri tenda Bivhili.” Ee, ndi muri wo vangwaho. Ni a vhona, vha engedza nga shango na ndivho Khaalo. Muri wa Sathane, wo vangwaho; ni a vhona, o dzhia kha muri wa Sathane, vhudi na vhuvhi. “Oo, ri tenda Ipfi.” Ngoho, fhedzi hu si Lone lothe. Efa o tenda Ipfi, na ene-vho, fhedzi a tendela—a tendela Sathane u dzhia muri wawe huno a Li shanda zwiłuku. Izwo ndi zwone zwine zwa vha zwone.

“Ane a do engedza nga ipfi lithihi, kana a tusa Ipfi lithihi Khaalo.” U kha di vha a sa shanduki mulovha, namusi, na lini na lini! Dzhielani nzhele. Zwo luga.

¹⁴³ Itshi tshikhathi tshivhi ndi tsha swiswi, naho zwo ralo ndi tsha tshivhidzo. Mudzimu wavho, vha mu funela zwenezwo, ndila ine a vha tendela u ita. A vha na thovhedzo. A hu na tshithu tshi no vha dina samusi vhe vha tshivhidzo.

Biliamu o funza tshivhidzo zwenezwo zwithihi. “Kha ri tangane; rothe ri a fana.” Ho vha hu maano mavhi a u fhedza. Mudzimu ho ngo vha hangwela u tenda havho mazwifhi o raloho.

¹⁴⁴ Elelwani, ho vha hu tshivhi tshi sa hangwelwi, kararu Bivhilini, kha vhatu vhañwe na vhaiwe-vho u engedza nga ipfi lithihi la thalutshedzo ya vhone vhañe kha Ipfi la Mudzimu nga murahu ha musi Lo no khwathisedzwa uri ndi Ngoho.

Ngadeni ya Edeni, henefho, ngadeni ya Edeni, ipfi lithihi lo engedzwaho lo itisa uri hu vhe na lufu.

Musi Biliamu o engedza nga ipfi, uri, “Rothe ri a fana,” vhone, Mudzimu na kathihi ho ngo hangwela Israele hezwo. Muñwe na muñwe wavho o lovha sogani, nga nnđani ha vhararu vhe Mudzimu a vha bvisa.

Yesu o ri, “Vhone, muñwe na muñwe, vho fa,” izwo ndi u fhandekana ha U Ya Nga Hu Sa Fheli. Vhone vhothe vho tuwa; na kathihi a vho ngo hangwelwa. Ndi tshivhi tshi sa hangwelwi; na kathihi ho ngo vha hangwela. Yawee, nñenñe!

Tshi shavheni, vhana vha Zwiedza zwa nga madekwana!

¹⁴⁵ Ni a vhona zwino uri ndi nnyi murangaphanda wa itshi tshikhathi tsha musalauno, tsha vhurereli, tshivhi? Ndi diabolo, a tshi dzhia uyo muri wa vhudi na vhuvhi, huno a u vhea ngei nnđa, dzhielani nzhele, a tshi disa muselwa wa tshivhidzo wawe o nakaho kha khoro ya u vhuedzanya u itela mutshato. Uyo ndi wavhuđi. Tshivhidzo tsha saints tshawe tsho nakaho, tshi na di-di-digirii dzithe dzine dzi nga waniwa; dza Ph.D dzi bvaho kha tshivhidzo tsha Kristo, dza Ph.D dzi bvaho Baphuthisi,

Puresbiterieni, Vhapentekostała, na vhothe. A tshi vha disa vhothe, vhe na zwiambaro zwa u ṭonga ngazwo two nakiswaho na zwivhidzo zwihiulu, twothe zwi tshi ya kha khoro ya u vhuedzanya, “Riñe ri vhathihi.” A vha nga hangwelwi tshone. Dinomineisheni, u ambara pfungavhuṇe ya dinomineisheni, ndi luswayo lwa livhanda. Ro no di fhira khalwo hafha; u zwi ita. Lu shavheni, vhana, lu shavheni! Ni a vhona? Tshivhidzo tshihulwane, tsho nakaho tshi ya kha tshiambaro tsha u vhuedzanya, tsho ambara luswayo lwawe!

Dzishothi, ngoho, tshiambaro tsha shango, vha vhudzekani, pennde, vhafunziwa vhavhuđi zwa vhukuma vha diabolo, u rea vharwa vha Mudzimu; u malisa mutukana wavhuđi o bebwaho nga vhudalo kha muňwe muthu a sa fulufhedzei wa u ralo. Izwo ndi zwone. Mini...

¹⁴⁶ Inwi no ri, “U ḥunya mavhudzi, naa izwo zwi itani?”

Mukomana, kha ri tou ima hafha lwa tshifhinganyana. Ndi tou pfa uri muňwe muthu o zwi nyala hezwo. Hu nga di vha ho vha nnda ḥaraṭani huňwe fhetu.

Thetshelesani. Mavhudzi kha musadzi ndi muano wa Munazaretha. Mavhudzi kha Simisoni o vha e muano wa Munazaretha. Huno musi musadzi a tshi ḥunya mavhudzi awe, ene—ene u hana muano wa Munazaretha wawe lwo fhelelaho wa uri ndi ene Muselwa kha Kristo. Ngauri, henefho, itsho tshithu tshithihi, u tshinya Tshifanyiso tshothe. Nga ndila i re yone! Ene *Munazaretha* ndi “uyo o ḫinekedzelaho kha ndivho.” Naa izwo ndi zwone? Simisoni o vha o ḫinekedzelwa kha tshikhathi na kha ndivho, ngauralo-ha o vha e na mavhudzi malapfu. Musadzi a re ḥiwana wa Mudzimu, u litsha mavhudzi awe a tshi aluwa, u sumbedza uri o ḫinekedzelwa kha Ipfi la Mudzimu.

¹⁴⁷ Arali a a ḥunya, a thi londi uri u dantsa zwingafhani, u a imba, u kha khwairi, u amba nga dzindimi, u gidima n̄ha na fhasi, kana u na tshaka dzothe dza madzangano a thuso, o fa. Iyo ndi U RALO MURENA, Ipfi la Mudzimu. Vhakorinta Ya U Thoma 14. Iina. O hana muano wa Munazaretha wawe huno a rengiselwa mudzimu wa itshi tshikhathi tsha musalauno. U a zwi ita. Zwino, shonee, mufumakadzi, kana musadzi!

¹⁴⁸ Vharei vha vhukuma vha vharwa vha Mudzimu, vhunga zwe zwa vha zwi zwone. Vhunga Yesu o amba, “Sa zwe zwa vha zwi zwone mađuvhani a Noaxe, vhasadzi vhe vhavhuđi, nahone vharwa vha Mudzimu vha tshi thoma u mala vhukati havho, zwi do ralo musi Murwa-muthu a tshi vhuya.” Huno mudzimu wavho u elekanya uri ndi khulwane, huno ya lunako, huno ya saints, ndivho; fesheni ya Hollywood, yo itelwaho tshitaela vhengeleni la ene munę, ngoho, izwi zwethe hafha zwi sumbedzaho nyanyuwo na zwihi, ni a ḫivha.

¹⁴⁹ Huno tshone, tshivhidzo tshawe, tshi a zwi funa fhedzi! Yawee, n̄nenne! “Ndi do ni nea u pfectesa, ndi n̄ne Mumethodisi.

Ndi nne Mupuresbiterieni. Mufunzi washu u na ṭhalukanyo ya khwine u fhira u amba tshithu tsha u ralo.” Ha na ṭhalukanyo yo edanaho ya u amba zwithu zwine Mudzimu a amba nga itsho tshifhinga. Ni a vhona?

¹⁵⁰ Thone, tshivhidzo, tshi a mu luvha fhedzi. Tshi a mu funa. U tou vha we tsha ṭoda! Tshi nga si vhe murado wa tshithu, mukomana, kana tsha dzhena ngomu ha tshithu tshi tea u difara vhunga tshiñwe tshithu tsho fhambanaho na zwine avha Vhojesebele vha musalauno vha vha zwone, ngauri iyo ndi mvelo i re khatsho.

Naa ni nga vha hani iñwe mvelo-vho . . . “Ndi nnyi ane a humbula uri a nga engedza nga khubiti nthihi kha tshiimo tshawe?” Arali no bebelwa u vha mulapfu nga fithi thanu, ni nga si vhe fithi dza rathi. Oo, iina, vhunga “mutshini wa u tharamudza” wa Booth-Clibborn.

¹⁵¹ Zwenezwo thetshelesani, munna, vhoiñwi tshivhalonyana tsha vhorikisi! Arali no bebelwa u vha munna, zwenezwo difareni sa munna. Haya mavhudzi o geriwaho a tshi khou nembelela tshifhauwoni tshanu, huno o songa vhunga khumbelo ya vhudzekani, mulandu, inwi murafho wo shandeaho wa dziñowa! Naa thaidzo ndi mini nga ha vhoiñwi, naho zwo ralo?

Mudzimu wanga u do ḥatula ulu lushaka nga liñwe ḫuvha nga mulilo. U do lu nupedza fhasi ha danzhe. Awara ya khathulo Yawe yo sendela. Shango loþhe li do ḫuwa.

¹⁵² U shandea lwa vhurereli! U shandea ha vhathu; vhanna a vha ñivhi na uri ndi vha mbeu-de, vhasadzi na vhone. U a ima o ambara phere ya maovarolo a munna, kana phere ya shothi ḫukhu dza kale, zwiñbaro zwine zwa . . . u tshimbila hawe huñwe na huñwe na tshivhumbeo tsha muvhili wawe, huno a divhidza Mukriste. Nahone a si mufumakadzi, ri sa ambi Mukriste. Ndi ene murengisamuvhili wa tshiñarañani a shumiswaho nga Sathane, o ḫuñwedzwaho nga Sathane, u rumela vharwa vha Mudzimu vhudzulavhafu, u khunyeledza Ipfi le Yesu Kristo a amba uri li do itea. Ndo vha ndi sa khou ḫoda u amba hezwo, fhedzi O zwi amba, naho zwo ralo. Ni a vhona hune uyu maya wa bva hone? Muri wo vangwaho.

¹⁵³ Ni ri, “Naa ho khakheani nga ha izwo zwiñeke,” kana zwiñwe na zwiñwe zwine vha zwi vhidza zwone, “zwiñukumedzi zwa ḫirapa?” kana zwezwo zwine zwa vha zwone.

Bivhili yo amba, zwauri, “Musadzi muñwe na muñwe-vho a no do ambara tshiambaro tsho teaho munna, ndi vhuñudzi mañoni a Mudzimu.” Iyo ndi I RALO BIVHILI.

Huno musadzi a no do ḫunya mavhudzi awe, u nyadzisa thoho yawe. Huno nahone a zwi . . . Ndi tshithu tshivhi kha musadzi u ita thabelo e na mavhudzi mapfufhi, Bivhili yo amba ngauralo, u rabela vhatuni ḫoho yawe i songo khurumelwa. Huno awe . . .

Oo, inwi ni ri, “Ndi ambara muñadzi.”

¹⁵⁴ Inwi muhoi, ni funza avho vhasadzi zwithu zwo raloho zwi no nga hezwo! Ngeno, Bivhili yo ri, “Mavhudzi awe o newa one uri a vhe tshikhurumelo,” hu si muñwe muñadzi wo itwaho nga muthu. Izwo ndi zwe Bivhili ya amba. A thi na vhudifhinduleli; nne ndi na vhudifhinduleli ha u amba Ngoho fhedzi. Ni songo vha a sa fhulufhedzei, vhunga Bivhili yo amba, “U shumisa Ipfi la Mudzimu nga vhufhura,” u—u lugisa kana—kana u wana tshe tshivhalonyana tsha vhorketa tsha humbelia.

¹⁵⁵ Ndi na ipfi *vhuwhi* hafha. Ndi na “Elvis” lo ñwaliwaho phasi madzuloni a *vhuwhi*. Lothe li malugana na zwi fanaho. Ipfi *Elvis* li amba “tshimange,” huno ipfi *Ricky* li amba “mbevha.” Musi inwi ni tshi ri “Ricky muñuku,” ni amba, “mbevha ñukhu.” Zwine na mu vhidza zwone, izwo ndi zwine a vha zwone. Nwana wanu o rinwa lenelo, li shandukiseni nga u ñavhanya, u itela Mafhungo-madifha. Ni songo rina ñwana . . .

Inwi na kathihi a ni athu pfa madzina o raloho murahu Bivhilini, kana kha tshinwe tshikhathi-vho. Ndi tshikhathi, dzina la itshi tshikhathi. He ha vha hu na mbevha dzo shandeaho na zwimange, ndi henefho.

¹⁵⁶ Izwi zweþhe . . .? . . . disi-dzhoki dza dolara dza milioni, na avha vhana vha tshi khou tshimbila ngeno nn̄da, a vha koni na u ya ngei—ngei tshikoloni hu si na tshithu tsho pangiwaho n̄devheni, na radio ya transista ñukhu ya kale tshikwamani tshavho, hu tshi tou vha, “boom-de-boom.”

Oo, vha a ða ngei nduni, huno ra ita . . . Avho vhanna vha tshi khou lingeda u pennda nn̄du yanga henengei ñtha. Rine ra ri, “Bvisani itsho tshithu hafha. Arali ni sa koni u shuma ni si na itsho, zwenezwo litshani mushumo. Zwi nnyita a re na mazhuluzhulu nga maanda lune a thi koni na u ima u mona hafha. Ro kumedza fhethu fhano kha Mudzimu. A ri ñodi ulwo lushaka lwa vhuñafuñafu ha boogie-woogie ha aya maðuvha a u fhedzisela u mona hafha.” Nda ri, “I dzimeni kana ni litshe mushumo!”

¹⁵⁷ Dzhielani nzhele, wa vhurereli, naho, oo, ngoho, u ya henefho tshivhidzoni huno a ima guðani, e na u thetshelesa boogie-woogie.

¹⁵⁸ Nahone, dzhielani nzhele, Muselwa-Ipfi wa Kristo u khou ya ñtha, na ene. Vhunga ri tshi vhona hune mulwanakristo a khou ya, a tshi thoma ngei murahu huno zwino a tshi khou da thohoni; khoro ya u vhuedzanya i ðo mu vhea ñhoho ya vhuhuweleli. Huno Tshivhidzo tshituku tsho ñaho, na tshone, Muselwa-Ipfi wa Kristo u tsa phasi kha tshikhathi, tshi khou ða kha ñhoho, ngauri U khou yo dovha u ñangana na ñhama Yawe. Tshifhinga tshoþhe, u tou fana na tshivhidzo na tshinwe na tshinwe-vho, U tea u ñangana. Goroi, tshinwe na tshinwe-vho, tshi a ða henefho murahu kha ñhoho yatsho

he tsha thoma hone; vhunga Kaini na Abele. Muselwa-Ipfi u khou ya n̄ha kha Muthu wa Ipfi la Mudzimu lo vhonadzwaho kha itshi tshikhathi tshivhi tshine ra khou tshila khatsho. Ni a vhona n̄ha hune a khou ya?

¹⁵⁹ Huno Sathane u do dzhia muselwa o ḥalifhaho wawe hu si kale huno a ḥulisa uyu muhulwane, ane a vha mulwanakristo, sisteme ya zwiimo, huno a mu dzudza kha khuluṇoni, “huno shango lothe li do mu mangala.”

Huno zwenezwo Kristo u do da. Huno vhavhili vha nga si kone u tshila nga tshifhinga tshithihi. Huno muvhuso wawe u do dzhiwa; ene u do tshinyadziwa.

Huno Kristo, Ipfi la Mudzimu... Zwine, musadzi ndi tshipida tsha muvhili wa munna. A vha vhavhili; vha muthihi. Huno Muselwa, Tshivhidzo, Ipfi, “vhathu vho vhidzelwaho nn̄da vha tshi bva afha na afho, u itela Dzina Lawe,” vha do tangana kha Muvhili wa Yesu Kristo.

Huno muvhuso wa mulwanakristo u do dzhiwa huno wa tshinyadziwa. Huno Kristo u do dzhia khuluṇoni, huno a dzula kha khuluṇoni ya khotsi Awe Dafita, huno a vhusa kha lifhasi lwa miwaha ya tshigidi; zwenezwo a nekedza Tshivhidzo kha Mudzimu, “tshi si na badzi na tshilavhi.” Ee!

¹⁶⁰ Zwino dzhielani nzhele mavhudzi awe malapfu, muano wa Munazaretha kha Ipfi. Ndi do nea tshifanyiso tsha Muselwa wa Kristo zwino. Ri vha na tshifanyiso tsha mulwanakristo, hune a vha hone, wa vhurereli na tshinwe na tshinwe, saints. Zwino Muselwa wa Kristo muṭuku a dītukufhadzaho u tou tenda fhedzi Ipfi, onoyo ane A vha ene. Ndi vhathe. Ndi a fhulufhela na u fulufhela uri hu na vhanzhi vha re hone vho dzulaho, vhanzhi vha no khou thetshelesa nga ngomu. Huno ndi a fhulufhela uri nne mune, na muñwe na muñwe wa vhoiñwi nothe, ri tshipida tsha uyo Muselwa. Ndi a fhulufhela uri vhanzhi. Huno, zwi do ralo, vhothe vho telwaho kha hezwo vha do vha zwezwo, ngauri ndi mvelo yavho. Vha a vhona. Ipfi li koni fhedzi u limuwa Ipfi. A li koni u limuwa dinomineisheni kana u shandea. Li divha zwa khwine; Ndi Ipfi. Ni a vhona? A li koni u limuwa tshithu...

Goroi i nga si vhe tshinwe tshithu nga nn̄da ha goroi. Yo thoma, i goroi; i do ya n̄ha, i goroi. Huno tshene na kathihi i nga si vhe goroi, naho zwo ralo i sheledzwa nga ndodzo i fanaho. Ni a vhona? Fhedzi a si goroi. Vhunga ndo amba nga liñwe duvha, nga ha muri u na matavhi o fhambanaho khawo.

¹⁶¹ Mavhudzi awe malapfu, muano wa Munazaretha, u sumbedza uri O anela Mudzimu. Gaweni lawe lo nakaho la Ipfi Lawe lo fulufhedzisewaho tshikhathi tshine A khou tshila khatsho, O putelwaho ngalo, a tshi khou Mu khwathisedza na Ene muñe, wa Vhaheberu 13:8, “Yesu Kristo a sa shanduki mulovha, namusi, na lini na lini.” Vhunga, Ene e tshipida tsha Muhwe Ipfi, wa ngoho Khae kha tshinwe na tshinwe.

¹⁶² Zwino sedzani. Arali musadzi a bvela nnda hafha huno o maliwa nga munna, huno a bvela nnda huno à ita zwa lufuno na muïwe munna huno a vha na mafhungo nae, huno a vhuya murahu kha munna wawe, u tea u mu rahela nnda. Naa ndi zwone? U fanela u vha wa ngoho khae, ngauri o mu anela.

Huno Muselwa wa Kristo o anela Kristo; nahone Ndi ene Ipfi.

Hu songo vha na u sinyedza kha linwe sia, musadzi a songo vhuya a sinyedza muïwe munna. Ha tei u ita zwiga, hu si vhe na madipfele na luthihi khae, ngauri ene ndi muselwa o fhelelaho kha muhwe muthihi.

¹⁶³ Rine a ri todì na muthihi wa miri yo vangwaho yanu, dinomineisheni dzañu. Ivhani wa ngoho kha Kristo, Ipfi. U ño Li khwathisedza u vha la ngoho. Hai, mune wanga, hu songo vha na linwe lidipfele-vho la tshinwe tshitihu tshi no yela kha u ita zwa lufuno khae, a songo vha murado wa zwimo zwawe kana tshinwe tshitihu-vho, kana na mu tendela u ni kuvhatedza kana u vha kha ndondolo yawe, kana—kana u amba na inwi nga hangeno kha *iyi* ndila, *iyo* ndila.

Inwi thetshellesani Ipfi lithihi fhedzi. “Nngu Dzanga dzi ñivha Ipfi Langa. Mutsinda a dzi nga...” Naa Ipfi Lawe ndi mini? Ipfi la munna muïwe na muïwe-vho ndi ipfi Lawe. Huno iyi ndi Lone, Bivhili, hu si na ipfi na lithihi li no engedzwa Khaþo kana u þuswa Khaþo. Itonu dzula heneþho na ilo Ipfi. “Mutsinda a dzi nga mu tevheli,” dinomineisheni.

¹⁶⁴ Vhunga, Ene e tshipida tsha Muhwe, a re wa ngoho Khae kha tshinwe na tshinwe, o lindela Mutshato. U tangana, hu si kha khoro ya u vhuedzanya; fhedzi lutomboni, kha Tshilalelo tsha Mutshato. O newa...Iyi ndi ya tshivhidzo tsha rine vhane. Yone...O newa, nahone O dzumbulelwa, zwiphiri zwa Pfundo-la-Vhusumbe la Bivhili. Ni a vhona? U vhona u shaya maano a mufhuri, a re tsini nga maanda na Ngoho, ane kaþukuþuku a þodou fhura Vhanangiwa. Ene u a zwi vhona. Ene...

¹⁶⁵ Ni a vhona mimuya miyhili i hanedzanaho i tshi shuma kha itsi tshikhathi tshivhi? Ni a kona u i vhona? Muïwe na muïwe ndi wa vhurereli nga maanda, Kaini na Abele, mimuya hafhu i tshi da kha þohoh dzayo, zwi kha di fana na musi i tshi thoma. Muïwe, u luvha nga lunako, na nga ndivho, na nga pfunzo, na nga saints, na nga milayo ya mikhwa. Huno uyo Muïwe, nga lutendo lwa nzumbululo ya Ipfi la Mudzimu. Vhuvhili havho vho ima heneþha ngomu tshifhaþoni itsi matsheloni ano. Izwo ndi zwone.

¹⁶⁶ Nzumbululo, kana lutendo, kha Ipfi Lawe, a lu iti mbilo dza ndivho; Mukriste wa vhukuma, wa ngoho.

Vha ri, “Naa ni na—ni na digirii ya vhudokotela?”

Ha iti dzimbilo. “Ndi—ndi tenda Ipfi Lawe.” Ni a vhona? Ha iti dziïwe mbilo-vho. Ha ðidzhii o funzea. A si wa inwe

dinomineisheni-vho, tshińwe tshigwada-vho, vhuńwe vhukheluwi-vho. Ndi wa Kristo. Ndi Mufumakadzi Wawe; hu si mufumakadzi wa tshivhidzo.

Ndi murengisamuvhili. Bivhili yo ri ndi "phombwe," nahone, "MME A DZIPHOMBWE," huno vhothe vha a da fhethu huthihi huno vha ita phombwe yeneyo nthihi. Huno ulwo lushaka lwa musadzi ndi musadzi ane a sa vhe wa ngoho kha Munna wawe; huno u dzhia Kristo sa munna wawe, huno e wa dinomineisheni. Vhuṭafuṭafu ho raloho! Ri vha Kristo.

¹⁶⁷ Fhedzi, nga u thetshelesa, uyu Musadzi muṭuku wa lutendo, a no tshila nga lutendo, Muselwa; muthu *hafha*, *henefho*; *hafha*, o ya huńwe fhethu-vho, tshińwe tshivhidzo, ińwe dinomineisheni, tshińwe na tshińwe tshire tsha vha tshore, kha tshińwe tshi si... U tenda Ipfi la Mudzimu, u a thetshelesa, o lindela nga lufuno, uri pfufuhedzo ya tshikhathi i khwathisedzwe. O zwi sedzesza. Ndi tshipida tsha ilo Ipfi, nahone O sedzesza vhutshilo Hawe uri vhu vhonadze ilo Ipfi.

Vharathu, a ni koni u zwi vhona izwo? Ndi fhulufhela uri izwo a zwe ngo da nga nńha haṇu.

Muvhili wo lindela (une wa vha Ipfi), wo lindela Vhutshilo (vhune ha vha Muya) u li khwathisedza kana u Li ita uri li tshile. Izwo ndi zwe A lindela zwone. A hu na vhuńwe vhutshilo vhu no do shuma Khae. A nga si kone u da kha vhutshilo nga ińwe ndila-vho. Naho zwe ralo, U a zwi pfa ngei nnda, huno U a zwi ḋivha uri zwi khou yo bvelela; zwenezwo hafha zwi a bvelela, zwenezwo U a karuwa. Mudzimu o ri, "Kha hu vhe," huno A bvelela vhunga wa u thoma o bvelela.

¹⁶⁸ "Vhana vha u sa thetshelesa" zwi amba u thetshelesa... *U sa thetshelesa* zwi amba "mvutshelano." Ndo li sedza ilo kha thalusamaipfi, uri ndi vhe na ngoho. Mvutshelano, u vutshela (mini?) Ipfi la Mudzimu lo dzumbululwaho. Vhunga Kaini o dzumbulula... o vutshela nzumbululo yo dzumbululwaho ya Abele, yo khwathisedzwaho nga Mudzimu uri yo vha i yo lugaho. Huno Kaini o i vutshela, huno a vhulaha murathu wawe.

Vhafarisei, na ndivho ya dinomineisheni ya vhone vhané ya zwe Ipfi la Mudzimu la vha li zwone, vha khetha munna nga vhulondi, vha vutshela Ipfi la Mudzimu lo khwathisedzwaho lo vhonadzelwaho duvha, Yesu Kristo, huno vha Mu vhulaha. Izwo ndi zwone?

Izwo ndi zwine "vhana vha u sa thetshelesa" vha vha zwone, mvutshelano kha Ipfi la Mudzimu.

Zwino ni a vhona hune vha vha hone? "Oo, maduvha a madembe o fhira. Yesu Kristo ha tsha vha a sa shanduki. A hu na tshithu tsho raloho tshi no nga ndovhedzo ya Muya Mukhethwa. Zwothe izwo zwithu ndi vhuṭafuṭafu!" Ni a vhona, mvutshelano! A vha tei u amba zwithu zwivhili; vha tea u tou amba tshithihi, ndi zwenezwo fhedzi. Iyo ndi

mvutshelano, henehafho. Vha nga si kone uri inwi a ni na maṭo, inwi a ni na dzind̄evhe; inwi ni tea u dzhia muvhili wothe, Ipfi lōthe. Ni a vhona?

Muya Mukhethwa u a vhidza, “Ibvani khalo, ni songo vha na vhuhura na dogima ya dinomineisheni yalo,” musi a tshi sea na u goda Ipfi la Mudzimu la lino ḫuvha.

“Ngauri Mudzimu ha hoiwi,” itonu elelwa. U do zwi wana. Ni songo vhilaela. U do zwi wana. Bivhili, kha Vhaefesa 4:30, arali iyo ni tshi ḫoda u i nwala fhasi, Vhaefesa 4:30, yo amba. “Mudzimu ha hoiwi. Tshine muthu a zwala, itsho u do tshi kana.” Vha nga di hoyo huno vha tambo ngazwo, huno vha amba izwi zwithu, huno vha bvela phanda nazwo. “Vhunga tshinnkwa n̄ha ha mađi, zwi do vhuna.”

¹⁶⁹ Ndi muselwa wa diabolo, o putelwaho nga ndivho yawe ya vhurereli, i funaho tshivhi ya itshi tshikhathi tshivhi tsha zwino, u ni fhura. Yawee, nn̄en̄ne! Tshigwada tshiṭuku tshothe tsho ḫikhethaho kana dinomineisheni ya mimuya i xedzaho, nga ndivho ya saints na vhutshilotshedza ha musalauno! Tshi tshi ḫidzhia uri . . .

Ri khou yo vala nga miniti i si gathi. Ndi khou yo tea u ima, ngauri ndi nga si kone u u fhedza wothe, ni a vhona.

U ḫidzhia uri u khou ni fhaṭela shango lihulwane la uri inwi ni dzule khalo. U ḫidzhia, urī, kha vhutshilotshedza hawe, o fhaṭa kereke dzavhuđi, dzikholidzhi, zwikolo, zwibadela, dzilaiburari, na thuso ya muthu ya tshifhinganyana, hu si na Ipfi la Mudzimu. O zwi ita. O sumbedza uri u do kona u zwi ita. Huno vhathu vho kungiwa ngazwo; ee, muñe wanga; zwikolo, dzidinomineisheni, mvelele, vhathu vho ambaraho nga ndila ya khwine, vhathu vha kanzwiwaho nga ndila ya khwine.

Ndi nga ḫamba nda vha kha muduba wa tshinnkwa, huno nda vha o lugisaho na Mudzimu; u fhira u vha na khuhu yo kadzingiwaho kararu nga ḫuvha, huno nda tea u vha wa murengisamuvhili wa u ralo.

¹⁷⁰ Elelwani, awara i tsini yo sendela musi luswayo lu tshi do da. Ni do vha ngomu halwo kana nga nn̄da halwo. Lu do da vhunga mbava vhusiku. Lu do ni fasha henefho ngomu afho, huno ni henefho. A hu na u bvela nn̄da halwo nga itsho tshifhinga; inwi no no lu dzhia. Ibvani!

Muruñwa o tsa a tshi bva Ṭadulu, e na tshifhaṭuwo tshihulwane tshi penyaho, huno a vhidzelela kha vhathu. O dzinginyisa lihfasi. “Ibvani Babele, ngauri lo wa. Ni songo vha na vhuhura kha mabulayo aļo, vhathu Vhang!” Bvelani nn̄da halo. Bvelani nn̄da! Naa a ro ngo zwi vhala kha Ipfi, tshifhinganyana tsho fhiraho? Muruñwa ndi “muđinda,” ni a vhona, a tshi tsa. Dzhielani nzhele Muya Mukhethwa, “Ibvani khalo, uri ni songo vha na vhuhura.”

¹⁷¹ Zwino lo fhaṭa izwi zwithu zweṭhe. Lo fhaṭa dzikereke khulwane. Lo fhaṭa kholidzhi, zwikolo, li tshi dzhia vhathu huno li tshi vha funzela ngomu ha ha khwi—khwine, vhu no sokou vhidzwa, vhutshilotshedza. Huno vho vha funza nga vhutshilotshedza ha musalauno he ha vha dzenisa ngomu tshikimuni tsha lufu, nga ndivho, kule na Mudzimu na Ipfi Lawe.

Naa a ni vhoni tshikimu tshoṭhe? Naa ni a tshi vhona itsho, tshivhidzo? [Tshivhidzo tshi ri, “Amene.”—Mudz.] Ndānuyani, arali ni tshi zwi vhona kha zshivhidzo zwa vhoiñwi vhañwe ngeyo ndā, i ri ni “amene,” vhañwe vhoṭhe vha do ñivha he na ima hone. Ni a vhona?

Lo zwi ita. Lo... Ndi mudzimu wa ili lifhasi, huno lo fhaṭa dzikholidzhi. Lo fhaṭa dziyunivesithi. Lo fhaṭa zwibadela. Lo fhaṭa dzilaiburari. Lo fhaṭa izwi zwithu zweṭhe u itela thuso ya muthu ya tshifhinganyana, yo eðanaho fhedzi u vha fhura, u pambuwa kha ilo Ipfi. Huno lo vha isa kha mini? Tshivhidzo tshoṭhe tsha shango tsho mbwandamedzwa ngomu lufuni, ngauri Mudzimu o amba zwauri U do fhisia phombwe, na vhana vhayo, nga mulilo wa lini na lini.

Ibvani khaþo, vhathu! Ni songo fashiwa ngomu henefho. Inwi ni þutshele kule ha itsho tshithu nga u þavhanya u ya nga hune na kona!

Nga ndivho yaþo ya saints, lo kona u ita hezwi, zwino dzhielani nzhele, hu si na Ipfi la Mudzimu.

¹⁷² Mudzimu na kathihi ho ngo ri tela u bva huno ra vha na zwikolo. Ho ngo ralo na kathihi. Ho ngo ri vhudza u fhaṭa zwibadela na kathihi. Ndi zwavhuði. Ho ngo ri vhudza u fhaṭa dzilaiburari na kathihi. Hai, muñe wanga. Ho ngo ralo na kathihi.

O ri, “Rerani Mafhungo-madifha.” Huno, Mafhungo-madifha, a khou vhonadza, a khou sumbedza maanda a Muya Mukhethwa.

Paulo o ri, “Mafhungo-madifha o ða kha riñe, hu si nga ipfi fhedzi, fhedzi nga u vhonadza na tsumbedzo dza Muya Mukhethwa.” Paulo o ri, “Na kathihi a thi ði kha inwi nga maipfi mahulwane a vhuṭali nga muñwe dokotela wa zwiñwe-vho, fhedzi ndi ða kha inwi nga maanda na tsumbedzo ya Muya Mukhethwa; uri lutendo lwaþu lu sa vhe kha vhuṭali kana ndivho ya vhanna vha lino shango, fhedzi nga maanda a mvuwo ya Yesu Kristo; ngauri U a tshila, a sa shanduki mulovha, ñamusi, na lini na lini.” Mudzimu ri thuse u tenda zwenezwo zwithihi, huno Mudzimu u khwathisedza zwenezwo zwithihi vhunga O vha a tshi khou ita.

¹⁷³ U ni thivhela u vhona nzumbululo ya ngoho na lutendo lwa Ipfi la Mudzimu lu tshi dzumbululwa na u khwathisedzwa ñamusi, nga zwikolo zwawe, dzilaiburari, litheretsha, zwibadela, na zwiñwe-vho. Ni a vhona? U ni thivhela

khazwo. U khou ṭalutshedza zwino, vhunga o ita kha Farao, a tshi khou lingedza u ni thivhela u vhona ṭhaluso ya Ipfi lo khwathisedzwaho ḥa tshikhathi tsho fulufhedziswaho Tshawe kha Tshedza tsha nga madekwana, tsho khwathisedzwa nahone tsha sumbedzwa. O lingedza, nga ndivho yawe, na zwikolo, na vhathu vho funzeaho nga ndila ya khwine, na milayo ya mikhwa yavhuđi, na zwińwe-vho, u ni thivhela u vhona Heļo.

Tshińwe na tshińwe, uri ni songo sedza Heļo huno na vhona uri ndi Yesu Kristo! Naa ni zwi ḫivha hani uri ndi Yesu Kristo? Ndi ene Ipfi, nahone Ndi ene Ipfi ḥa itshi tshikhathi. Huno itshi tshikhathi, ho ambiwa uri izwi zwi do itea kha itshi tshikhathi, huno hafha zwi khou bvelela. Ni a vhona? Ni a vhona? U khou lingedza zwawe zwa khwinresa u ni thivhela u vhona Heļo.

U do nambatedza lińwe dzina-vho lo tshikafhalaho Khaļo ḫine a kona. Ni a vhona? U do Li vhidza “vhavhumbuluwi-vhakhethwa” na tshińwe na tshińwe-vho. O vhidza Yesu “Belesebulu.” “Huno vha vhidza Muņe wa nndu Belesebulu, naa ndi zwingafhani zwo engedzeaho zwine vha khou yo vhidza vhafunziwa?” Ni a vhona?

¹⁷⁴ Ni a vhona, a tshi khou lingedza u ni thivhela u vhona ṭhaluso ya vhukuma ya Ipfi. Hu si zwine... Ni a vhona, u khou Li ṭalutshedza, a tshi ri Li amba *itshi*.

Mudzimu o amba, “Ndo fulufhedzisa uri mađuvhani a u fhedzisela Ndi do ni rumela Maleaxi 4.” A zwi tei u ṭalutshedzwa; O zwi ita. O ri, “Huno sa zwe zwa vha zwi zwone mađuvhani a Loto, shango li do vha li kha nyimele ya Sodoma; huno nga itsho tshifhinga, Ndi do dzumbulula Murwa-muthu ngatsho, kokotolo.” Riņe ri na tshaka dzothe dza u edzisela na tshińwe na tshińwe-vho, tshazwo, fhedzi ri na Uyo wa vhukuma, na riņe-vho. Ni a vhona? O amba zwauri U do zwi ita.

O ri mulwanakristo u do takuwa huno kaṭukutuku a fhura Vhanangiwa arali zwo vha zwi tshi konadzea. Fhedzi ha pfi, “Vha litsheni vhe vhothe. Vha litsheni vha bvele phanda. U shaya maano havho hu do wanuluswa.” Ndi ngani? Mulingo wa Ipfi u a zwi sumbedza. Ni a vhona?

Musi zwi tshi da kha ilo Ipfi, “Izwo zwo vha zwi zwa ngei murahu nga *iyi* ndila, *iyo*? Oo, a thi tendi kha mbeu ya nowa. A thi tendi kha *itshi*, *itsho*, na *tshińwe*.” A zwo ngo dzumbululwa na kathihi, ni a vhona, hai, na kathihi. Oo, mukomana, itonu sedza he...

Ri khou yo tea u vala, ngauri ndi awara ya fumimbili n̄ha ha tshithoma.

¹⁷⁵ Dzhielani nzhele, u khou lingedza u ni thivhela u vhona ṭhaluso ya Ipfi ḥa itshi tshikhathi, ya Tshedza tsha nga madekwana tshi tshi ṭalutshedzwa. Ndi... Naa zwi ambani? Ndi tshifhinga tsha uri mupfuluwo wo sendela, Mudzimu u khou ḫela Ene, sa zwi re na ngoho sa shango. Ni a vhona?

¹⁷⁶ Zwino ndi todou ni vhudzisa mbudziso. Musi, hu awara ya fumimbili nt̄ha ha tshithoma zwino, nga murahu ha miniti miyanu; huno ri do bvela phanda, madekwana a namusi. Naa ni a vhona mudzimu wa itshi tshikhathi? [Tshivhidzo tshi ri, “Amene.”—Mudz.] Naa ni a zwi tenda? [“Amene.”] Ni a vhona uri, ndi tshivhidzo, tsha u ḥalifha hani, saints!

Shango lothe ndi latsho, ni a vhona, dzidinomineisheni. Huno, inwi ni ri, “Nne ndi Mukriste.” “Naa ni wa dinomineisheni-de?” Zwo ralo, arali ndo vha wa dinomineisheni, a thi tendi uri ndo vha ndi tshi do vha Mukriste. Zwino, ilo ndi ipfi l̄ihulu, fhedzi izwo ndi zwone.

Ndi kha di bvou fhedza u amba zwauri iyo ndivho na saints, na Vhukriste, a zwi na vhuṭama na luthihi. Tshiñwe ndi tsha diabolo, huno tshiñwe ndi tsha Mudzimu. Tshiñwe na tshiñwe tshi no hana Ipfi la Mudzimu, tutshelani kule hatsho. Ni a vhona? Hai, muñe wanga. Bivhili i a vhidza, kha aya mađuvha a u fhedzisela, Vhakriste uri vha bve kha uyo murengisamuvhili, uyo ndi muri wa vhuđi na vhuvhi.

¹⁷⁷ Ngoho, u na vhudi. Naa muñwe muthu a nga amba vhuvhi nga ha sibadela? Hai, muñe wanga. Laiburari? Hai, muñe wanga. Pfunzo? Hai, muñe wanga. Fhedzi, ni a vhona, vha khou vha nea izwo hu si na Ipfi. Ni a vhona uri zwi fhura hani? Vha tshi newa tshivhidzo tshine vha nga ya khatsho, nduvho u luvha, “mudzimu o dzulaho kha khuluñoni.” Bivhili yo zwi bvumba.

¹⁷⁸ Zwino inwi ni wa muñwe wa iyo mivhili. Hu na mivhili fhedzi yayo l̄ifhasini zwino, tshifhinga tshothe yo vha nga u ralo, huno i do vha nga u ralo u swika Yesu a tshi da, huno muñwe wayo u do tshinyadzwa. Zwino inwi ni wa muñwe wa iyo mivhili. Muñwe wayo, no vha murado wawo; muñwe, ni bebelwa Khawo. Ni a vhona?

Muñwe wayo, inwi ni tshipida tshawo ngauri ni bebelwa ngomu Hawo. Ni tea u vha tshipida Tshawo. Naa ndi nga hana uri ndi na tshanda? Hu si zwo engedzeaho u fhira uri ndi nga hana l̄iñwe-who Ipfi la Mudzimu, arali ndi tshipida tsha Mudzimu. Nne ndi tshipida tsha William Branham; nne ndi nga zwipida, huno tshipida tshiñwe na tshiñwe ndi tshipida tshanga. Huno Ipfi la Mudzimu l̄iñwe na l̄iñwe li tea u fanela maya wanga, li tea u fanela mbilu yanga, li tea u fanela u tshila hanga, Li tea u fanela mihumbulu yanga. Arali mihumbulu yanga yo fhambana na Helo, zwenezwo Muya wa Mudzimu a u dzuli kha nne. Izwo ndi zwone. U nga si hane Ipfi l̄ithihi Lawo.

¹⁷⁹ Inwi ni wa muñwe wa iyo mivhili. Hu tea u vha nga u ralo, zwi tou tea u vha nga u ralo. Ndi Muvhili wa Mudzimu, une wa vha nga Ipfi; kana muvhili wa Sañthane, nga tshivhidzo. Huno shango lothe li do tea u vha la tshiñwe tshivhidzo; li luvha muñwe mudzimu. Inwi ni tea u luvha mudzimu wa ndivho, ni fulufhedza

zwine na zwi pfa nga ndivho, ni fulufhedza *itshi*, kana *itsho*, kana *tshinwe*; kana ni fufulufhedza Ipfia la Mudzimu, nga lutendo, no Mu sedzesu uri a Li khwaθhise nahone A li ite la ngoho.

Tshivhidzo tsha Mudzimu tsha vhukuma tshi
khou sedzesu u da ha ilo duvha la dakalo la
Nwahagidi,

Musi Murena o fhaqutshedzwaho washu a tshi
do da huno a zhuvhula Muselwa Wawe;

Oo, mbilu yanga yo dala u takulelwa ḥadulu
ndi tshi shuma, u fhaqutwa na u rabela,

Ngauri Murena washu u khou vhuya kha
lifhasi hafhu.

Oo, Murena washu u khou vhuya kha lifhasi
hafhu,

Saθhane u do vhoxwa lwa minwaha
ya tshigidi, ri nga si vhe na mulingi
tshifhingani itsho,

Nga murahu ha musi Yesu a tshi do vhuya
kha lifhasi hafhu.

¹⁸⁰ Oo, vhathu vha ili United States, hune uyu Mulaedza wa khou ya zwino, shavhani nga maanda u ya nga hune na kona iyi ndivho, tshikhathi tsha saints tshire ra khou tshila khatsho. Shavhelani kha Ipfia la Mudzimu!

Inwi, nne, a hu na ane a nga kona—kona, u Li dīvha. A hu na ane a nga kona u Li sumbedza. Mudzimu u ita u sumbedza Ha Ene muñe. A hu na ane a vha na pfanelo ya u Li talutshedza; nne, a hu na muñwe munna a re na pfanelo. Mudzimu u ita u talutshedza Ha Ene muñe. O ita pfulufhedziso. O amba uri U do ita izwi mađuvhani a u fhedzisela.

Huno mađuvhani a u fhedzisela mudzimu wa itshi tshikhathi tshivhi u do pofudza mađo a vhathu, nga ndivho ya u ḥalifha yawe, kha muri wo vangwaho wa vhudi na vhuvhi, a tshi kha di u nea vhathu. Huno hafha hu da, itsho tshithu tshi tshi khou ya ntha, iyo dinomineisheni u bva ngei kule murahu kha Zwickhathi zwa Swiswi, na musi Zwickhathi zwa Swiswi zwi sa athu da, zweθe zwi tshi khou ya ntha kha munna wa nthesa, Saθhane, we a ri, “Ndi do dihulisa nda fhira vharwa vha Mudzimu, huno vha do nthetshelesa.” “Huno ene sa Mudzimu u do dzula thembeleni ya Mudzimu, huno vharwa vha Mudzimu vha do kungiwa ngazwo.”

¹⁸¹ Mulandu, murwa wa Mudzimu, u ri, “Zwo luga, mufumakadzi wanga, ha zwone; ndi ene wavhudzi...” Iyani phanda, itonu ya phanda. Ni a vhona?

Inwi ni ri, “Zwo luga, O ri ‘vharwa vha Mudzimu.’” Ee, muñe wanga.

Munna, onoyo ane a vha ene, o itwa nga tshifanyiso tsha Mudzimu, u itela vhugala ha Mudzimu. Huno musadzi ndi

tshiṭungulwa tsha munna, hu si tsha Mudzimu. Ndi zwone. “Musi vharwa vha Mudzimu vha tshi vhona vhananyana vha vhathu vhe vhavhudi, vha ḥidzhiela vhasadzi.”

“Huno sa zwe zwa vha zwi zwone mađuvhani a Noaxe, zwi do ralo kha u ḫa ha Murwa-muthu.”

Zwino sedzani, arali ni tshi ṭoda u ḫivha uri tshivhidzo tshi kha tshiteidzhi tshifhio, sedzani tshiteidzhi tshire vhasadzi vha vha khatsho, ni a vhona, ngauri ndi ene tshivhidzo. Sedzani zwine a khou ita, ni a vhona, nahone kha itsi tshikhathi tshivhi tsha murengisamuvhili.

¹⁸² Sedzani, ho vha hu si na muđi wa vhutshivha, muvhni, wa fhasi, u no rengisa muvhili shangoni, u fhira Nazaretha, huno heneffo Mudzimu o nanga musidzana. “Naa tshiñwe tshithu-vho tshavhudi tshi nga bva Nazaretha?”

Huno kha itsi tshikhathi tshivhi, he mudzimu wa itsi tshikhathi a pofudza mađo a vhathu, nga dzidogima na dinomineisheni dzavho; kha tshenetsho tshikhathi, Mudzimu u khou nanga vhathu u itela Dzina Lawe.

Naho fhano ro naledzwa na u nyadziwa, liñwe
duvha Murena u do disa
Vho khethwaho Vhawe ngomu khoroni, huno
izwo zwe tea tshiñwe na tshiñwe.
Zwenezwo ri do imba na u ḫavha mukosi,
huno ra tshina ri tshi mona,
Ngwana i do omisa miłodzi yashu;
Ri do vha na vhege nthihi ya dakalo ya u ḫayani,
Miñwaha ya u thoma ya zwigidi zwa fumi.
(Izwo ndi zwone.)

Vhathu vha mangadzaho vha Dzina Lawe
huno vha vhidzwa Muselwa Wawe. (Naa
izwo ndi zwone?)
Naho ro naledzwa na u nyadziwa, liñwe
duvha Murena u do disa
Avho vho khethiwaho ngomu khoroni, (kha
mupfuluwo) huno izwo zwe tea tshiñwe na
tshiñwe kha mne.

¹⁸³ Ndi khou swika hune nda vha munna o aluwaho. Huno mađuvha anga a thoma u puta; huno mavhonele anga a thoma u si tsha vhonadzes; nahone khavhu thukhu yanga ya vhutshilo i thoma u dugela fhasi. A thi ofhi swiswi. Ngauri ndi ṭoda u amba izwi, na Paulo, “Ndi a Mu ḫivha nga maanda a mvuwo Yawe.” A hu londwi uri vha ntswiñafhi, arali nda nwela khothe lwanzheni, kana nda swa ḫandoni, kana nda liwa ng a ndau, U do vhidza dzina ḫanga, huno ndi do amba. Amene!

Kha ri rabele.

¹⁸⁴ Arali ha vha ngomu hafha, kana nn̄da ḥaraṭani dza uyu Mulaedza kha lushaka lwoṭhe, zwivhidzoni zwanu zwituku na zwigwada na dziholo, na huñwe na huñwe he na dzula, arali hu na muñwe, oo, kha ndi ni kwengweledze; kha ndi ni luvheledze, sa mushumeli wa Mafhongo-madifha; kha ndi ni luvheledze, nga Dzina ja Yesu Kristo; shavhani mbiti dza itshi tshikhathi tshivhi! Ni songo shumela mudzimu wa itshi tshikhathi tshivhi.

Oo, ndi a zwi ḫivha uri inwi ni ri, “Ndi zwavhud̄i. Ndi vhavhud̄i.” Kokotolo, muri wo vangwaho. Ni nga si vānganye ndivho na Ipfi ja Mudzimu.

Ndi Ipfi line la tea u tendiwa nga lutendo, hu si ndivho. A ni Li pfeses; ni a Li ḫanganedza. Ni ri Lo luga, huno zwenezwo na tshila Ngalo. Ndi zwenezwo fhedzi zwine A ni humbela u ita.

Arali hu na muñwe-vho a re hone fhano kha tshigwada tshashu, ri nga si kone u ita mbidzo ya al̄itari u ni disa ngeno n̄tha, ngauri a hu na na lufhera; kana nn̄da muyani, kha thambo dza luñingo, arali hu na muñwe-vho ngeyo nn̄da ane a sa Mu ḫivhe. Ni songo . . .

¹⁸⁵ Oo, vhasadzi, ndo ni sema matsheloni ano, hu si nne, ndo redza fhedzi Ipfi. Mavhudzi mapfufhi, u ambara izwo zwiambaro zwituku, ni tshi ambara nga ndila ine na vhonala lwa vhudzekani zwa vhukuma, naa a ni limuhi uri muya une . . . Inwi ni nga di vha o kunaho, khaladzi, mufunwa, musi zwi tshi da kha muvhili wañu, fhedzi mbiluni yañu a ni vhonon tsho ni faraho?

Naa Mudzimu a nga ita nwananyana Wawe uri a vhonale lwa vhudzekani u fhura murwa Wa ene muñe, u mu emula, u ita uri vhuvhili havho vha fhindulele vhupombwe? Naa A nga zwi ita, khaladzi? ḫivhudziseni iyo mbudziso. Hai, hu si nga maela dza milioni dza fumi. Ni songo zwi vhalela Mudzimu izwo.

¹⁸⁶ Mukomana, naa mudzimu o ni nea muya wa lino shango u swika ni sa koni u vhone uri izwo zwo khakhea? Naa o pofudza maño añu, kha milayo ya mikhwa yavhud̄i ya tshivhidzo, dinomineisheni, ndaela, na zwiñwe-vho, lune na si kone u vhone uri Mudzimu u khou khwañisedza Ipfi ḫawen a u Li ita nga u ralo? Naa mushumo wañu, naa vhasa wañu, naa mufumakadzi wañu, naa vhana vhanu, naa tshivhidzo tshañu, kana tshiñwe tshithu, tsho ni fhandekanya na Ipfi ja Mudzimu, line la vha tshiko tshi tshothe tsha Vhutshilo? Tshi shavheni, mukomana wanga! Ndi a ni funa, nga lufuno lwa Mudzimu. A thi thonifhi muñwe-vho wa vhabomana vhangwa u fhira inwi, na luthihi. Arali ndo ralo, ndo vha ndi tshi do sumbedza u ḫalula muthu. A thi ambi izwi zwithu u ni sinyusa. Ndi a sumbedza, nda amba izwi zwithu ngauri zwi kha Ipfi ja Mudzimu. Huno sa mulanda wa Mudzimu, na lufuno lwa Mudzimu mbiluni yanga, ndi ni vhudza izwo zwithu uri ni vhone na u pfesesa. Khamusi no vha ni si nga zwi ḫivhi arali ndi songo ni vhudza. Naa ni do zwi shavha ñamusi?

Zwino, na huīwe na huīwe kha shango lōthe, kha ri kotamise zwifhātuwo zwashu.

¹⁸⁷ Mudzimu a funwaho, phanda hanga hu na zwisagaduku. Vhathu vha a lwala; ndi khou vhea zwanda zwanga khazwo, uri U do vha fhodza.

¹⁸⁸ Huno ndi a fulufhela, Murena, madekwana a namusi, uri hu do vha na tshumelo khulwane, uri Maanda a Mudzimu a do vha fhano, zwiga zwihiulwane na zwimangadzo. Vhunga ro pfa mvelelo kha iyi mītangano mivhili yo fhiraho, ndila ine zwa vha zwihiulusa ngayo, vhonani two bvelelaho! Ndi a rabela, Mudzimu a funwaho, uri U do ri nea wa ri inga kavhili madekwana a namusi. Ndi a i rabela nga mbilu i fulufhedzeaho, Murena, ngauri ndi lufuno lwanga kha Iwe na Ipfi Łau, na avha vhathu. Zwi tendele, Mudzimu a funwaho.

¹⁸⁹ Huno arali nnda kha shango lōthe, kana na ngomu hafha zwino, uri hu na vhaīwe vha no lwala na u thuphea, huno vha tea u tuwa madekwana a namusi, vha si nga vhi fhano, kana vha vha nnda henefho zwivhidzoni kana mafhethu hune vha kuvhangana; ndi rabela uri U vha fhodze. Zwino, Murena, fhedzi u itela vhuhulwanesa ha phodzo yōthe! Arali U tshi fhodza muvhili wavho kha pfuko, TB, nyumonia, tshiīwe tshithu, vha do lwala hafhu, a hu na thimothimo, arali vha lalama nga maanda, ngauri muvhili wavho u kha di vha fhasi ha tshivhi, samba. Fhedzi i ri vha wane ya vhu—vhukuma phodzo ya Muya, phodzo ya mbilu, i no ita tshivhumbwa tshiswa, tsha bva lufuni tsha ya Vhutshiloni, huno zwenezwo u lindela kha iyi thaberanakele ya kale thengululo ya muvhili nga murahu ha musi mbilu yo no rengululwa. Zwi tendele, Murena.

¹⁹⁰ Ngavhe vha tshi shavha dzidinomineisheni na dzindaela. Mudzimu, nnda kule ngei kha idzo ndaela na dzidinomineisheni ndo tangana na vhaīwe vhakomana vhavhudisa. Huno, Mudzimu, ndi nga zwi amba hani uri vha vhone, huno nda vha ita uri vha vhone Ipfi? Zwi a nndina. Fhedzi ndi a divha, hafhu, uri Wo amba, “À hu na muthu ane a nga da,” hu sa londwi uri o luga hani, ndi wa vhulenda hani, o vuða hani, “nndani ha musi Khotsi Anga o mu vhidza. Huno whōthe vhe Khotsi Anga a N̄nea, vha do da.” Huno, Murena, ndi a pfa vhudifhinduleli hanga tshōthe-tshōthe ha u amba Ngoho.

Huno hu si sa Paulo o ri, “U shumisa Ipfi ja Mudzimu nga vhufhura,” na dogima ya dinomineisheni yo vanganywaho ngomu Halo, sa muri wa muvango wa vhuði na ndivho, vhuði na vhuvhi; fhedzi nga mbilu yo vuleaho na Muya Mukhethwa. Zwi tendele, Mudzimu. Tshidza muñwe na muñwe.

¹⁹¹ Zwino zwifhātuwo zwashu two kotama na māo ashu o valwa. Nahone hu si kha nñe... Ndi nga si zwi ambe nga iyi ndila, “A zwi nnyiteli phambano uri kana ni a ita kana hai.” Zwi nnyitela phambano. Ndi a ni funa. Nahone ndi a

fhlufhela uri a ni elekanyi uri ngauri ndi tea u amba nga vhuhali... Vhunga Paulo o amba, "Ndi do takalela u vha hone na vhoiwi, huno ndi do shandukisa vhudifari hanga." Ho vha hu si ngauri ho ngo vha takalela; o vha a tshi vha funa. Hu si... Vhunga Yesu o do tea u vha kaidza, huno zwenezwo a vha fela. Ni a vhona, "Khotsi, vha hangwele; a vha divhi na tshire vha khou ita." U elekanya, muthu a no ḥoda u luga, huno a tshi khou lingedza u luga, na u vhona uyo diabolo... Uyo ndi ene ane nda lwa nae, uyo o pofudzaho maṭo a avha vhathu.

¹⁹² Ulu lushaka lu tea u vha lu tshi khou duga vhugala ha Mudzimu, u vhona zwe zwa itea ngomu halwo nga lino dvhala la u fhedzisela, ili la u fhedzisela. Ndi ngani idzi mvuseledzo dzi sa rwi mashango a kale? Iyi ndi Khunzikhunzi ya Vhukovhela nga hangeno, kulesa vhukovhela hune ni nga kona u ya. Zwino tshithivheli tsha tshivhi tsho bvuma fhasi-fhasi ha lifhasi, huno li khou ḥupela; mafhethu, huno Los Angeles na Hollywood, a tshi khou ḥupela intshi nnzhi nga maanda nga awara, a hu na ndila ya u zwi imisa. Iina, ri fhano. Nga maandesa tshifhinga tshiñwe na tshiñwe-vho ri do pfa ndivhadza-mulandu. Arali ni tshi divha uri... .

Zwino, hu songo sedza muthu. Fhedzi arali ni tshi divha, zwi tshi bva mbiluni yanu... Ndi khou ni vhudzisa. Ndi nga si kone u divha mbiluni yanu, nndani ha musi Mudzimu a tshi i dzumbulula. Fhedzi zwi tshi bva mbiluni yanu, arali ni tshi nga kona u vhona uri inwi a ni afho hune na tea u vha hone na Mudzimu na Ipfi Lawe, nga lutendo, ni nga Mu imisela zwanu tshanda tshanu, na ri kha Ene, "Murena, Iwe nthuse." Oo Mudzimu! Kha iyi kereke, yo dala, yo dala u mona na mbondo, nga ngomu na nnda, lwo buletshedzwaho zwanda zwa mađana, khamusi zwanda zwa mađana mavhili zwe imiswa. Ndi a ni livhuwa nga nthani ha vhufhulufhedzei hanu.

¹⁹³ Yesu a funwaho, u songo litsha na muthihi wavho a tshi xela. Sa mulanda Wau, a no ima vhukati ha vha tshilaho na vho faho, ndi tshi vha sumba, nga munwe, Ipfi la Mudzimu. Ndi nga si kone u vha tshidza, Murena, fhedzi vha ḥoda u tshidzwa. Huno, Khotsi, vhunga ndo no amba zwifhinga zwinzhi, dvhala li ṭavha nga matsheloni; huno musi li tshi da nthia u buđekanya lifhasi, li rumelwa nga Mudzimu u vhibvisa thoro, u ita vhuswa ha mvelo u itela u tshila lwa mvelo. Fhedzi, Oo Mudzimu, Wo amba, "Kha avho vha ofhaho Dzina Lawe Duvha la u luga li do ṭavha li na phodzo phaphani Dzaļo." Iri ni Duvha la u luga, Ipfi la Mudzimu, li ṭavhe mbiluni dla vhathu, huno matalazaza a phodzo a lutendo kha ilo Ipfi a fhodze a sa thetselesi muñwe na muñwe kha Ipfi, huno wa vha disa u swika kha u khunyelela ha vharwa na vhananyana vha Mudzimu.

Vha Vhau, Murena. Nga Dzina la Yesu Kristo, fhano na nnda muyani, ndi a vha nekedza avho vho imiselaho zwanda zwavho kha Iwe u itela u tshidzwa ha mimuya yavho. Amene.

Henengei muya wanga wo takulelwaho
 ḥaqulu u do wana (Ngafhi? Kha iyi aliṭari.)
 Vhuawelo nn̄da ha... (nga lutendo ndi sedza
 nga hangei hune nda khou ya)
 Tsini na tshifhambano, (afho ndi hune Ipfi la
 nembelela)... tshifhambano,
 Ivha vhugala hanga misi yothe;
 U swika muya wanga wo takulelwaho ḥaqulu
 u tshi wana
 Vhuawelo nn̄da ha mulambo.
 Yesu, n̄ne dzula... (Ndi uri, no vhambiya
 Nae, ni songo ṭoda tshithu tsha shango.
 "N̄ne dzula wo mbamba.")
 Hu na tshisima tsha vhuthogwa,
 Ndi tsha fhedzi kha vhoṭhe, ludambwana lu
 fhodzaho,
 Lu elela u bva tshisimani tsha Khaṭivari.
 Tshifhambanoni, tshifhambanoni,
 Ivha vhugala hanga (kha ri imise zwanda
 zwashu) misi yothe;
 U swika muya wanga wo takulelwaho ḥaqulu
 u tshi wana
 Vhuawelo nn̄da ha mulambo.

¹⁹⁴ [Mukomana Branham u amba zwino na vhoṇemuzika—Mudz.] “Ndi a pfa Mutshidzi wanga a tshi khou vhidza.”

Hovhelelani huno ni fare tshanda tsha muñwe, huno ni ri, “Mudzimu a ni fhaṭutshedze, Mukriste.”

[Mukomana Branham u amba hafhu na vhoṇemuzika—Mudz.] “Ndi a pfa Mutshidzi wanga a tshi khou vhidza.”

Inwi ni a pfa Vhuhone Hawe? [Tshivhidzo tshi ri, “Amene.”—Mudz.]

Ngei nn̄da kha weivi dza ḥthingo, vhoinwi noṭhe khaḍanani ngeyo nn̄da, huno ni ri, “Mudzimu a ni fhaṭutshedze, Mukriste.”

¹⁹⁵ Ni a ḫivha, hu na dzivha la mađi ngeno murahu. U khou dzhia vhathu vha no khou ambara Dzina ḥaw. Ni sa athu lovhedzwa nga Dzina la Yesu Kristo u itela khangwelo ya zwivhi, hu na dzivha, hu na dzinguvh, hu na munna o imaho o dilugisa. Ni a ḫanganedzwa, arali nga ngoho ni tshi ḫanganedza Yesu sa Mutshidzi wañu huno na tenda uri izwo ndi Ngoho.

¹⁹⁶ Elelwani, a ho ngo vha na muthu Bivhilini na kathihi, kana nga tshiñwe tshifhinga-vho hu sa athu dzudzanyiwa tshivhidzo tsha Kaṭolika, we a vhuya a lovhedzwa nga iñwe ndila-vho nga nn̄da ha nga Dzina la Yesu Kristo. A hu na fhethu hu wanalaho Luñwaloni, kana ḫivhazwakale, he

vharīwe vhathu-vho vha vhuya vha lovhedzwa, ngomu ha Tshivhidzo tsha Mudzimu a tshilaho, nga dzina la maimo a “Khotsi, Murwa, Muya Mukhethwa.” Ndi dogima ya Kaṭoļika, huno hu si pfunzo ya Bivhili.

¹⁹⁷ Ndi tshi vhonana na tshifhe, ndo mu vhudzisa hezwo. A ri, “Iyo ndi ngoho. Fhedzi riñe ri tshivhidzo; ri a kona u shandukisa tshiñwe na tshiñwe tshire ra ṭoda. U khethea hu kha tshivhidzo. Mudzimu u kha tshivhidzo Tshawe.”

¹⁹⁸ Nda ri, “Mudzimu u kha Ipfi Lawe. Huno arali tshivhidzo tshi...” Nda ri, “Mudzimu ndi Ipfi. Huno arali tshivhidzo tshi tshi fhambana na Ipfi, zwenezwo a thi tendi tshivhidzo.”

Ndi tendela ipfi liñwe na liñwe la muthu li tshi vha mazwifhi, kana ndi tshifhe, mupapa, nnyi na nnyi ane a nga vha ene, huno Ipfi la Mudzimu la vha la ngoho.

Huno Paulo o itisa uri muthu muñwe na muñwe, hu sa londwi uri o vha o no lovhedzwa hani, arali o vha a songo lovhedzwa nga Dzina la Yesu Kristo, uri a de huno a lovhedzwe hafhu.

¹⁹⁹ Huno nga murahu ha musi vharīwe vho no di wana Muya Mukhethwa, Petro o ri, “Naa ri nga dzivhisa madi, huufha avha vho ṭanganedza Muya Mukhethwa,” Mishumo 10:49, “huufha avha vho ṭanganedza Muya Mukhethwa vhunga riñe ro ralo ngei...” Huno a vha laya, “Ni sa athu ṭuwa afha fhethu, naho no ṭanganedza Muya Mukhethwa, idani huno ni lovhedzwe nga Dzina la Yesu Kristo.”

Ngauri, Petro o newa khii dza u ya kha Muvhuso, a tshi ri, “Tshiñwe na tshiñwe tshire wa vhofha kha lifhasi, Ndi do tshi vhofha ngei ṭadulu.” Huno khii i itani? I khiṇulula tshiñwe tshithu, tshiphiri.

²⁰⁰ Huno musi Yesu a tshi ri, “Iyani, ni vha lovhedze nga Dzina la Khotsi, Murwa, Muya Mukhethwa,” a tshi khou vhekanya izwo heneffo u pofudza a sa tendi.

Sedzani! Ndi ngani Petro izwo a songo zwi ita, ipfi nga ipfi? O do tea u ralo.

Arali muthu o lovhedzwa nga maimo, “Khotsi, Murwa, Muya Mukhethwa,” ha athu lovhedzwa na kathihi; ha na Dzina. *Khotsi* a si dzina, *Murwa* a si dzina, na *Muya Mukhethwa* a si dzina. Muya Mukhethwa ndi zwine Wa vha zwone; vhunga, nne ndi muthu. Ndi Muya Mukhethwa.

Khotsi ndi vhuimo; nne ndi khotsi. *Murwa* ndi vhuimo; nne ndi murwa. *Muthu* ndi vhuimo; itsho ndi tshire nda vha tshone. Fhedzi dzina ḥanga ndi William Branham.

Huno Dzina la Khotsi, Murwa, Muya Mukhethwa ndi Dzina la “Yesu Kristo.” Yesu o ri, “Ndi da Dzinani la Khotsi Anga.” Naa Dzina la Khotsi ndi lifhio? Murwa muñwe na muñwe-vho u da dzinani la khotsi awe. Huno Dzina la Khotsi ndi Yesu Kristo. Ni a vhona? Ni a vhona zwine nda amba?

²⁰¹ Arali ndo ni vhudza u tsela fhasi huno ni nngwanele tshiñwe tshithu tshi bvaho kha khaunthara hafha fhasi, nga dzina la nedorobo wa mudi. Naa ndi vhangana vha no divha uri nedorobo wa mudi ndi nnyi? Khonani yanga yavhuđi, Rich Vissing. Zwo ralo, no vha ni si nga koni u tsela henengei huno na ri “nga dzina la nedorobo wa mudi.” Inwi ni ri, “Nga dzina la Richard Vissing.” Vhoinwi vhatu fhano Jeffersonville ni a divha uri ndi nnyi.

Huno itsho ndi tshone tsho itisaho uri A ri, “Khotsi, Murwa, na Muya Mukhethwa.” Khae hu dzula Mudzimu, u khunyelela ha Vhumudzimu muvhilini. O ri, “Vha lovhedzeni nga Dzina la Khotsi, Murwa, Muya Mukhethwa.”

²⁰² Petro o ima heneffho e na nzumbululo ye khayo A fhađa Tshivhidzo, ya We A vha e ene, a ri, “Shandukani, nođhe, huno ni lovhedzwe nga Dzina la Yesu Kristo.” Huno na kathihi... Khii dza mona ngei Tađulu na kha liphasi, “A hu na linwe Dzina fhasi ha Tađulu lo qewaho vhukati ha vhatu line ngalo na fanela u tshidzwa.”

²⁰³ Ndi ngani ni tshi lovhedza nga Dzina la Yesu Kristo? U itela khangwelo ya zwivhi. “Vhane na vha hangwela zwivhi, khavho zwo hangwelwa.” Ni a vhona? Fhedzi arali ni sa elekanyi uri o fanela nahone o tea u lovhedzwa, ni songo zwi ita. Ngauri, musi ni tshi zwi ita, izwo zwi a zwi ita, ni a vhona. Ni a pfectesa zwine nda khou amba?

Ndi a pfa Mutshi-wanga... (Ipfi) a tshi
vhidza, (a tshi vhidza ngei fhasi kha tshalo)
Ndi a... (“Naa ni nga si fe na Nqe, uri ni
kone u vuwa na Nqe?”)... -tshidzi a tshi
vhidza,
Ndi a pfa Mutshidzi a tshi vhidza, (naa
shango li khou yo ri mini?)
“Dzhiani tshifhambano tshañu, huno ni
tevhele, tevhele...”

Zwino, arali ni songo vha:

Hune A (Ndi ene Ipfi) nnyisa hone ndi...
(ngelo dzivha)
Hune A nnyisa hone ndi do tevhela,
Hune A nnyisa hone ndi do tevhela,
Ndi do enda ndi Nae, ndi Nae ndilani yođhe.

Kha ri kotamise zwifhađuwo zwashu.

²⁰⁴ Mudzimu a funwaho, dzivha lo luga. Zwino amba na dzimbiļu, Murena. Ngavhe vha tshi pfa Kristo, Ipfi, a tshi vha vhidza, huno vha enda Nae ndilani yođhe.

“Ndi do enda Nae kha ngade. Ndi enda Nae u ya dzivhani. Ndi do džhia Dzina Ławe. Ndi todou vha muřwe wa vhatu vhangane A khou vha vhidza u itela Dzina Ławe. Ndi do tenda Ipfi Ławe. Ndi do tevhela. Ndi nga si ambisane na shango na

kathihi. Ndi do vha Muselwa wa ngoho, o fulufhedziswaho. Ndi nga si ṭutshele na ḥedere ṭhukhu ya Ipfi Lawe. Khumbelo iñwe na iñwe, ndi do vha Muselwa wa vhukuma, wa ngoho. Tshiñwe na tshiñwe tshine A nkhumbela u ita, itsho ndi do ita.

“Arali Munna wanga a no khou da a tshi ṭoda ndi tshi litsha mayhudzi anga a tshi aluwa, ndi do zwi ita. Arali A tshi ṭoda ndi tshi bvisa zwidolo izwi zwothe, ndi do zwi ita. Arali A tshi ṭoda . . . A tshi mmbudza uri ndi muya muvhi, uyo muvhi ane nda khou ambisana nae, nga izwi zwiambaro zwi vhonala ho zwi zwa vhudzekani; ndi do zwi ita, ndi do zwi bvula. A thi londi zwine nnyi na nnyi-vho a amba, ndi do zwi bvula.

“A tshi ṭoda ndi tshi bva kha itsho tshigwada tshine nda vha natsho, tsha vha sa tendi, ndi do zwi ita; naho nda ita tshinnkwa tshanga, kana tshiñwe na tshiñwe tshine tsha vha tshone. O fulufhedzisa uri na kathihi A nga si ṭutshele kana a mpfuralela. Ndi do—ndi do zwi ita. Ndi do enda ndi Nae ndilani yothe. A tshi ṭoda ndi tshi lovhedzwa nga Dzina Lawe, ndi do zwi ita.”

Murena, Wo zwi fulufhedzisa kha Ipfi Lau hafha, izwo ndi zwe Wa ṭoda. Ngavhe muthu muñwe na muñwe a tshi zwi vhona, Murena, nahone lu ḅifhaho, nga u ḅitukufhadza a Li gwadamela. Dzinani la Yesu ndi a rabela. Amene.

²⁰⁵ Inwi ni wa Mudzimu. Ngavhe Mudzimu a tshi dzhia maipfi mañuku o vundeaho huno a a ita a vhukuma kha inwi, ndi thabelo yanga i fulufhedzeaho.

Dzivha li do vha lo luga. Nnyi na nnyi a no ṭoda u da, vha na . . . Mushumeli u do ḅivhadza izwo ngavhuyanyana. Nnyi na nnyi o shandukaho huno a tshi ṭoda u lovhedzwa, a tshi shumisa Dzina la Yesu Kristo, inwi itonu da ngeno phanda. Tshiñwe na tshiñwe tsho luga. “Zwithu zwothe zwo luga.” Tshiñwe na tshiñwe tshine ra kona u ita u ni thusa u tshirela Mudzimu, ri fhano u tshi ita. Mudzimu a ni fhaṭutshedze.

²⁰⁶ Zwino kha ri ime. Zwino luimbo lwashu luṭuku, *Ndi A Mu Funa*. “Ndi a Mu funa ngauri O mpfuna u thoma.” Kha ri lu imbe, muñwe na muñwe zwino.

Ndi a Mu funa, . . .

Kha ri imise zwanḍa zwashu ri tshi lu imba.

. . . ndi a Mu funa

Ngauri O funa nñe u thoma

Huno o rengisa tshidzo yanga

Murini wa Khaṭivari.

Zwifhaṭuwo zwashu na mbilu dzashu dzo kotama zwino, kha ri lu riunele Ene. [Mukomana Branham u thoma u riuna *Ndi A Mu Funa*—Mudz.]

Ndi a Mu funa.

[Mukomana Branham u isa phanda na u riuna *Ndi A Mu Funa*—Mudz.]

Oo Mudzimu, Khotsi ashu, ivha wa khathutshelo kha rine zwivhumbwa zwi tungufhadzaho, Murena. Ri nee nungo u itela mushumo u re phanda. Nthuse, Oo Mudzimu, nthuse! Ndi a pfa uri tshiñwe tshithu tshi henefha nnqa hafha, Khotsi. Nthuse, Oo Mudzimu, u divha Ngoho. Fhañutshedza avha vhathu, Mudzimu a funwaho. Vha range phanqa, ndi a rabela, Dzinani la Yesu.

²⁰⁷ Zwino musi ri tshi kotamisa zwifhañuwo zwashu, ndi khou yo humbela mufunzi hafha, Murathu Neville, murathu washu wa vhuñhogwa, uri a dzhie ñiga a de ngeno ntha zwino huno a ambe zwine a khou yo, nga ha uri kana...nga ha ndovhedzo. Ndi nga di ñivhadza izwo. Ndi elekanya uri dzivha lo vulwa, naho. 

MUDZIMU WA ITSHI TSHIKHATHI TSHIVHI TSV65-0801M
 (The God Of This Evil Age)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Thangule 1, 1965, Thabererenakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa ganđiswa u songo pfufhifhadzwa nga Tshiisimane. Heyi thalutshedzo ya Tshivenđa yo ganđiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org